

NATIONAL ASSEMBLY OF SEYCHELLES

Monday 08th March ,2021

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonjour tou Manm Onorab pou en novo lasemenn. E bonjour nou lodyans o deor. Pou komanse a lokazyon Lazournen Enternasyonal Madanm, *Chairperson group* Madanm dan Lasanble pou lir en mesaz pou Lasanble e pou nou piblik. Onorab Esparon.

HON REGINA ESPARON

Bonjour tou koleg Manm Onorab. Mersi Mr Speaker pou donn mwan laparol lo nou *Caucus* bann Madanm Parlmanter a lokazyon Lazournen Enternasyonal bann Madanm koman *Chairperson*.

Pou mwan dabor swet tou madanm dan Sesel en bon lafet. Spesyalman nou bann Manm Lasanble Madanm. E tou lezot madanm ki travay isi kot nou Lasanble.

Mr Speaker, si lemonn in war li neseser pou dedye sa Lazournen spesyal pou onor nou bann madanm sak lannen, se pou rekonnet sa rol, tre enportan e onore ki nou koman madanm nou annan dan lasosyete.

Isi Sesel sak lannen, nou osi koman en Nasyon, nou pa mank sa lokazyon pou dir mersi. E rekonnet zefor e kontribisyon ki madanm i fer dan diferan domenn dan sosyete. E pou osi onor sa rol ki zot pe zwe dan lafanmir, dan kominote, dan bann groupman relizye, e dan nou pei an zeneral.

Mr Speaker, sa zour le 8 Mars, i osi mark en letap dan sa lalit ki nou bann madanm pe anmennen atraver lemonn pou rod zot drwa. E selebre zot lakonplisman dan serten pei, kot zot in reisi annan sa legalite ant fanm ek zonm.

I osi bon note ki an 2011 lemonn ti selebre 100an dan sa lalit. Depi ler bann madanm an *Allemagne*, *Lotris*, *Denmark*, ek *Switzerland* ti ralye demonstre piblikman an 1911, pou rod zot drwa. Kot zot ti lans en konpanny pou aboli diskriminasyon.

Sa bann madanm ti reklanm zot drwa pou travay, drwa pou vote, e osi drwa pou

ganny bann pozisyon politik ki ti'n ganny siprimen. E kot zis zonm ti pe benefisye. E depi sa lezot madanm dan parti lemonn enkli Sesel in osi zwenn dan sa lalit.

An 1995 dan katriyenm Konferans Mondyal pou bann madanm an *Beijing*, bann aktivis madanm ti fer en deklarasyon e met a zour en platform pou aksyon pou akseler sa prosesis, e kre loportinite pou fer sa sanzman radikal pou benefisye bann madanm. Dan bann domenn paret Lasante, ledikasyon, lalit kont lapovrete, lalit kont vvolans e konfli e lezot.

E depi sa, dan bokou pei sisyete sivil i adopte sa bann diferan program, pou ogmant konsyantizasyon e adres sa bann konsern. Kot zot in fer sanzman pou kre lespas pou lemansipasyon bann fanm, e donn zot plis lotorite.

Mr Speaker, mon rekonnet malgre ki prosesis i dousman dan serten pei, me mon konvenki ki i pa enposib akoz i annan bokou pei ki pe reisi dan sa lalit.

Ozordi bokou lorganizasyon ki Sesel i afilye avek i egzize ki madanm i ganny met dan bann pozisyon politik kle. E annan en swa egal ler nou swazir bann reprezantan.

E depi ki Sesel in siny sa protokol pou elimin tou diskriminasyon kont bann madanm, bokou zefor in ganny fer pou adres bann tel disparate. E pti a pti madanm pe byen ganny reprezante dan bann pozisyon kle dan pei. Ki swa lo nivo Minis, PS, CEO, e osi dan bann lendistri ki ganny dominen par zonm; - parey dan domenn lapes e lamarin.

Me mon kapab dir ki reprezantasyon madanm lo nivo Lasanble i ankor pa ase. E mon santi ki nou ti'n kapab fer pli byen, pou ankouraz plis madanm pou partisip dan politik son pei. E ki bann parti politik i donn zot plis lankourazman neseser, pou zot reisi.

I enpotan ki nou kontinyen edik nou sisyete lo differan laspe, ki pou ede met en lafen ek diskriminasyon. Kot i a akseler demars e met a zour lazanda Nasyon Ini. Pou ki i annan sa transformasyon total kot lemonn i ava ariv lo sa 50 poursan reprezantan fanm, lo tou nivo disi 2030. Sa ki ganny konsidere koman 'gender equality.'

Mr Speaker, ozordi nou war kot i annan bokou ideolozi kiltir oubyen prensip ansyen ki vin baryer, e met retar bann Madanm dan zot devlopman.

Kot serten larelizyon, kiltir, i tant pou donn preferans bann garson. E li sa zanfan fir i mank bokou loportinite pou avans devan.

Nou bezwen vin realistik e modern dan fason panse, san ofans kiltir oubyen relizyon. Akoz se sa bann menm ideolozi e prensip ki kontribye pou abiz dwa fondamantal proklanmen par Nasyon ini lo deklarasyon Drwa Imen.

E osi protokol pou elimin tout form diskriminasyon kont bann madanm e fir ki osi enkli labi. E Sesel in siny sa Konvansyon depi le 5 Me 1992.

Ozordi Mr Speaker, sosyete i rekonnnet ki fanm se nou menm sa manman, sa ser, sa tantin, sa granmanman, sa nyes, sa kouzin, sa belser. E sa responsabilite ki ganny met dan nou lanmen i enn tre enportan.

Lanatir i donn nou sa rol pou donn nesans. E osi pou nouri e fer grandi nou zanfan. Se sa ki donn nou sa *nurturing role* dan lasosyete. En don ki zis fanm ki annan. Sa rol i pa enn ki nou kapab pran a la lezer.

Letan nou deside koman en madanm pou pran sa rol manman nou bezwen fer li avek tout sa preparasyon. E an plenn konesans, an prenon kont tou responsabilite ki vin avek.

Ozordi mon remersye e salye zefor tou bann madanm ki'n debout for akote zot mari pou promouwar en fanmir solid. De menm mon remersye e salye zefor bann madanm ki travay dir pou re enkilke sa bon valer e transform nou sosyete dan enn ki meyer.

Mon remersye e salye ou sa madanm ki sa vre *role model* pou lezot madanm. Kot ou'n demonstre sa vre valer fanm Seselwa dan tou son splander. Egalman mon remersi e salye ou zefor. Ou sa madanm brav ki dan sa letan difisil kot sa pandemik in tap nou, ou'n debout solid pou 2 bout zwenn kot lakour, e ou'n konn balans ou priyорite. Ou en legzanp pou lezot. E sosyete i kapab kont lo ou koman enn son pilye, pou fer li avans devan.

Mr Speaker, sa lannen Lazournen Enternasyonal bann Madanm pe ganny selebre anba tenm "Fanm fas a defi dan en monn COVID". Lalit pou drwa egalite ant zonm ek fanm i enn ki kontinyel. E Lazournen Bann Madanm i toultan en lokazyon ki fer nou regarde ki progre sosyete in fer dan sa direksyon. E selebre okenn lakonplisman dan sa domenn. E sa lazournen, e sa lannen COVID in fer nou rat lokazyon pou en selebrasyon.

Me pa sa ki pou fer nou bes lebra. Lalit i kontinyen. Pou bann madanm ki pe soufer ek sa fame kanser, kouraz dan sa lalit. E nou priye ki zot reganny zot lasante. Pou bann travayer lasante kot mazorite i madanm. Mersi pou sa zefor ekstra ki ou pe donnen pou sov lavi.

Avek sa Lalwa kont Vyolans Domestik ki ti ganny i sinyen an Zen lannen pase, in fer nou bouz en pa an avan. E si i ganny enplimante dan son totalite, bann madanm i ava ganny *maximum* proteksyon. Sa i levidans ki sisyete i pare pou donn zot bann, madanm ki pe ganny abize tou proteksyon kont okenn form labi. E siport zot dan tou demars pou fer zot aret ganny abize.

Mon ofer mon lanmen a ou sa fanm ki pe trimouse, me ki pe rankontre en kantite defi. Ou pa tousel, pa dezespere. Mon remersye bann madanm aze, zot kontribisyon anver nou sisyete i devret ganny valorize. E nou remersye zot enormeman. Sisyete i devret garanti ki zot bann zour i pas dan konfor e dan lape. Mon swe se ki zot kontinyen annan sa lazwa de viv, malgre zot laz i avanse.

Pou tou bann zenn fir ki pe pran sa premye pa dan lavi adilt, pa zanmen kanmi pou

demann konsey pou aprann avek sa ki annan konesans. Eksplor tou possibilite ki zot potansyel i ofer, e pa les loportinite pou avans pli devan sap zot.

Pou ou sa zomn ki pe kontinyen abiz sa fanm, kalkil de fwa avan ou fer aksyon. Sisyete i kapab ed ou sanze. Avans devan e vin rod led. E pou ou sa fanm ki pe abiz sa zomn. Kalkile de mal pa fer en byen. Ou osi ou kapab sanze, avans devan e vin ede dan sa lalit.

Mr Speaker, mon pou termin mon mesaz avek en sitasyon.

Kot Anna Eleanor Roosevelt, madanm 32enm Prezidan Lanmerik dan bann lannen 1980 ti dir. Mon site, "En fanm i parey en *teabag*, ou pa kapab dir ki kantite for i for ziska ler ou met li dan delo bwi". Fen sitasyon.

Se zot bann fanm for ki sa lafors ki nou bezwen pou transform sa sisyete. Se zot ki leker sa Nasyon Seselwa. Mon konvenki ki zot lafors i kapab anmenn sanzman pozitiv pou nou sisyete. Annou mars latet anler avek tout lafyerte, e dan tout liminite pou sa ki nou ete.

Fanm Seselwa annou pa zanmen les lebra tonbe! Bonn fet Lazournen Enternasyonal

bann Madanm zot tou! Mersi Mr Speaker.

(APPLAUSE)

MR SPEAKER

Mersi Onorab. Onorab *Leader Lopozisyon* mon a donn loportinite azout en pti mesaz silvouple.

HON SEBASTIEN PILLAY

Mersi Mr Speaker. Bonzour Mr Speaker. Bonzour tou koleg Onorab. E bonzour tou dimoun ki a lekout. En bonzour spesyal pou tou bann madanm Seselwa isi, e tou madanm dan lemonn. E osi en bonzour tre salere pou mon bann koleg madanm isi dan Lasamble.

Mr Speaker, si i annan ki defini nou koman en Nasyon, se nou karakter e nou rezilyans pou konpran sityasyon ler i pe sanze. Enn bann pli gran sanzman ki'n arive dan nou sosyete pandan sa bann dernyen deseni, se lefe ki bann madanm in komans war zot plas parmi zonm dan nou sosyete.

E bann madanm pe fer bokou progre par lefe ki zot pe montre ki zot annan kapasite pou vin bann *Leaders* dan nou sosyete. E osi transform la fason ki sosyete i kontinyen azir.

Mr Speaker, bann tem ki ganny servi sa lannen i annan 2 tem ki mon'n kapab fer resers. Rezon akoz mon'n fer en pe resers lo sa 2 tem Mr Speaker, se akoz enn, sa enn ki sorti Nasyon Ini i koz lo rezilyans pandan en letan *COVID-19*.

E lot i koz lo bann madanm toultan debout e pare pou *challenge* bann sityasyon, pou met o defi bann sityasyon. Mr Speaker, koman en sosyete nou bezwen aksepte en keksoz. E la mon pou servi en keksoz ki baze lo en, si ou le en, lo en pwennvi personnel.

Mr Speaker, mwan mon pa'n ganny sans grandi avek mon manman. A en tre zennaz mon manman i kit mwan. Mwan sa ki mon war souvandfwa se ki mon war bokou dimoun i *take for granted* lefe ki zot annan zot manman akote zot. Lefe ki zot annan en fanm ki pe siport zot.

En manman ki leve bomaten ki fer en tas dite pou ou. En manman kot ou kapab al konplent ler ou annan problem. En manman ki la pou dir "be ler ou'n ganny problem mon boy ou kapab vin kot mwan."

E mon krwar sa i en keksoz ki devret defini en karakter nou sosyete. Dan le sans ki nou bezwen konpran e

apresye e valoriz kontribisyon ki nou bann manman ki nou bann fanm i fer dan nou sosyete.

Mr Speaker, ozordi mon en papa 2 zanfan e mon ti a kontan zot grandi dan en sosyete kot bann madanm, zot kontribisyon i kontinyen ganny valorize. E ki sak loportinite ki zot gannyen, zot pa ganny li akoz zot bann madanm. Me zot ganny li akoz zot bann egal. Dan en sosyete egal, kot tou dimoun i annan menm loportinite e menm sans pou avanse.

Mr Speaker, i kler ki pandan sa letan COVID-19, nou'n war kontribisyon nou bann madanm. Sirtou nou dann *nurse*, nou bann profesyonnel lasante. In fer tou pou asire, pou sey protez nou popilasyon.

Ozordi se avek gran lafyerte ki mon swet tou madanm en tre bonn fet. Mon garanti zot ki mon pou kontinyen siport tou lakoz bann madanm. E mon demann nou Lasanble pou reste ferm lo en konviksyon, ki tou sa ki nou kapab fer pou fer nou sosyete vin pli rezilyan. Vin pli konpran, e pli sansib a lenportans kontinyen donn lepanouisman bann madanm dan nou sosyete, mou devret fer li.

E an terminan Mr Speaker, mon bref mesaz. Mon le osi lans en mesaz avek nou ban zenn fir ki pe grandi. Pran letan pou zot aprann. Sezi bann loportinite. Pa tay deryer bann keksoz ki fasil. E toultan rod tou loportinite pou zot kapab fer pli byen. E pran lenspirasyon *from* bann ki zot in war dan sosyete in avanse e in kapab devlope. Mersi Mr Speaker.

(APPLAUSE)

MR SPEAKER

Mersi Onorab. Lo lapar Lasanble, mwan koman Speaker, mon ava azout en mo lapresyasyon e solidarite avek tou madanm dan nou Nasyon, dan nou sosyete. Me si nou bezwen nonm serten group, i annan premye nou bann Manm Onorab Madanm, ki'n ariv dan politik avek bokou defi e bokou difikilte. Me kantmenm pe fer zot kontribisyon an plen akote bann zomn dan Lasanble.

I annan bann madanm dan nou Sekretarya ki akonpanny nou dan nou louvraz toulezour. Kantmenm piblik pa war zot byen, zot la, e se zot ki ed nou fer fonksyonnen sa Lasanble.

E dan lasosyete tou madanm, sirtou lafors travay

madanm dan nou pei ki'n fer nou pei avanse. E fer sa progre ki in fer ozordi. Me osi byensir lafors madanm dan lasosyete ki vin konman en lareg ki tenir nou dwat, annord.

Alor pou tou madanm mon pou eksprim en mo kouraz e pozitivite pou zot kontinyen dan nenport ki lokipasyon oubyen profesyon, oubyen langazman ki zot annan. E pou rod novo loportinite pou fer avanse dwa e privilege bann madanm. E ki nou lasosyete zom i ava aport zot sipor e zot solidarite anver zot langazman. Mersi bokou.

(APPLAUSE)

MR SPEAKER

Avek sa mon a pran en size *matter of privilege* ki *Leader Lopozisyon* in met a mon latansyon. Onorab Pillay mon a envit ou fer en *statement* bref, konkret, vit, lo sa size ki ou'n met devan mwan. Pou nou met tou nou bann Manm okouran lo kwa nou pe koze. Onorab Pillay.

HON SEBASTIEN PILLAY

Mersi Mr Speaker. Mr Speaker, mon ti krwar nou pou pran li an akor avek *Order 25 (2)*. Me si ou le pran li bomaten la mon napa problemm. Mr Speaker, mon *matter of privilege* i an relasyon

avek *Order 40*, e Lartik 93 (1) (b) nou Konstitisyon.

I relye avek lefe ki pandan sesyon kestyon ki nou ti gannyen avek Vis-Prezidan lo Departman Lenformasyon. Vis-Prezidan ti donn nou serten larepons vizavi bann travayer ki travay dan sa departman. E baze lo bann larepons ki nou gannyen, nou ti anba lenpresyon ki apre ki nou pe vot sa Bidze bann diskisyon ti pou ganny *entame* avek bann *staff* sa departman.

Mon'n site dan mon *matter of privilege* bann eleman ki Vis Prezidan ti dir, e ou'n kapab mon krwar Mr Speaker regarde ou menm an traver *video YouTube*. Mon'n pran egzakteman sa ki'n ganny dir, kot Vis-Prezidan ti dir ki pou fer en zefor *maximum* pou ganny fer ek sa bann dimoun pou ganny re anploye.

Menm ed zot ek en travay dan sekter prive. Me i pa pe donn lasirans ki bann dimoun pou ganny re anploye. Me sa ki mon konsernen avek Mr Speaker, se lefe ki menm letan ki Vis-Prezidan ti dan Lasable pe dir nou sa, bann let *redundancy* ti'n fini ganny ekrir pou sa bann travayer, i enkli plizyer madanm ladan. Depi le 25 Fevriye.

So le 26 fevriye nou ti pe diskrit sa Bidze. Gouvernman, Vis-Prezidan ti konnen poudir nou pe fer *redundant* sa bann dimoun, enkli sa bann madanm dan sa departman.

En lot eleman enportan se lefe ki Lartik 93 (1) (b) i fer kler ki Egzekitiv atraver Vis-Prezidan e Minis i kapab vin devan Lasanble pou eksplik en size ki tonm dan zot responsabilite. E sa lobligasyon ki Konstitisyon i mete lo Egzekitiv, i vedir ki Lasanble i devret ganny lenformasyon lo size ki kestyionnen.

Mon le osi aport a latansyon Lasanble ki nou annan nou *National Assembly Members (Privileges and Immunities Act)* ki fer kler ki dan son lespri sak dimoun ki kon paret devan Lasanble i bezwen donn Lasanble tou lenformasyon e tou lenformasyon posib ki a son dispozisyon.

Mon le osi met devan Lasanble, ki ler nou ti kestyonn Departman *Public Administration regarding* bann let *redundancy*, ankor enn fwa ni Vis-Prezidan *nor The Chief Secretary* pa ti ofer okenn lenformasyon *regarding* bann *redundancies* ki'n fini komanse. Ki ti ganny konfirmen selman par Minis Zialor, ler li i pe

reponn kestyon kot i ti admet, e mon apresye fransiz Minis Zialor.

Kot i ti admet wi, i riske annan en *redundancy* e ki NSC sa letan ki pe komans *redundancy*.

Mr Speaker, i rol Lasanble pou rod leklersisman lo bann size ki devan li e mon krwar i enportan ki dan sa konteks lefe ki Vis-Prezidan pa'n donn Lasanble tou lenformasyon, mon krwar Vis-Prezidan i devret fer en *apology* avek Lasanble. E ki dorenavan tou lenformasyon ki Lasanble i bezwen, nou devret kapab pe ganny li lo moman ki nou demann kestyion lo sa size.

Mr Speaker i pertinan ki nou pe diskrit en *matter of privilege* ki konsern plizyer madanm ki pe perdi zot louvraz a sa moman. E mon ti a kontan ki Lasanble i pran sa o serye. E ki nou kapab ganny en *ruling*, en larepons lo sa size o pli vit posib. Mersi Mr Speaker.

MR SPEAKER

Mersi Onorab. I annan 2 pwen dan ou prezantasyon. Enn se ki ou le plis lenformasyon lo programm *redundancies* dan Gouvernman. E 2 se ki Vis-Prezidan Ahmed Afif i pa'n donn tou lenformasyon, oubyen in menm *mislead* Lasanble lo sa

size, ler i ti vin reponn kestyon lo Bidze bann antite anba son responsabilite - sirtou lo Departman Lenformasyon.

Lo kestyon lenformasyon lo *redundancies*, byensir Onorab *Leader Lopozisyon* parey tou lezot Manm, i annan tou drwa pou ganny sa lenformasyon. Sa Lartik Konstitisyon ki Onorab Pillay in fer referans avek in mansyonnen. Lartik 93 (1) (b), i provizyon ki aplik pou *Question Time* dan Lasanble.

I dir ki Vis-Prezidan oubyen Minis i bezwen vin dan Lasanble pou reponn kestyon bann Manm. Me Onorab i konnen ki pou lemoman nou'n sispann *Question Time*, akoz nou pe pran *Appropriation Bill*, e sa i parey prosedir Lasanble ki'n etablir.

Dan *ABC* kot Onorab i en Manm prensipal, nou ti fer kler ki lezot travay Lasanble i ganny sispann pou lemoman. Nou ti fer leksepsyon pou bann *Bills* irzan ki ti pe vin devan nou.

An menm tan, mon ti dir *ABC* ki si bann Manm i annan kestyon irzan ki vini, mon kapab ed zot ganny lenformasyon ki zot bezwen, e sa mon pe fer. Alor mon pe kontinyen swiv prosedir ki'n etablir.

Kestyon ki Onorab in demande lo *redundancies* i enportan byensir. Me mon pa krwar i en *emergency*. Alor i napa rezon sanz lord travay Lasanble. Si Onorab i santi ki i le en larepons irzan lo size *redundancies*, en opsyon se ki nou soumet en kestyon pou en repons an ekrir. E mon ava demande ki sa i ganny adrese.

Si Onorab i le revwar prosedir sispann *Question Time* pou lemoman, i kapab lev sa kestyon dan *ABC*. Alor mon pa santi ki privilez sa Onorab, oubyen privilez Lasanble in ganny afekte dan sa ka. Akoz son posibilite demann kestyon i ankor la, e mon'n prezant differan opsyon pou ki i kapab ganny en larepons.

Lo size Vis-Prezidan, ki i pa'n donn lenformasyon oubyen ki *mislead* Lasanble, mon krwar Vis-Prezidan in reponn sa bann kestyon ki ti ganny demande an zeneral. Me i pa'n al an detay. Alor mon pa war zistifikasyon pou dir ki Vis-Prezidan in *mislead* Lasanble. E alor mon pa war ki okenn privilez in ganny afekte.

Me si Onorab i santi ki i annan en *case* kot en privilez in ganny afekte, la i kapab anmenn en Mosyon anba *Standing Orders* ki permet li fer sa devan Lasanble. E Lasanble

i a pran sa osito ki posib par nou programm travay. E la alor nou programm travay i a ganny determinen dan ABC parey nou fer toultan.

Alor mon santi ki wi Onorab in lev en kestyon kot i anvi ganny lenformasyon. Me mon pa santi ki son privilez in ganny afekte. E mon santi poudir ki sa prosedir i ankor ouver, pou li ganny lenformasyon ki i bezwen. Alor Onorab la i la mon repons lo ou *matter of privilege*.

Onorab mon le dir ki mon pa pou antre dan en largiman lo la. Si ou pou fer en pwen mon pa pou antre dan okenn largiman lo sa desizyon ki mon'n fer. Me ou kapab met okenn keksoz anba mon latansyon vitman silvouple. Wi.

HON SEBASTIEN PILLAY

Mersi Mr Speaker pou ou *Ruling*. Premyerman mon le met a ou latansyon nou *National Assembly Members (Privileges and Immunities Act)*. Spesifikman Seksyon 14. Seksyon 14 son lespri e son lentansyon i vedir poudir okenn dimoun ki konparet devan en Komite Lasanble, oubyen ganny *summon* pou vin Lasanble i bezwen donn lenformasyon.

Mon pou lir ou Seksyon 14 (3) (b), “*Except upon the*

direction of the President, a person shall not refuse to give before the Assembly or Committee evidence relating to the correspondence of any civil department to any matter affecting the public service, and secondary evidence shall not be received to be produced by the Assembly”.

Sa i vedir ki lentansyon e spirit nou *National Assembly Members Privileges and Immunities Act* i vedir ki okenn keksoz ki konsern *public service*, nou Lasanble i bezwen konnen.

Dezyenm keksoz ki mon le met devan ou Mr Speaker, se ki ou lenterpretasyon 93 (1) (b), i pa neseserman korek. Mon re lir 93 (1) (b) avek Lasanble pou lenformasyon piblik, “*For the purpose of dealing with any matters arising in the Assembly or explaining to the Assembly any matter which falls within the Vice-President or Ministers responsibility*.”

93 (1) (b) i pa neseserman zis pou kestyon. 93 son *chapeau* i lir koumsa “*The Vice-President or Minister may attend meetings of the National Assembly*:

(a) *For the purpose of presenting a Bill in connection with proceedings.*

(b) *For the purpose of dealing with any matter arising in the Assembly*". Nou pe dil avek Bidze alors i en *matter arising in the Assembly*.

And (c) "For the purpose of answering a written question from a member". Ou a note Mr Speaker ki dan mon *matter of privilege* mon'n sit 93 (1) (b). E dan sa konteks Mr Speaker mon *maintain* ki ou devret konsider sa 2 lenformasyon ki mon'n met devan ou, an relasyon avek *ruling* ki ou'n gannyen.

E ou ava donn mwan ou larepons lo la pli tar. Malgre ki ou'n dir mwan ki mon pa kapab envit deba. Mersi Mr Speaker.

MR SPEAKER

Mersi Onorab. Mon'n konsider tou sa bann pwen ki ou'n leve. E mon'n pas lo la. E dan mon *Ruling* i enkli konsiderasyon pou sa bann pwen ki ou'n met devan. Alor nou a tenir bann opsyon ki mon'n met devan ou pou nou kapab prosede avek sa pwen. Mersi bokou.

Nou a pas dan Staz Komite pou nou repran deba lo *Appropriation Bill*. E avek sa mon a demande ki nou apel Minis e son delegasyon.

SEYCHELLES NATIONAL YOUTH COUNCIL

MR SPEAKER

Bonzour Minis e ou delegasyon. Nou annan avek nou Mrs Marie-Celine Zialor, Minis pou *Family, Youth and Sport*. E osi Mr Damien Thesee Sekreter Prensipal dan Finans. Mrs Nellie Coopoosamy, Direkter pou *Public Budget Management* dan Minister Lafanmir, *Youth ek Sports*. E lo kote *Seychelles National, Youth Council* nou annan Mrs Penny Belmont son *Chief Executive Officer*. E Mrs Nathasia Bonne, *Accounting Officer*.

Nou pe pran Bidze pou *Seychelles National Youth Council* lo paz 233 ziskan 237 pou en Bidze R20milyon 561 mil. E Minis mon a evit ou fer en lentrodiksyon lo ou Bidze *please*. Mersi.

MINISTER MARIE-CELINE ZAILOR

Mersi Mr Chair. Mon ti a kontan dir bonzour tou dimoun dan lasal. Pou dimoun ki a lekout. E mon zwenn Lasanble Nasyonal pou swet tou bann madanm isi prezan avek bann madanm ki a lekout en bonn fet. E dir zot poudir pandan sa bann moman lensertitud ki nou pe viv, nou bann madanm

Seselwa nou bokou pli for ki nou krwar.

E avek sa mon ti a kontan fer lントrodiksyon. Pou sa Bidze nou pe demann Lasanble Nasyonal pou aprouve. I en rediksyon aepre 6 milyon. E sa rediksyon i akoz bann levensnman ki Konsey Nasyonal Lazenes ti abitye fer. In annan en rediksyon. Enn definitivman akoz bann restriksyon sanniter ki nou'n vwar akoz COVID.

Me selman akoz bann restriktirasyon, ki nou pe fer pou ki'n sa Konsey i sanz son fonksyon, i fer parey en Konsey, e plito pa koman en lazans. E pou nou osi envit bann diferan groupman dan pei pou zot *take* en pe *ownership* pou zot kapab osi fer bann aktivite, dan plazis Gouvernman ki fer sa bann aktivite.

Apre pou ou kapab elev en pti git e fer en pti pe plis profesyonnel louvraz ki sa konsey i fer, e mon krwar ki son CEO i la, i ava kapab donn nou plis detay. E avek sa mon ti'n a kontan konklir sa lントrodiksyon Mr Chair. Mersi.

MR SPEAKER

Mersi. Tenir en pti kou lanmen anler silvouple. Mersi espere mon'n ganny tou dimoun. Nou annan bokou kestyon, sa peryod pou ale ziska 10er edmi.

E nou'n pare pou komanse, mon a komans laba avek Onorab Monthy.

HON PHILLIP MONTHY

Bonzour Mr Speaker. Mersi Mr Speaker. Byenveni Minis avek ou delegasyon. Mon ti a kontan demann, mon remarke ki i annan en rediksyon *massive* dan *rent*, anba tou lede programm. Donk si ou ti kapab donn ou en lesplikasyon kwa ki'n fer sa rediksyon.

E apre dan enn ou bann *challenges*, mon'n remarke ki i annan '*inefficient procedure in place for approval of activities at district level*'. 'Donk eksplik nou en pe ki sa bann difikilte. Akoz manda SNYC se pou organiz bann aktivite pou bann zenn. Donk si i annan bann prosedir ki pe anpes sa arive, kwa ki zot pe anvizaze fer pou ki sa i ganny remedye? Mersi.

MR SPEAKER

Mersi Onorab. Minis parey labitid ou *panel*. Ou a lev lanmen si ou pou reponn oubyen endike lekel ki pou reponn silvouple.

MINISTER MARIE-CELINE ZIALOR

Mersi Mr Chair. Mon a demann CEO pou pran tou lede kestyon. Mersi.

MR SPEAKER

Mersi. CEO wi.

CEO PENNY BELMONT

Mersi Chair. Bonzour tou dimoun. Bonzour tou Onorab. Premye kestyon i konsernan nou *rent*. Nou ti pe servi plis landrwa pou nou fer nou bann aktivite, akoz nou ti anba SACOS Tower kot nou ti'n servi 5 *floor*. Me avek sityasyon eleksyon lannen pase, nou ti bezwen *share* nou bann lasal avek *Electoral Commission* ki ti fer nou'n bezwen sorti lo 2 *floor* donn zot. E nou nou'n *move* pli anler.

E ki nou pe fer nou'n pe servi bann lezot distrik pou nou sey kapab fer nou bann aktivite. E parey ou vwar dan letan *COVID* bokou aktivite ki nou ti fer anba ki santralize, nou'n bezwen tire akoz sityasyon *COVID*. E preznan ki fer nou *rent* pou 2 *floor* ki nou ti pe servi nou'n koupe. Nou pe servi zis 3 *floor* ki fer rediksyon dan nou *rent*. Sa premye.

Ou dezyenm, ou'n vwar nou bann *challenge*. Nou ti annan en larzan ki ti al dan kominate anba Gouvernman Lokal, pou nou fer nou bann aktivite pou lazenes. Me sa prosedir ki nou'n mete ladan, ti pe donn nou en pe problem

akoz ti annan tro bokou landrwa ki ou bezwen ganny *approval*, avan sa aktivite i ganny fer.

Travayer SNYC *youth worker* ti prepar son program. Ler i fini fer son program i asiz avek son *DA*, i diskite avek son zofisyen dan distrik. I al kot *DA*, sorti kot *DA*, desann kot Lokal Gouvernman. I annan de zour i ganny aprouve annan de zour i pa ganny aprouve. Lavey ou pe al fer aktivite, annan de ler pa ankor ganny aprouve.

Sanmenm sa ki nou'n ti met sa bann *challenge* ki nou ti pe gannyen, ki anpes nou annan de ler *sufficient fund* pou nou fer nou aktivite. Sa enn.

Dezyenm sete osi parey pou ou lwe landrwa oubyen pou ou fer serten aktivite, ou ti bezwen esper *approval* pou ou fer dan serten landrwa. Or annan de ler ki *rental* i sitan o, sa pti Bidze ki nou annan par distrik, i pa ti ase pou nou kapab fer nou aktivite. So sanmenm sa nou'n *list* li koman enn nou bann *challenges*.

E la nou pe revwar. *In fact, next week* nou annan en meeting ki ganny set ek Minister avek Gouvernman Lokal, ki nou pou vwar dan distrik, akoz nou for lo *community based*. Ki mannyer nou pou adres sa bann *issue*. Nou'n fini met

serten prosedir an plas ki nou pe diskrit ek zot pou nou annan sa pli vit prosedir. E *efficient how* pou nou fer nou bann programm. Mersi.

MR SPEAKER

Mersi CEO. Mon zis bezwen mansyonn k bann Manm ki i annan problem *internet*, e zot riske ganny difikilte ganny komunikasyon lo la, e eskize pou sa. Nou a pas lo lot kestyon Onorab Uranie.

HON ROCKY URANIE

Mersi Mr Speaker. Bonzour Minis avek ou delegasyon. Bonzour tou koleg Onorab. Bonzour Digwa ki a la lekout. Mon vreman konsernen avek lazernes mwan en? Mon'n travay avek lazernes toultan e mon byen kontan nou lazernes.

Be mon vwar ki sa Bidze in ganny koupe par aepre R6 milyon. Minis, anba '*current challenges*' zot in fer resorti ki zot annan limitasyon lenfrastriktir. E facilite pou SNYC organiz aktivite oubyen levennman, akoz nou enn ki tre o. Menm lo nivo nasyonal e nivo kominoter. E sa pe enpakte lo kalite programm ki zot anvi fer.

Eski ou krwar sa Bidze ki'n redwir par sa kantite, pou ed zot rezourd sa problem?

Eski zot annan lezot alternativ ki zot pe vin avek?

E mon lot kestyon Minis. I annan pou fer avek priyorite stratezik 2021/ 2023. Mon war zot i met '*coordinate youth programming and funding support at district and regional level*'. Eski ou pe dir ki ti napa bon kordinasyon e sipor finansyel o nivo distrik e rezyonal? E ki kalite zot pe vin fer diferan an relasyon avek sa pwen?

E mon trwazyenm kestyon, eski bann Departman SNYC i fer en kalandriye aktivite e zot soumet ek sekretarya, ki apre evalyasyon i ganny fer lafen lannen? Mersi Mr Speaker.

MR SPEAKER

Mersi Onorab. Minis.

MINISTER MARIE-CELINE ZAILOR

Wi mersi Mr Speaker. Mon ava reponn en bout 2 kestyon. Apre mon a les *CEO* pou li kapab elabore. Bon, premye kestyon konsernan sa koupir dan Bidze. Wi, mon krwar poudir avek sa Bidze la nou pou kapab. Akoz nou pe sanze. Ou'n demande kwa ki nou pe anmennen diferaman? I bann kalite aktivite ki nou pe fer. Nou plito

swazir pou fer kalite par lao lakantite.

Akoz sa kantite aktivite ki ti ganny fer, e apre ou'n demann kestyon lo kote lenfrastriktir, ki ti demann sa kalite lenfrastriktir ki ti annan avek sa kalite aktivite ki ti pe ganny fer. Ler prezan sa nou pe sanz lafason ki sa bann aktivite i ganny *fund*. Pa tou keksoz ki merit ganny *fund* par Gouvernman.

E nou krwar ki i annan en kantite par egzanp bann *NGOs*, ki bann zenn zot menm zot ansarz. E nou pe ankouraz bokou plis tou. Ki zot vini zot pran plis *ownership*. Zot pran plis zesyon bann diferan aktivite ki annan pou fer avek zenn. Sirtou si parmi bann zenn zot menm.

E nou pe komans bann programm pou nou definitivman fer keksoz diferan dan sa fason. Mon pa konnen si ou ti a kontan en lekkersisman apre ou ava demann nou. Mon ti ava evit CEO Mr Chair, pou li kapab pran sa bout kot kordinasyon, e pou evalyasyon. Mersi.

MR SPEAKER

Mersi. CEO.

CEO PENNY BELMONT

Mersi Mr Chair. Mersi Onorab pou ou kestyon. Ler ou'n koz lo

aktivite avek premye ki Minis in reponn en bout, avek lenfrastriktir. SNYC an e moman i dan pe revwar son programm, ki i fer, ki i pa fer. E *how to go about it*.

Zot pou vwar poudir en kantite keksoz pe sanze, e nou pe al plis anver *youth-led program* avek bann Komite ek bann *NGOs*. So basically, tou sa bann aktivite ki SNYC ti fer li menm li o nivo distrik. Ki ti group marmay ansanm, ti fer bann programm ek zot. I pe al sanze.

Akoz sa bann zenn zot menm ki bezwen pran zot responsabilite par distrik. Pou zot fer zot bann aktivite. Nou annan apepre 40 *affiliated members* ki tonm anba SNYC. E ladan i annan ki *NGOs* i annan ki *school-based and all that*. So, zot basically ki pe al fer zot bann aktivite. E nou, nou pa pou bezwen sa kantite pou nou lwe landrwa, prepar aktivite parey nou ti fer avan. Sa i premye.

Dezyenm, lo *programming* osi. So ler ou pou vwar nou programm i en pti pe diferan ek avan. Akoz avan *youth workers* oubyen SNYC ti dan tou aktivite. Zot ti prezan pou fer programm. Parey ou dir, lazernes i en pwen for ou konsern. Wi

nou pou kontinyen la pou nou donn sa sipor.

Me selman nou pe les zenn zot menm pran zot bann responsabilite, pou zot kapab travay ek zot bann group. Byensir nou pa pe zot ale *overnight*, me dousman, dousman. *Ok?*

Trwazyenm ler ou'n koz lo evalyasyon. Nou ti annan, SNYC ti ganny administre anba en *Board*. E bann *Board members* pou tou bann aktivite dan SNYC. *Be it lazences*, Lasamble e tou sa. Se bann zenn zot menm ki fer zot programm, ki vin ek zot *proposal*. E nou zis nou apiy zot, nou donn zot sa sipor.

So tou le lannen nou bezwen rewvar tou sa aktivite pandan lannen ek son statistik, eski in marse? Ki lenpak? SNYC son lenportans se *focus* se zenn, e ki lenpak nou pe anmennen dan lasosyete.

So wi i ganny evalye, wi nou rewvar. Sanmenm sa ki nou vwar aktivite i diferan. Mersi.

MR SPEAKER

Mersi CEO. Onorab Bastienne.

HON DESHEILA BASTIENNE

Mersi Mr Speaker. Bonzour Mr Speaker. Bonzour Minis ek ou delegasyon. Bonzour tou Manm

prezan e tou dimoun a lekout. Minis mon kestyon i tonm anba ‘current challenges.’ ‘Limited infrastructure, facilities’ pou SNYC. Organize activities lo nivo Nasyonal ek community levels.

Mon premye pwen i, mon pou demande se ki premyerman mon ti a kontan konnen konbyen biro ki i annan dan Perseverance ki tonm anba SNYC? Vi ki ofisyelman zot pe konsider Perseverance de distrik, 1 ek 2? Sa i mon premye kestyon.

Mon dezyenm, Minis i lo - mon pou refer li strikteman lo sa biro SNYC dan Perseverance 1. Mon ti a kontan demann ou ek ou delegasyon ki zot pozisyon, e ki fonksyon sa biro? Vi ki pou en bon pe letan, mwan personnelman mon'n war ki'n sa biro pa ti pe fonksyonnen, in reste fermen.

E apre ki mon ti rann en vizit kot sa biro, mon'n vwar avek mon 2 lizye ki sa biro ti'n ganny abandonnen, i ti pe servi koman en *store*. Bann keksoz ki mon'n war ladan. Alor sa biro i reste fermen e nou anba Gouvernman Lokal ou konnen nou ti pe rod biro.

Vi ki anba sa Bidze la sa lannen, mon ti a kontan konnen ki pou arive ek sa biro? Ki mannyer zot pou servi li? Ki zot desizyon? Mersi.

MR SPEAKER

Mersi Onorab. CEO.

CEO PENNY BELMONT

Mersi pou ou kestyon. Mon'n reponn pou larepons annefe pou konsernan sa biro. Nou annan 2 biro Perseverance. Enn Perseverance 1, enn Perseverance 2. Sa enn Perseverance 2 ki ou'n al vizit, ki zot ti pe demann kestyon. Sa *youth worker*, wi.

Sa *youth worker* ki'n ti ladan ti dan *maternity leave*. E nou ti'n fermen. Ler nou'n sorti kot *Youth Center*, nou ti annan bokou lekipman ki nou ti bezwen tire la. Akoz nou ti pe donn landrwa avek *APDAR* ki n ou ti napa landrwa *storage*.

Parey ou konnen nou dan en *SACOS Tower* ki nou anler dan letaz, i annan lekipman ki nou pa kapab anmennen. *Plus*, laba osi nou annan serten lekipman, ki nou'n tire o nivo bann diferan distrik ki nou'n met laba, ki nou'n prepar pou nou fer *write-off*. So nou pa kapab tir lekipman zete ziskan ler nou fini ganny *approval* avek *Finance*.

Wi nou ankor pe *manage* sa lofis, e *right now* nou pe revwar nou programm. Akoz Perseverance i e distrik ki annan kantite zenn e nou

annan bokou problem. Nou revwar tou bann lezot distrik lekel ki pou reste. E Perseverance i ganny idantife koman enn ki pou reste. E pe ganny refer pou son travayer antre ladan. Mersi.

MR SPEAKER

Mersi. Onorab Vidot.

HON AUDREY VIDOT

Mersi Mr Chair. Bonzour Minis ek ou delegasyon, tou dimoun ki a lekout. Mon kestyon pou *panel*; Eski Minis i kapab ekliersi nou Lasanble si dan sa koupir R6 milyon dan Bidze, i tous bann *post youth worker*? Si wi oubyen non?

Ki plan SNYC avek sa Bidze 2021 pou servi nou bann *youth worker* pli byen dan bann restriktirasyon, ki nouvo Gouvernman in anonse, pou ki nou bann zenn i kontinyen byen ganny ankadre dan nou sosyete parey Minis ek PS in dir semen pase an ser van nou zoli Polisi.

E Minis resaman Prezidan in anonse ki *Board* Konsey Lazenes in ganny aboli, malgre son regilasyon pa ankor ganny amande, ki mannyer Gouvernman pe asire ki i annan *oversight* lo sa Konsey la? E antretan ki zot Bidze osi i ganny aprouve? Ki avan son Lalwa i

ganny amande, Kan ki nou espekte SNYC enform nou bann zenn lo bann nouvo sanzman ki zot in prononse?

Akoz i annan zenn ki pe vwar zot pe pas dan bokou difikilte, espesyalman dan sa moman *COVID* ki petet i ava anmenn zot serten soutyen e gidans dan fason pou elev zot, pou donn zot loportinite, pou elev zot nivo abilite, e byensir aport zot en resours finansyel dan sa moman difisil. Mersi.

MR SPEAKER

Mersi Onorab. Minis ou a konmanse.

MINISTER MARIE-CELINE ZIALOR

Wi mersi bokou Mr chair. Mersi Onorab pou ou kestyon. Mon ava fer sa premye kestyon sirtou ek *CEO* pou reponn larestan, si mon santi mon bezwen azoute mon ava azoute.

Sa Bidze ki'n koupe, nou pa'n koup saler. *Salaries* pa'n koupe. Sa i plito aktivite, bon pe bann aktivite ki SNYC ki ti pe fer ki parey mon'n eksplike ki'n koupe. E eski konsernan pou bann *youth worker* i annan en restriktirasyon ki pe ganny fer? Wi zot pou ganny afekte.

Mwan mon ti al personnelman depi lannen pase, mon ti fer *meeting* e nou ti

eksplik zot. Mon ti al mon menm. Napa personn ki kapab dir i pa konnen, akoz avek *CEO* avek *management* antye. Nou ti fer *meeting* avek *management* SNYC avan, apre nou ti fer meeting avek son *Board* tou.

Depi lannen pase akoz nou ti okouran poudir anmezir nou pe fer sa bann sanzman ki pe arive. E definitivman sa bann *youth worker*, akoz sa restriktirasyon ki nou pe fer. Mon krwar i lye avek ou lot kestyon konsernan lenformasyon pou bann zenn.

Apre konsernan la zot pe ganny afekte ek *COVID*. La an se moman ler nou pe koze pou Lazournen bann Madanm nou pe fer en semenn bann madanm. Kot Bel Eau kot *Family House* i annan aktivite pou bann zenn fir ki pa'n ganny lekol.

Detrwa zot ki pa'n gannyen la pos segonder. Nou'n annan en Konsey en dimoun ki'n vini, in ofer son led parey mon ti pe dir semenn pase i annan en kantite dimoun ki ofer zot led. Ki pe fer en programm *careers guidance* ansanm avek bann lekol ek zot paran. Pou regarde ki mannyer nou kapab fer, pou nou asiste sa bann zenn fir.

Savedir si nou pe komans en lazournen en semenn bann

madanm avek bann zenn, i montre poudir nou vreman konsernen par sa. E vwala nou pe sans sa bann aktivite. E avan sa bann aktivite ki ti pe fer i ti repran en kantite larzan. I ti plito ver kiltirel ver.

Nou pa dir sa i pa enportan nou pe zis koupe pou nou apre envit, e nou pe ganny en kantite bann dimoun prive ki pe vini. Bann larestan sirtou bann zenn zot menm ki anvi fer sirtou akoz dan restriktirasyon i annan en bout *empowerment* avek en bout *Youth Leadership*.

Ki mon a les *CEO* eksplike kot nou pe al met lanfaz lo la, pou nou fer nou bann zenn pli for - ankor avek nou filozofi prensip pou nou montre sa bann dimoun ki mannyer pou zot kapab zot menm zot pran swen avek zot lekor, anmezir ki nou atrap zot lanmen. Be selman osi fer bann programm, bokou programm edikasyonnel.

Bokou programm pou nou kapab relev moral nou bann zenn la konmela. Bon mon krwar mon ava aret a konsernan sa, e mon ava les *CEO* ki annan plis detay pran sa bann bout kot mon pa'n reponn. Mersi Mr Chair.

MR SPEAKER

Mersi Minis. *CEO*.

CEO PENNY BELMONT

Mersi Chair. Parey konsernan *Board members*, wi ti'n anonse poudir bann *Board SNYC* pou arete. Me parkont sa bann manm *Board* zot osi ban zenn. So, zot pe kontinyen ede dan programm lazenes. Pa akoz ou'n ganny tire lo *Board* ki fer ou arete en zenn oubyen aret ede dan ou travay.

Me parkont *youth workers* parey Minis in eksplike. Nou annan sa, nou pe revwar zot rol akoz plizyer fwa menm lannen pase ler nou'n vin dan Lasanble, nou'n kontinyen diskrit ki travay, ki rol en *youth worker*. Ki zot in deza demann mwan, e mwan mon'n reponn. E ki valer.

E ou pou vwar poudir nou *Scheme of Service* ki ti egziste pou *youth worker* ti en pti pe ba. E ki nou ti pe rod fason pou nou amelyor zot travay. So, *youth work* i pou kontinyen egziste dan distrik, e nou pou kontinyen pe travay avek lezot zenn. Me parkont i pa pou parey avan.

So sa koupir ki ou'n vwar, sa *6 million* napa naryen pou fer avek zot saler. I plis bann programm, e sirtou Nasyonal ki *SNYC* ki ti pe fer sanmenm sa ki i annan bokou koupe.

MR SPEAKER

Mersi CEO. Onorab Vidot nou bezwen prosede. Mon annan en kantite dimoun lo lalis. En pti leklersisman vitman silvouple.

HON AUDREY VIDOT

Savedir CEO ou pe dir nou poudir dan sa Bidze bann *youth worker* kantite ki zot annan la, zot pa pe perdi zot louvraz, petet zot pe zis ganny revwar zot bann *work load* ki zot pou annan? Si ou kapab ekliersi.

MR SPEAKER

Mersi CEO wi, oubyen Minis. Minis wi.

MINISTER MARIE-CELINE ZIALOR

Mersi Mr Chair. Mersi, eskiz nou si nou manke akoz ti annan detrwa kestyon. Non, nou pa pe dir sa. Nou pa pe dir zot pa pou perdi. Evalyasyon pe ganny fer, evalyasyon bann louvraz, kalite. Kwa ki sa louvraz *youth worker*, ou konnen nou pa pe kapab donn en kantite detay. Nou ava donnen apre, akoz i dan prosedir restriktirasyon ankor pe fer an konsiltasyon avek sa bann dimoun.

I annan ki'n fini ganny plase lezot landrwa. E letan nou pe evalye nou bezwen fran, onnet pou letan en keksoz pa pe marse, pou nou kapab dir nou

krwar in ler pou nou fer keksoz diferaman. I riske, parey mon ti dir semenn pase, i riske i annan ki pou perdi son plas travay. I riske i annan ki pou perdi.

E si i annan possibilite sa, nou pa kapab plas zot en lot landrwa, nou pou bezwen enform zot dir zot pou nou fer zot konnen lekel. Pou lemoman nou pa ankor dir personn poudir i pe perdi, akoz nou ankor pe regarde ki mannyer nou kapab fer li diferaman.

Be ou konnen nou filozofi fer Gouvernman pli ptipti i pou annan posiblement poudir i annan dimoun ki pou perdi son plas travay. Me selman sa bann aktivite avek vizyon, avek manda SNYC, pa pou ganny afekte li. i pa pou sanze. Mersi Mr Chair.

MR SPEAKER

Mersi Minis. Mon pou demann bann Manm pou limit lakantite zot kestyon silvouple. Akoz i annan touzour lezot Manm ki pou vini avek menm kestyon. Onorab Labonte.

HON ANDY LABONTE

Bonzour Mr Chairman. Bonzour Minis avek ou delegasyon. CEO mon ti a kontan demann ou lo kote 'current challenges' parey ki Onorab Bastienne ti'n demann

ou. Vi ki ou'n dir poudir i annan en mankman dan lenfrastriktir ek fasilite. Me selman nou war poudir *Youth Centre* i pe ganny itilize par *APDAR* e nou ti kapab petet ganny en leklersisman kan ki *APDAR* pou rann nou, nou landrwa ki nou zenn i kapab profite.

E dezyenmman, i baze lo menm keksoz. Mon war ou'n met sorti R25mil pou vin R50 mil pou reparasyon kot *Youth Centre* menm. E eski *Youth Department* ki pou fer *maintenance* ki pou repar sa landrwa ki *APDAR* in andomaze? Akoz mazorite lofis pe ganny servi par *APDAR*.

Mon dezyenm kestyon i plizoumwen al lo *allowance* pou *part time lecturer*. Mon war in sorti 210 mil in vin 610mil. E mon dernyen kestyon permet mwan Mr Chairman, sa i vin pli ou mwen kot ou manda ki ou dir poudir ou donn menm loportinite tou zenn, pou devlop zot dan en fason fizikman, spirityel e edikasyonnel.

Petet lo kote spirityalite, mon ti a kontan konnen ki vreman zot pe fer lo kote spirityalite? Akoz mon pa pe war naryen lo kote spirityalite. E pou terminen sirtou lo kote Lasanble Lazenès. Bokou zenn dan mon distrik pe dir poudir zot napa la transparans, dan ki

fason ki zot selekte bann zenn pou kapab form parti sa Lasanble Lazenès?

Mersi.

MR SPEAKER

Mersi Onorab. Minis wi.

MINISTER ZIALOR **MARIE-CELINE**

Mersin Mr Chair. Mersi Onorab pou ou bann kestyon. Mon pou reponn zis sa enn premye lo kote *APDAR* i annan en negosyasyon ki mon'n komanse avek Minister Peggy Vidot. Pou nou kapab negosye pou kapab rann SNYC sa landrwa kot *APDAR*. So bann prosedir pou ganny fer pou kapab regarde.

Zot annan kontrent zot osi lespas pou *move APDAR*. Dek koman sa i fer apre nou ava evalye si i annan domaz. Si i annan okenn *maintenance* ki pou fer nou a kapab donn ou lenformasyon. Prezan mon ava envit CEO pou li pran mon krwar ti annan 3 lezot kestyon. Mersi.

MR SPEAKER

CEO wi.

CEO PENNY BELMONT

Mersi Chair. Mersi Onorab. Ou'n demann konsernan *allowance* pou bann ... sa *allowance actually* i pa pou

bann *lecturers per se* ki nou'n mete. Rezon ki nou'n met sa *amount* se nou annan en programm ki apel *Young Citizen ok?* Sa programm *Young Citizen* i pran depi laz 9an ziska 16an dan lekol. Dan tou lekol.

Nou ti vwar poudir lakantite, nou annan *actually right now* 7mil 800 zenn ki tonm dan sa programm. E nou ti vwar ler nou ti evalye ankor en evalyasyon, en *teacher* par lekol i pa ti ase pou nou fer sa bann programm.

Akoz marmay i bokou, ou annan zis en *teacher* avek en group dizon annan de ler 52 marmay. Oubyen nou pe met par rezyon, ou annan ou 3 *teachers* ki pa ti ase pou nou. So apre evalyasyon avek diskisyon avek lezot lekol, nou ti deside met en *extra*. En dezyenm dan sak lekol. Sa i enn.

E dezyenm osi, nou fer bokou *inhouse training or* nou bezwen fer avek *TGMI*. Akoz *SNYC it is all about empowering* bann zenn. So ou bezwen annan akoz nou bezwen *outsource* bann *lecturers* oubyen bann dimoun an deor pou fer sa bann sesyon. Akoz anndan nou manda nou avek nou *staffing* i pa ase. Nou napa, *we are not equipped* pou nou donn sa bann sesyon.

So, this is why ou pou war poudir pou nou in ogmante. E nou ti pe demann plis avek sa.

Ou trwazyenm kestyon se konsernan Lasanble Lazenès. Ki ou dir i pa ganny byen reprezante. Lasanble Lazenès i ganny reprezante par bann Manm sorti dan diferan lekol. Dan distrik avek bann *NGOs*. So, e sa bann zenn ki ganny elekte, i pa ganny elekte par adilt. I ganny elekte par bann zenn.

Dan sak distrik i annan en group ki zot apel *DYCs, District Youth Committee*. Sa *District Youth Committee* pa nou ki swazir lekel ki al lo la. Zenn ki deside al lo sa Komite Distrik. e zot ki fer zot nominasyon, zot ki vote pou zot zenn. Once ki zot vote dan distrik pou sa zenn vin reprezant zot, sa zenn i ganny al dan Lasanble.

Parey ou vwar nou fer *annual meeting* Lasanble osi zot fer pou zot. E la zot ki elekte ki lekel ki pou vin zot Speaker, zot Deputy Speaker, zot Clerk. Se bann zenn. Me sa kestyon in monte detrwa fwa. Nou pa kapab dir zenn lekel, ki i pou siporte akoz bokou fwa zot krwar i politize.

Nou pa dir zenn lekel ki pou vin dan bann aktivite. Me zenn ki bezwen deside. E ler ou, par egzanp mon donn ou en

Lekol *Business Studies*. En zenn i pe reprezant Lekol *Business Studies*, se Lekol *Business Studies* ki elekte son *leader* kot son lekol.

Ler i ganny son *Leader*, e son non, son *Director* oubyen son *Head Teacher* i anvoy non kot nou. Sa form i en form kler ki donn tou gidans ki sa ki ou mete lo la. E nou, nou pa ale pou al swazir lekel ki pou reprezant nou. Mersi.

MR SPEAKER

Onorab mon konnen mon konnen ou ti demann en kestyon lo spirityalite. Madanm *CEO* si ou kapab reponn li dan en laliny silvouple. Akoz in demann en kantite kestyon. Mersi.

CEO PENNY BELMONT

Ok. Lo sa enn kestyon. Bokou fwa i annan bokou aktivite ki SNYC i fer, ki pa vin lo televizyon, oubyen lo Nasyon oubyen ganny kouver ek medya. I annan bokou programm ki nou fer. E pa tou sa ki ou fer ki ou bezwen dir. Sesel ler nou pe koz lo moral. Nou fer bokou programm moral ek valer.

Bokou fwa sa bann programm i ganny montre me bokou fwa osi ki i pa ganny kouver. Me parkont, nou travay

avek diferan larelizyon. Par egzanp diferan Komite, diferan group. E nou ganny bokou led avek bann diferan, *be it* kot Katolik, Anglikan, bann diferan - menm *7th Day Adventist*. Kot zot vini zot ede bann zenn pou nou kapab travay ansanm. Fer bann programm.

E osi avek sa programm *spirituality* la, nou ganny bann mizisyen osi ki vini, ki fer programm avek zenn. Me menm si ou pa vwar, i annan. Petet nou bezwen fer en pti pe plis *awareness*, montre kwa ki nou pe fer, petet *this*, swa ki pe manke. Mersi.

MR SPEAKER

Mersi *CEO*. Onorab Gabriel.

HON CONRAD GABRIEL

Mersi Mr Chair. Mon dir bonzour tou Manm. Bonzour Minis ek ou *panel*. Mon a pran loportinite pou swet tou madanm dann Sesel, spesyalman madanm Point Larue dan mon distrik en bonn fet.

Minis dan zot '*challenges and Policies*' dan *AGM*. CEO ti fer resorti ki pe etablir en *unit* pou medya. Eski sa in fini ganny etabli? I annan apepre 11 priyorte stratezik anba *Youth Policy*. Ki mannyer eski sa bann priyorte stratezik pou

dekoul dan nouveau fonksyonnman Konsey?

E apre dan size *Youth Center* nou'n aprann zot pe sey negosyasyon pou al *back*. Nou konnen poudir ti en landrwa kot ti annan *ICT*, i ti en sant ti'n fek ganny *renovate*. E i annan en bon pe lekipman. *Computers*, lot, lot, ki pou ede dan epanouisman bann zenn.

Eski o kour sa lannen, sa bann zenn pou annan garanti ki zot pou reganny sa sant? Mersi.

MR SPEAKER

Mersi Onorab. CEO.

CEO PENNY BELMONT

Mersi Chair. Mersi Onorab. Premye seksyon medya, wi dan nou *AGM* nou ti diskrit lo la. E ankor parey Onorab in demann mon kestyon i annan *awareness* ki nou pe fer. Wi nou seksyon medya nou pe travay ansanm, e ansanm avek Departman kot pou nou kapab *market* plis nou, ki nou fer. E osi ed bann zenn sirtou bann *NGOs* ki pe vini *Youth-led Committees* pou zot kapab montre ki zot pe fer.

So sa *Media House or Media Committee* i an plas, e dan nou nouveau striktir pou sa ki nou pe fer la avek nouveau konsey. Mersi.

Apre ou'n koz lo *YSBs*, *Youth Service Bureau* ki nou annan dan bann distrik. Yes, i annan parkont ki nou'n bezwen fermen. Avek evalyasyon nou'n ti vwar poudir i pa fezab kot i annan zenn ki annan zot *internet* ki zot pa pe bezwen.

Me parkont i annan sa kat landrwa ki pli enportan ki nou vwar i marse, sirtou parey La Digue, Anse Etoile, Anse Royale. Nou pa'n fermen, e nou'n fer sir ki zot in ganny pli o nivo. E sirtou Anse Royale akoz ou konnen i annan liniversite ek lekol pres. Bokou zenn in servi plis pou zot vin fer zot *printing*. Zot bann lezot zafer.

So yes, nou pe kontyen fer sir ki sa bann program i an plas i pa perdi. Me parkont i pa pou zis en *YSB Bureau*, i pou en sant osi kot lezot aktivite, ek lezot servis i ganny met an plas pou bann zenn pou zot vini. Mersi.

MR SPEAKER

Mersi CEO. Minis ou le azout keksoz?

MINISTER MARIE-CELINE ZIALOR

Mersi Mr Chair. Mon krwar ti annan en kestyon lo stratezi ki nou pa'n reponn. Wi mon a pran sa kestyon akoz i koz lo

stratezi. Mersi bokou Onorab pou ou kestyon.

Bann stratezi lenplimantasyon i pou annan en pe diferan akoz la prezan nou pou bezwen al travay avek Gouvernman Lokal an kolaborasyon en kantite. E avan nou ti pe vwar i annan en pe *duplication*. Akoz i annan osi larzan dan Bidze ki *allocate* ki apel ‘Community Life’ ki osi zot fer aktivite pou bann zenn. E SNYC osi ti ape fer.

Nou pou dan sa *meeting* ki nou’n targete pou nou fer semenn prosenn, pou nou kapab fer en pli bon sinerzi. Pou nou kapab kolabor en pti pe pli byen. Kan nou pou enplimant bann stratezi atraver pa zis Gouvernman, be selman bann lezot antite, bokou kolaborasyon ki nou pou fer dan pei.

Mon mazinen petet kekfwa sa i ava reponn ou kestyon? Mersi Mr Chair.

MR SPEAKER

Mersi Minis. Onorab William.

HON WAVEN WILLIAM

Mersi Mr Chairman, Bonzour Minis avek ou lekip. Mr Chairman mon ti a kontan sezi sa lokazyon pou swet tou bann zoli madanm, zenn koman vye dan distrik gran Anse Mahe

bonn fet Manman, bonn fet bann Madanm. Osi dan Sesel an antye.

Mon kestyon i *comme* swivan; Mr Chairman mon ti a kontan demann avek CEO, lefe ki Bidze 2020, nou ti ganny dir ii dan sa Lasanble poudir ou pe travay lo en nouveau *Scheme of Service*, mon anvi demann ou si sa *Scheme of Service* in fini ganny travay lo la? E si non, ki bann retar, ki bann difikilte ki ou’n gannyen pou kapab realiz sa *Scheme of Service*?

Dezyenmman, i annan en bann zenn ki'n ganny formasyon pou form zot pti biznes kot SNYC. Ki ti annan en bann *Grants*, me lo rikord i annan ki in ganny aprouve pa ankor gannyen. I annan ki pe espere ziska 3an. Eski sa *Scheme* pou kontinyen avek sa nouveau Bidze?

E finalman, mon anvi demann avek ou, dan sa reform ki zot pe fer la, dan tou bann distrik nou annan bon pe bann zenn ki pe ganny difikilte pou ganny lanplwa. Eski i annan sa sinerzi e kolaborasyon avek bann partner par egzanp Departman Lanplwa, *Welfare*, pou asire ki nou bann zenn zot pa ganny kit deryer?

E dernyen Mr Speaker, mon vwar poudir Bidze in ganny koupe, me selman letan

mon get zot bann ‘*performance and programme*’ mon vwar poudir zot vreman anbisye. E mon anvi demann avek zot, eski sa koupir i pou vreman ed zot pou realiz sa bann rev, sa bann vizyon ki zot anvi fer avek nou bann zenn dan lavenir? Mersi.

MR SPEAKER

Mersi Onorab. CEO i a konmanse wi.

CEO PENNY BELMONT

Mersi Chair. Mersi Onorab. Sa *Scheme of Service* parey ler mon ti fek antre kor SNYC, mon ti vwar poudir sa kalite travay, e sa kantite travay ki *youth worker* ti pe fer dan distrik - parey mon krwar i annan en zenn in ekrir in dir.

Zot ti menm manman, zot ti menm *youth worker*, zot ti menm *counselor*, zot ti menm tou dan nivo distrik. Wi zot ti pe fer bokou. E se sa ki ler mon ti vin dan Lasanble mon ti demande, pou nou kapab revwar sa *Scheme of Service*.

Me parey ou konnen nou'n revwar en pe nou pa ankor kapab ariv lo sa nivo parske i vin lenpak finansyel. Avek osi avek *DPA* kot nou pe vwar ki bann rol bann *youth worker* i fer dan distrik.

Me parkont la nou'n bezwen met en *hold*. Akoz ou

konnen sak dimoun i annan en nouveau vizyon. Sak *Leader* i vini i annan diferan keksoz ki i anvi fer. So nou bezwen vwar e adapte ek sa bann nouveau keksoz ki pe vin avek.

Parey in vwar la nou annan sa nouveau *restructuring* ki pe fer lo nivo SNYC. E la ankor nou bezwen regarde kisia parey Minis taler in dir pou nou donn valer *youth worker*, pou nou lev son nivo atraver distrik, rezyonal, e enternasyonal ki mannyer nou fer nou bann programm.

So sa *Scheme of Service* nou pa pe kapab tous li pou lemoman, akoz sa nouveau *restructuring*.

Dezyenmman ou'n demann mwan konsernan YEB, sa *Scheme* ki ti annan. Ler Prezidan anons son Bidze, ti dir poudir i annan sa bann *Grants* be selman i pa ankor nou lendikasyon kote i pou tonbe, e lekel ki pou zener sa bann larzan.

Avan ti tonm anba SNYC, ti annan en bout ki ti tonm kot nou tipikman zis pou lazene. Me *from now on* i pa'n vin dan nou Bidze. I pa dan nou Bidze, so mon pa pou kapab eksplik ou, mon pa pou kapab dir ou kan ki pou komanse e ki mannyer, *how it is going to go about*? Ok? Sa dezyenm.

Trwazyenm ou pe koz lo nivo distrik, lanplwa. Nou annan en novo fason fer keksoz, e la ankor nou pe travay ek lezot lazans. Par egzanp *employment*, dan nou *empowerment section*, nou annan en bout osi ki tonm for, nou pe met plis lanfaz lo *employment*.

Nou ti annan sa seksyon depi avan. Me selman la nou pe revwar li ki mannyer nou pou ed bann zenn. Menm avan zot fini lekol ki nou kapab ed zot plas zot, menm fer bann sesyon ki nou anvoy zot dan bann diferan landrwa. Pou zot war, familyariz zot lekor avek bann diferan travay pou nou kapab ed zot ganny lanplwa.

E en lot ou'n dir avek sosyal. Sa lo nivo departman, Minis i annan en travay ki i pe fer konzwentman avek bann lezot departman. Me selman i met nou azour, pou nou kapab organiz nou osi pou ou kapab travay ansanm. Pou nou kapab ed bann zenn swa ki bezwen lasistans, oubyen ki bezwen lanplwa. Mersi.

MR SPEAKER

Minis wi.

MINISTER MARIE-CELINE ZIALOR

Mersi Mr Chair. Mersi Onorab pou kestyon. Mon ti ava zis kontan azout en pti bout lo sa kote sa *YEB*. En kestyon ki ou'n demande ki nou pa'n reponn konsernan sa bann ki pa'n ganny *disburse*.

Wi i annan, e letan nou'n vini bann *anomaly*. E mon ti pe ganny en kantite konplent avek bann zenn ki'n *apply*. I annan en pe keksoz ki pa *add-up*. Lanmenm ler prezan mon ti zwenn avek son *Chairperson* sa *Board*, nou ti eksplik serten keksoz. E li osi i ti konfirm avek mwan poudir i pa ti okouran ki ti annan en bann keksoz ki ti pe arrive.

E vwala nou ti pran en desizyon nou'n dir be non nou pa pou kapab kontinyen avek sa. E i annan dimoun ki ganny pran aksyon disipliner avek li. Pou nou fer sir ki nou pa repet ankor sa bann aksyon.

E apre konsernan sa bann zafer en pti bout larzan isi, en pti bout larzan laba pou enterprenarya in deside ki pou annan en antite. Ki apre i ava ganny anonse, ki tou dimoun i ava kapab ganny akse avek finansman pou biznes.

E kot *SNYC* zot, zot pou annan programm annan *Leadership* pou bann zenn antreprenier ki plito pou fer avek, pa pou donn zot

finansman. Me pou donn zot kapasite pou kre bann platform. *Even* nou kapab fer bann platform envestisman ansanm avek *Minister Devika Vidot* pou regarde ki mannyer nou kapab donn sa sipor. *Facilitate* sa pou donn sa led.

Be selman pa ankor pou kre en Bidze, pou nou kapab nou pe distribye finansman. Pou lemoman mon pa krwar poudir SNYC i annan kapasite pou li kapab fer sa.

Apre konsernan bann programm, eski sa Bidze pou kapab delivre. Wi, akoz ou konnen nou bezwen fer keksoz fason diferan. E en kantite fwa, mon kontan adopte prensip ki nou apel ‘*Working smart*’. Konnen ou pa neseserman fodre fer en kantite keksoz, swa depans en kantite larzan de fwa pou ganny rezulta.

Si nou anmas lenformasyon en pti pe plis, ouswa nou servi lenformasyon ki deza la. Apre nou travay kolaborasyon tre for. Parey nou ti dir lazernes nou annan en par dan Bidze tou dimoun nou. Akoz lazernes se partou. E nou, nou mazinen poudir nou kapab definitivman travay en pti pe pli *smart* si nou travay ansanm.

Nou koz avek bokou plis dimoun, pou nou kapab vwar ki mannyer nou nobou kapab

apre osi fer lazernes nou bann vizyon ki nou annan ek sa programm. I pa pou zis avek sa Bidze sa programm Nasjonal. Mersi bokou Mr Chair.

MR SPEAKER

Mersi. Onorab Cosgrow.

HON WALLACE COSGROW

Bonzour Mr Chair. Bonzour tou dimoun. Bonzour tou bann madanm. Bonn fet madanm tou bann madanm. Spesyalman bann zenn madanm, ozordi nou pe koz lo lazernes. Espesyalman bann zenn madanm ki pe ekout nou. En swe spesyal bonn fet madanm pou CEO Belmont.

Mr Speaker, lazernes nou dir se larelev. Nou war ozordi Sesel ki lazernes i partou dan tou domenn nou sosyete. E Minis in dir lazernes i dan tou Bidze, mon dakor avek ou Minis.

Nou war ozordi lazernes pe fer zot mark partou dan tou domenn nou sosyete. Sa i akoz zot in ganny sans pou zot epanouir. Zot in ganny sans pou zot partisipe e zot in ganny sa pou zot osi fer desizyon.

Now mwan mon kestyon i vin lo kote Gouvernans SNYC. In ganny dir ki poudir dezormen SNYC pou nepli annan sa *Board*. Minis mon ti a kontan konnen ki kalite or ki mode

gouvernans ki zot pe anvizaze anmennen pou SNYC?

Dan lepase Lazenes in en, fer kontribisyon for dan i mannyer sa lorganizasyon i bouze. Now ki kalite sistenm gouvernans ki zot anvizaze anmennen? E eski lazenes pou form parti sa *decision-making* dan sa lorganizasyon? Akoz i pou zot, zot annan serten lenspirasyon e mon pe gete si zot pou form parti sa *decision-making* pou fer sa lorganizasyon marse. Mersi bokou.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Wi mon krwar taler ti demande sa kestyon. mon pa'n reponn. Lo kote gouvernans. Ler nou pe regard, gouvernans i pa pou SNYC i pou larestan NSC osi tou. kekfwa zot ti'n manke semenn pase. Ki pou napa *Board*. I en desizyon nasyonal pou regarde lekel bann antite ki bezwen annan en *Board*. Apre lekel ki pa bezwen annan en *Board*.

SNYC in tonm lo, nou pe koz lo SNYC ozordi be selman i menm prensip pou tou bann larestan Konsey. Tou larestan

Konsey ki tonm anba nou portfolyo. Rezon prensipal se akoz letan nou pe, tou fason nou pe regarde, evalye kontribisyon. Sa ansanm avek departman, ansanm avek tou dimoun ki ti la menm avan mon vini. E regarde eski i ti pe ganny governen?

E letan nou'n vwar en pe bann keksoz nou'n dir be kekfwa annou revwar sa gouvernans. E letan nou met lo latab prezan nou'n dir be annou regard gouvernans pou en bon pe bann antite. Eski nou bezwen? Akoz nou pe koz lo tir sa bann kantite *layer* ki i annan. E ki mannyer prezan, ou kestyon i valab, ki mannyer prezan sa pou ganny ranplase.

E tou respe ki mon annan pou bann dimoun ki'n la ki'n lo *Board*, nou pa ti donn zot ase kapasite toutfason, pou zot kapab governen. E si ou demann mwan ler mon pe regard keksoz. I ti napa gran gouvernans tou fason. Annan de ler nou met bann striktir pa akoz pou nou fer plezir serten lotorite enternasyonal ki demann nou, nou bezwen zis fer.

Pei i ptipti li. I pa parey bann gran pei kot ou bezwen sa kantite. Pou nou, nou pa bezwen. Omwen ki mannyer ki nou fer keksoz. En kantite fwa

ou annan zoli striktir lo papye ou fason enplimante. Mon krwar sa in ganny sorti dan Lasanble oparavan. Ki i fer en diferans.

E vi ki nou pe dir ki SNYC pa pou kontrol tou aktivite zenn ki pou fer. I pe large e pe les larestan *ownership* sirtou bann zenn *facilitate* zot pou zot vini e dir nou ki kalite aktivite kwa ki zot anvi. Zot vin avek bann programm nou pou siport zot. I annan en kantite ki pe vini. nou pe lans lapel bann ki annan bann programm par bann zenn sirtou, Tou zenn vini, e nou siport zot 100poursan donn zot sa sipor pou zot kapab enplimant bann programm.

E nou pe mazin zenn pou vin dirize. Nou pa kapab toulstan nou dirize. Nou pe dir zot vini zot dirize. Nou, nou deryer zot. Nou pouse nou fer zot ale. E ou'n byen dir poudir zot annan kapasite, bokou kapasite. E zot kapab fer sa. Mon krwar petet mon'n reponn en pe ou kestyon. Mersi Mr Chair.

MR SPEAKER

Mersi Minis. Onorab Porice.

HON DOYACE PORICE

Mersi Mr Speaker. Bonzour tou dimoun ki a lekout. Bonzour bann MNAs. Bonzour Minis avek ou delegasyon. Mon

kestyon in deza ganny reponn e pti pe. Me selman mon pou vin dan en lot fason.

Avek sa lenplimantasyon sa Polisi. Konbyen *youth worker* zot pou annan? E si zot pou lo nivo distrik oubyen rezyonal? E osi si zot annan en kadreman ki zot pe fer avek sa bann *youth worker* par lafason ki zot pou travay avek bann zenn dan distrik? Mersi.

MR SPEAKER

Mersi. CEO.

CEO PENNY BELMONT

Mersi Chair. Mersi Onorab. Ler nou pe revwar ek sa novo *new structuring*. Pou napa dan sak distrik e *youth worker* parey ti annan avan. Swa i pou rezyonal, swa i pou depan programm. So ler ou regarde avan ti annan enn dan sak. Apre ou ti annan en *Leader* par lao ki ti fer rezyonal. So tousala i pe sanze.

E wi avan ki zot antre, annefe la nou pe travay lo met sa an plas. Epi zot pou ganny *advise* lekel ki pe reste, lekel ki pou al dan diferan seksyon. *Plus*, ek son training ki pe ganny fer.

Tou sa ki bann *restructuring* ki nou pe fer, i anliny avek zot *capacity building* epi vwar ki zot pe fer

pou kapab ankadre zot. Pou zot kapab al *empower* sa bann ki nou pe dir *Youth-led program* avek bann *NGOs*. So wi nou annan en travay ki nou pe fer.

MR SPEAKER

Mersi. Onorab Lemiel.

HON SYLVANNE LEMIEL

Mersi Mr Chair. Bonzour Minis Avek ou delegasyon. Bonzour tou mon bann koleg Manm Onorab e tou dimoun ki a lekout. En bon pe mon bann kestyon in ganny demande Mr Speaker. Me selman mon santi ki i annan serten keksoz, i annan serten pwen ki merit petet i ganny repons en pti pe pli kler. *Ok?*

Mwan mon en dimoun ki toultan atas gran lenportans a lazennes. E sa parti osi ki mon siporte, nou toultan atas en gran lenportans ek lazennes. E nou toultan anvi ki lazennes i al pli devan. *So Minister*, ler nou pe regarde lo kote par egzanp ou'n fini dir nou lo kote *young antreprenier*, sa zot in fini pran en desizyon lo kote pou al ganny gouvernen par en lot lazans.

Eski ou annan statistik la ozordi, ki kantite zenn ki'n ganny asiste anba *youth antreprenier* petet panda sa dernyen 4an a 5an ki'n pase? Ki

kantite *young antreprenier* ki'n ganny asiste? E avek konbyen sonm zot ti ganny asiste?

Lot kote nou pe vvar ki - lo kote *service delivery* i annan en kantite sanzman - in *terms of service delivery* lo nivo bann distrik, ki bann *youth worker* ti donnent. Vre i annan landrwa ki ti mars tre byen, i annan landrwa vre pa ti mars tro byen e ki ti kapab aranze.

So dan revi zot in touse lo la, mon ti a kontan ganny en pti pe lesplikasyon *deeper*. Dan revi ki zot in fer dan zot bann programm e servis anliny avek zot novo Polisi SNYC, donn nou en pti pe plis detay kwa ki'n sanze? Ki bann revi mazer ki zot in fer ladan, dan sa Polisi SNYC? Ki pou sanz sa fason travay lo kote distrik.

Youth Services Bureau

MR SPEAKER

Nou kapab pran sa bann Madanm Lemiel. Mon krwar...

HON SYLVANNE LEMIEL

Dernyen sa.

MR SPEAKER

Ale.

HON SYLVANNE LEMIEL

Youth Service Bureau Minis, ou'n koz lo la. Mersi pou annan enn Anse Royale. I pe

fonksyonn tre byen. Parfwa ou war lespas i tro pti en? I tro pti, pti. E osi bann servis ki zot pe donnent petet en ler i demann re gete. I demann ranforsi en pti pe servis ki zot pe donnent.

Me selman parkont lespas i toulstan en problemm. Mon ti a kontan konnen an-term *rent*, konbyen zot pe pey sa biro kot SNYC? Akoz avan sa si mon pa tronpe i ti pli en pti *room*. E petet zot in pran 2 pou fer vin en sel. *I don't know* mannyer in vini, me selman mon war li en pe pli gran. Konbyen zot pe peye pou rent pou lofis kot SNYC Anse Royale? Mersi.

MR SPEAKER

Mersi. Minis ou kapab konmanse.

MINISTER MARIE-CELINE ZIALOR

Wi mersi Mr Chair. Mersi Onorab pou ou ban kestyon. Lo kote statistik lo YEB konbyen ki'n *disburse*, mon ava regard avek CEO. Avek Ms Bonne si i annan lenformasyon pou donn ou. la si nou napa apre nou ava fer ou gannyen.

Lo kote, mon a sey re eksplik ankor en pti git konsernan kwa ki'n sanze. Ki sa revizyon ki pou fer? Premye revizyon kler sete *duplication*. Ti annan en kantite. Ler nou asize

met Bidze ater regarde tou bann Minis, i ti annan en kantite *duplication* en pti pe partou.

Prezan nou'n kalkile ki mannyer nou nobou kapab. Ou konn annan de ler diferan lazans pe fer menm keksoz. I pa tro, tro en move keksoz li. selman letan ou dan en peryod kot ou pe koup Bidze, ou napa larzan pou depanse, ou bezwen fer serten desizyon.

Apre osi parey mon pe dir, bann transformasyon ki nou anvi fer - kolaborasyon, nou pe ankouraz sa travay kolaborasyon sirtou avek Departman Lokal. Gouvernman Lokal ki pou annan. E kot Gouvernman Lokal zot osi zot annan bann dimoun ki kapab fer en pe sa louvraz ki *youth worker* ti pe fer. So i pou annan bann, vwala akoz nou pa kapab don tou bann detay. Nou pa ankor zwenn avek sa bann dimoun pou nou met tou sa detay.

Me selman nou ava kapab vini en lot zour pou nou kekfwa petet donn plis lesplikasyon, letan sa in ganny fer pou nou kapab vwar vreman ki kalite laform, ki kalite model sa i pou annan. Lo kote model dan li menm li striktir Konsey, sa i kler. E byento CEO pou al lo medya pou li kapab eksplik en pti pe plis tou lo bann diferan.

I annan 4 gran mazer pilye ki pou annan dan Konsey konpare avek petet mon krwar ti annan e pti pe plis oparavan. Ki mannyer ki ou ape koz bokou lo *empowerment*, devlop kapasite. E vwala akoz nou bezwen - Ou konnen i ti gro, ti annan en kantite dimoun pe travay, ler selman ou pe rod bann dimoun avek bann servis spesifik, nou pa ti pe gannyen.

E ou bezwen fer lespas pou nou kapab anmenn bann dimoun ki annan bann kapasite spesifik, pou nou kapab travay avek. E par egzant mon a donn ou en senp legzant. Ler nou pe regard bann problem latitud ki pe leve avek bann zenn, i annan detrwa ki sorti, son lorizin in medikal.

Ler zot ariv adolesan kot SNYC dil avek. Kekfwa ti napa kot SNYC bann dimoun ki spesyalize ladan, pou kapab donn sa bann servis avek bann paran, ek bann adolesan. E lo sa kote *youth wellbeing*. Ki taler mon krwar Onorab Labonte in demann lo spirityalite. Sa osi tou i ava antre laba.

Lo kote karyer, nou ti napa. Nou bezwen fer lespas pou nou kapab anmenn en servis pli spesyalize. E osi tou letan nou pe regarde a enternasyonal ki son - nou pe

benchmark, nou met standar. Pou ou lev en pti git sa bann standar osi tou. Sa osi tou i en pe bann rezondet e akoz, e ki sa bann keksoz an plis ki nou pou anmennen.

Mon ava demann CEO preznan pou li reponn sa 2 lezot kestyon. Mersi Mr Chair.

MR SPEAKER

Mersi. CEO.

CEO PENNY BELMONT

Mersi Chair. Mersi Onorab. Lo kote *entrepreneurship* nou ti anvi, nou kapab donn ou byen egzakteman spesifik biznes. E lakantite ki'n kapab. Me pou la mon kapab dir ou 2019 nou ti ganny zis 1 milyon. Dan sa 1 milyon nou'n ed 14 zenn dapre zot natir. E sa i diferan. I annan ki'n ganny en masin R7mil. I annan ki'n ganny R100mil. I depan ou *nature of business*. So ti annan diferan biznes.

Me parkont lannen pase 2020 nou ganny 1.9, ki en pti pe plis ki, akoz ler nou ti vini nou ti diskite, nou ti vwar poudir i pa ase. Bokou zenn i bezwen *start up* sirtou kapital, i pa ti ase. Sanmenm sa nou ti ganny 1.9 lannen pase ki nou'n kapab ed 33 zenn.

So nou lakantite i monte. Me selman parkont *by the time* larzan pe fini, ou annan en

kantite zenn parey Onorab in demande ki in vini in fer son laplikasyon, in vin *pitch*, be nou pa'n annan larzan pou nou donnen akoz larzan ti'n fini. So wi, sa programm ti mars byen. E nou kapab fer zot ganny en kopi lakantite e ki kalite biznes an detay.

Bon, trwazyenm ou ti pe koz lo YSB. Wi Anse Royale i en landrwa ki mars vreman, vreman byen. E nou reveni osi laba i byen. Me selman landrwa i pti, pti. Napa ase lespas. Nou pe fer serten travay Pou nou regard lezot landrwa, ki bor ki nou kapab fer sa. Me malerezman nou pa ankor gannyen.

Nou *rent* laba, sa *building* annefe mon bezwen al negosye, akoz vi ki i tonm anba *MLUH*. E nou *rent* i R10, 500 par mwan pou sa 2 bout. Mersi bokou.

MR SPEAKER

Mersi. Onorab Zialor.

HON NADDY ZIALOR

Mersi Mr Speaker. Bonzour a tous. 3 dan mon 4 kestyon in fini ganny reponn. Me solman petet atraver ou Mr Chairman konsernan *building* kot SACOS, CEO ou'n dir nou ki ou ti annan 5 *floor* ki zot ti pe servi. La zot pe servi zis 3. Eski petet ou

kapab dir nou a ler aktyel konbyen zot *rent per month*?

E avek redeployman serten *youth worker*, eski petet zot pou mazin bouz dan en lot lofis kot petet ou pou annan *minimum staff* pou ou kapab redwir en pti git osi lo lakantite *rent* ki pe ganny peye? Mersi.

MR SPEAKER

Mersi Onorab. CEO.

CEO PENNY BELMONT

Mersi Chair. Mersi Onorab. Mersi Mr Zialor. Mon kontan pou war ou dan Lasanble, parske ou enn bann zenn ki'n pas dan tou program SNYC. E mon kontan ou ankor annan sa lanmour pou bann zenn.

Pou konsernan SACOS, sak *floor* pou lemoman nou pe pey nou R154 mil 052. 58sou. E nou pe pey zis 3, pou lemoman i arriv nou R462mil par mwan. Wi nou pe travay avek Komite ki donn ou lokasyon pou nou vvar. Akoz annefe sanmenm sa vizit in ganny fer kot *APDAR* semenn pase, pou zot vvar ki leta i ete, si nou pou sorti, si nou, nou pe bouze.

Akoz nou, nou pe sey fer en fason pou nou *cut down* lo nou bann *rent*, pou nou kapab ganny en pe plis larzan pou al dan nou bann programm. So

pou lemoman sa, me selman nou pe vwar avek bann diferan programm ki nou pe fer.

Konsernan *youth worker* ou pe dir, me trwa kar sa bann travayer ki la, *youth worker* ti baze dan distrik. E la sa bann lespas ki nou'n pran anler ki nou'n koupe, se akoz nou pa bezwen sa kantite lespas. E osi bann programm pa pe ganny fer bokou la. So wi nou pe revwar tousala. Mersi bokou.

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Bonzour Minis e bonn fet Madanm zot tou. Minis mon ti a kontan premye petet ekliersi nou, ouswa *CEO*, konbyen larzan ki zot ti resevwar anba programm CONFEJES?

E Minis ou'n refer sorti ki byento sa larzan, sa lasistans pou programm pou lazennes, pou ganny re *channel* dan en lot direksyon. Eski zot pe pran kont ki sa programm li menm li ki anba *La Francophonie*, i si zot pe met en, lot programm pou kapab *disburse* sa larzan, ki i bezwen reste anba sa Minister menm li, menm. Pa neseserman i bezwen al kot Finans, akoz sa i rekomandasyon. Eski zot pe pran kont sa?

E lo size *Board*, mon ti a kontan pete, Minis ou'n fer en *statement* taler poudir i pa neserman ki nou swiv bann lorganizasyon enternasyonal, zot rekomandasyon. Mon krwar nou bezwen *be careful*, akoz semenn pase nou'n war nou fer lamannman diferan *Bill* pou sekter finansyel. Ki si nou pa swiv nou pou war nou lo en *white list* ouswa en *black list*.

Alors Minis, baze lo sa desizyon ki mon konnen ki pa tou dimoun ki dakor avek SNYC, ki Prezidan in met devan. Eski zot pe pran kont osi poudir nou form par bann *charter*. Sirtou sa *African Charter, Youth Charter*. E baze lo sa Nasyon Ini in met bann rekomandasyon ki bann *Board* i bezwen egziste, pou asir la demokrasi gouvernans okenn Konsey Lazenes. Eski zot pran kont sa? Mersi.

MR SPEAKER

Mersi. Minis wi.

MINISTER MARIE-CELINE ZIALOR

Mersi Mr Chair. Mersi Onorab pou kestyon. Mon a pran sa enn dernyen apre pou CONFEJES avek YEB mon a les *CEO* reponn. Definitivman nou pran kont bann konsiderasyon akoz, e nou nou'n rode. Nou'n fer en

pe *homework* nou'n rode akoz ki tou sa bann antite ti annan *Board*. E regarde e revwar si nou pa an defo avek okenn norm enternasyonal dan sa kote.

E sirtou bann diferan Konvansyon ki nou'n sinyen. Nou'n regarde nou'n fer en pe, en kantite nou'n anvoy kot AG avan, pou nou regarde si napa okenn difikilte. Savedir sa bann desizyon i pa ti ganny pran lezerman. Nou'n fer en kantite *homework* pou vwar, si i annan keksoz ki sanze a lavenir.

Sa bann keksoz i dinamik li. Si keksoz ki nou fer mon krwar mon'n deza dir oparavan. Mon en dimoun ki pa per, si nou'n fer en fot nou kapab dir, be ou konnen kwa, sa nou'n fer en fot nou ava aranze. Ouswa bann sanzman ki pe arrive la, sa i en keksoz ki mannyer nou pou kapab aranz li fer li diferaman.

Selman pou lemoman i pa afekte okenn norm enternasyonal, lo sa ki konsern zer lazans, sirtou akoz lafason ki ou enplimante. Ki mannyer ou donn akse, demann se ki ou donn akse zenn e donn zot sans pou partisip dan kontribisyon bann desizyon ki afekte zot. Mersi Mr Chair nou ava les *CEO* reponn sa lot 2 kestyon. Mersi.

MR SPEAKER

CEO wi silvouple.

CEO PENNY BELMONT

Mersi Chair. Mersi Onorab. *CONFEJES* i pa nou ki dictate konbyen nou pou gannyen par lannen. *CONFEJES* i depan bann proze ki bann zenn i vini i prezante, i *pitch* i anvoy laba. E zot ki deside dapre proze sa bann zenn konbyen pou donnen. So i varye. I annan de ler ki ou kapab ganny 200mil. I annan de ler.

Me parkont depi ler mon la, 2019 nou'n ganny plis. Plis zenn ki'n ganny asiste, ki'n arriv nou apepre en total R420mil. So, it all depends ki mannyer sa zenn i ganny prepare pou li prezant son proze.

Se son proze i ganny pirman ziz-e par *CONFEJES*. So tou le lannen i diferan. Annan de ler ou pou annan 4 marmay, menm si 15 zot ki'n prezante 20. Ou pou ganny 4 oubyen 3, oubyen ou ganny 2. So it all depends.

Me parkont sa programm *CONFEJES* ler Gouvernman i deside ki mannyer sa bann Grants pou ganny disburse. Nou kapab montre zot, donn zot sa bann gidans ki *CONFEJES* i fer. E petet menm keksoz i a ganny aplike kot sa bann zenn ki pou fer the local Grant pa

ganny asiste. E zot kapab *still* prezant zot programm avek CONFEJES e ki mannyer i pou ganny zere apre zot ava pran e desizyon. *Thank you.*

MR SPEAKER

Mersi. Onorab Samynadin.

HON KELLY SAMYNADIN

Mersi Mr Chair. Bonzour Minis e CEO, e tou dimoun a lekout. Mon premye kestyion, anliny avek zot priyorite stratezik, kot zot pe revwar zot bann programm ek servis an relasyon avek nouvo Polisi avek manda SNYC. Mon ti a kontan konnen tou an konsideran sa bann reform. Ki pou rol e fonksyon Lasanble Lazenes eski i pou reste parey oubyen si pou annan okenn sanzman?

Dezyenmman, mon ti a kontan konnen lekel ki Chairman Board SNYC, ensi ki son bann manm?

Dan sa programm Grants, konbyen larzan i reste ki pa ankor ganny *disburse*? E konbyen aplikan i reste ki pa ankor ganny asiste? E par lefe ki i paret in annan koripsyon dan sa bann larzan Grants, eski Board pou ganny demande pou rann sa bann larzan ki manke sirtou par lefe ki dan bann ka ki arrive? In annan ka kot larzan

pa'n zanmen ariv kot aplikan? Mersi.

MR SPEAKER

Mersi. Minis wi.

MINISTER MARIE-CELINE ZIALOR

Mersi Mr Chair. Mersi Onorab pou bann kestyion. Mon aprann sa enn konsernan sa ka ki ou pe dir dernyen la. Apre CEO i ava donn bann detay lo Youth Assemble apre lekel ki Chairperson SNYC.

Sa YEB i pa to pe ganny, letan mon ti pe regarde ki mannyer, konpran son striktir. I pa, sa ki zot apel en Ministerial Board i pa Board SNYC. E i en Board ki dir i en Ministerial Board ki Minis ki ti apwente. Minis ki apwente sa Board.

E mon'n fini komans pran zot *taken to task* komans par son Chairperson avek sa bann ka kot larzan pa'n ganny *disbursed*. Kot sa bann fason pou zot koriz *anomaly*. In deza oparavan zot konnen oparavan zot in deza ganny dir aranze. Ki zot pa'n aranze. E nou ti'n deside prezan sispann net sa bann loperasyon, pou zot pa kontinyen avek sa bann ka.

E Board SNYC li, selman CEO ki ti la i a kapab donn ou plis detay. Board SNYC li i pa ti pe ganny preski ditou akse avek

sa bann lenformasyon. E vwala kot ti annan, letan ou annan en kantite *layers* kot ou annan sa bann keksoz koumsa ki arive.

Nou kapab par egzanz rod en komite, ki pa en *Board* ki differan dimoun dan differan kous lasosyete, bann zenn ki kapab vini. Kot zot to pe servi pou zot dimoun i vini, bann zenn in sa ki nou dir an Angle i ‘pitch’ en nide biznes. Son model e zot deside si sa dimoun i merite ganny larzan. E zot ti pe apre dimoun ki ti pe *disburse* larzan.

Sa i kapab ganny fer pa bezwen *Board* avek en komite ki tanzantan kekfwa i a sanz dimoun lo la. Ki kapab ganny fer dan en fason ki taler Onorab Aglae in demann sa kestyon, pou li kapab annan en zesyon en gouvernans ki annan la transparans ladan. E mon ava envit *CEO* pou donn plis detay lo kote fonksyon Lasanble Nasyonal. Apre bann manm *Chairperson Board*. Mersi Mr Chair.

MR SPEAKER

Mersi. CEO.

CEO PENNY BELMONT

Mersi Chair. Mersi Onorab. Mon bezwen fer Lasanble byen konpran, i annan 2 *Board* ki ti annan. I annan en *Board* ki ti

ganny elekte *Board Lazenes*, ki gouvern. Apre ti annan en lot *Board* ki en Komite ki ti zer *entrepreneurship*.

YEB, CEO avek SNYC li menm, pa li ki ti *allocate* konbyen larzan zot gannyen. Pa ni mwan, me ti en Komite. E sa komite ti ganny formen par bann dimoun an deor ki pa tonm dan SYNC. Swa en dimoun ki en *banker for example*, ki kapab travay labank. Oubyen enn ki annan biznes. Sa ti bann zenn zot menm ki ti lo sa Komite.

E zot *amount* lokasyon larzan i ganny dir konbyen. Bann zenn i vini dan Sanmdi i *pitch*. E zot ki fer alokasyon. So pou servi sa mi koripsyon ladan i pa korek. Nou bezwen fer sir ler nou servi bann mo. Akoz i pa ti ganny zere par SNYC.

The only thing ki nou, nou fer. Ler zot fini zot *pitching*, zot dokiman i ganny konplete. I annan tou, zot peyman i ganny fer. E peyman pa ganny fer ek sa zenn dan son lanmen, me i pey son bann lekipman oubyen keksoz ki i ti bezwen. Sa anba *YEB*.

So 2 differan *Board*. Sa enn *Board* ki ou pe koz lo la, ki ou'n demande lekel ki *Chairman Board* SNYC, ki en zen fir ki apel Mercia, e i osi i ti ganny elekte dan *annual meeting* ki

nou fer tou le 2an, e zot tou le lannen. E li i ti gannyen elekte pou li vin *Chairman SNYC*. Ensi ki tou son bann manm *Board*. Ok?

Apre ou dezyenm kestyon se konsernan Lasanble Lazenes. Lasanble Lazenes mon krwar zot tou zot vvar zot konnen, Mr Naddy i konn byen. I en group ki vreman for, ki anvoy bokou lafors ek lenerzi. Pa zis menm lo zot bann Mosyon ki zot prezante. Me osi dan bann travay kominote ki zot fer avek lezot group, avek lezot zenn. Menm dan vilaz Prezidan, dan bann fwaye. Nou fer bokou.

Sa i pou reste. Me parkont nou pe rod fason pou nou elev en pti pe zot nivo. E osi ler zot Mosyon i pase, ler i ganny anvoye dan landrwa konsernen, e i ganny pran kont e reponn lapel bann zenn. Mersi bokou.

MR SPEAKER

Mersi. Nou pe *run out of time*, e nou annan en lot antite pe esper nou. Mon pou pas dernyen kestyon avek Onorab Pillay avan nou pran vot. Onorab.

HON SEBASTIEN PILLAY

Mersi Mr Chairman. Bonzour Minister avek ou delegasyon. Bonn fet madanm. Mr

Chairman, mon kestyon pou Minis i al dan laliny sa size gouvernans ki nou pe diskite. Minis ou ava apresye mon konsern otour sa size *redundancies*. Akoz mon santi poudir nou pa pe ganny tou lenformasyon isi zot Lasanble. E i annan lenformasyon pe ganny retenir par Gouvernman.

Pa neseserman par ou Minister. Me mon ti'n *raise* sa *matter* avek Lasanble. So, mon ti a kontan ou donn nou en klarifikasyon lo sertern size. Premyerman an relasyon avek bann *redundancies*, kan eski zot pou kapab *provide* Lasanble avek en lalis bann dimoun ki zot pe fer *redundant*?

Akoz ler nou regard Bidze nou pe provide Bidze pou saler ki tou dimoun ki sipoze lo zot *nominal roll*. Nou pa sipoze annan *reduction* dan saler. So si zot pe fer *redundancy* eski zot pe pran novo dimoun? Zot pe *redeploy* dimoun? Sa i bann lenformasyon ki mon ti a kontan gannyen Minis.

Lot kestyon ki mon ti'n a kontan klarifye Mr Chairman, se eski ou Minister pa krwar ki dil avek sa *Board*, *Ministerial Board* ki en *ad hoc measure*? Me gard sa striktir kot bann zenn i apwent bann dimoun ki zot e mete lo sa *Board* parey son *Charter* i konmanse.

Akoz ler mon pe get ou vizit ki ou ti fer laba, le 24 Novanm 2020, Nasyon ti rapport lo la, mon war ou dan en portre ankor avek bann zenn madanm ankor. Kantite madanm kot SNYC. Mon pa ti a kontan okenn madanm ozordi ki nou pe diskit Lazournen Madanm i perdi zot travay. Parey in arive dan Biro Vis-Prezidan. Nou pa ti a kontan sa i arive kot ou.

So, mon ti a kontan demann ou si sa i en keksoz ki zot konsidere pou zot dil avek?

And then mon dernyen pwen Minister. Petet sa i kestyon ki petet ou devret eksplik Lepep Seselwa. Anba ou Minister, kantite sistenm Gouvernans pe ganny retire, e lotorite *between the Minister and the entity*. Par egzanp NSC in nepli annan en Board. SNYC mon pa konnen si ti annan en konfizyon otour lekel ki *Board* SNYC. Lekel ki sa *Board*?

Eski sa i lapros ki ou pe pran. Ki ou *Minister* i le pran en lapros pli *hands-on*? E eski ou pa krwar petet sa i kapab anmenn en lenterpretasyon ki annan en lenterferans politik, dan bann landrwa ki zot fonksyonnman i bezwen ganny konsidere koman en pti pe pli demokratik? Mersi Mr Chairman.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou bann kestyon. Lo kote *redundancies*, si i annan si i napa. Lekel bann dimoun *nominal roll*, nou pe kalkile nou'n mazinen by lafen Mars. Nou ti'n kalkil pou lafen Mars depi lannen pase, pou nou kapab fini fer pou nou kapab donn ou sa bann detay.

Pou dezyenm lo kote sa *Ministerial Board* ki ou ape koz lo la. Sa bann *Board* nou kapab dan plas fer *Board* nou kapab definitivman fer bann diferan Komite. Fer bann diferan *Advisory Committee* ouswa lezot komite. Ki kapab vini si sa i en konsern lo kote Gouvernans.

Ki par bann zenn zot menm ki vini ki vin donn zot lopinyon dan en fason en pe pli formel dan sa fason. Me selman mwan mon annan en konviksyon ki ou kapab annan ou pli zoli striktir. Ki nou'n vwar dan lepase, striktir en kantite, *Boards*, striktir, Komite, e i lenplimantasyon.

Mon krwar sa osi semenn pase in sorti for poudir lenplimantasyon ki vreman enportan. E lafason ki mannyer nou fer keksoz.

Trwazyenm kestyon lo kote sa lapros *hands-on* ki ou ape dir lenterferans politik. Letan i annan transformasyon ki pe arive ki pe ganny fer. I neseser ki nou napa zis en kalite *style* kot nou zer keksoz. Nou bezwen annan diferan kalite stil. E letan in ler pou nou kapab met *hands-on*.

Pou lemoman mon pe dir ou fransman wi, mon pe fer *hands-on*. E mon bezwen fer *hands-on*. Akoz transformasyon pa pou arive si n ou pa fer *hands-on*. Akoz nou pe regard en sistem ki'n la pou en kantite letan pou nou kapab fer transformasyon. En transformasyon ki neseser. I pou pran en pe lapros *hands-on* lo komansman, i pou pran.

Be sa bann transformasyon, bann reform. I annan diferan staz. Sa i son premye staz, apre i pou annan dezyenm staz, ek trwazyenm staz. E nou bezwen komansman la fer en lapros *hands-on*, apre gradyelman pou nou kapab parey ou pe dir fer sa bann diferan komite.

Be selman lamazorite bann reform, bann nide fer. Pa sorti kot mwan. Demann avek tou, pa sorti kot mwan. Nou'n fer en fason fer, vwala ki mon pe dir fason fer. Nou'n les avek *CEO* ouswa *PS* avek zot tim.

Mon pa'n enterfer mwan. Pou zot propoz zot novo striktir. Nou pa'n enterfer, e nou'n dir ek zot al regard diferan kantite dimoun ki annan, e pran kont sa bann diferan lopinyon sa bann dimoun.

E i annan lo kote, nou pe koz SNYC. Selman lo kote sports ki mon pe pli *hands-on*. Akoz sa kantite keksoz ki annan pou aranze. Mon pe vwar tou sa bann lasosyasyon, tou sa bann Federasyon e lezot dimoun ankor ki ti la oparavan pou nou kapab fer bann *meeting* konsilitativ, pou nou konsilte pou nou kapab pran sa bann desizyon.

Sa i pa ganny fer ki zis mwan, mon pa en teknisyen dan sa bann *field*. Mon pa fer krwar mon konn tou keksoz. Nou pe fer sa dan en lapros vreman, vreman, vreman diplomatik. Be selman ou bezwen annan en dirizan ki dirize. E en ta fwa mon krwar vwala kot nou'n fer en fot en pe dan lepase.

Ou bezwen annan en dimoun ki dirize. Si ou napa en dimoun ki dirize komansman, ki pran responsabilite, i dirize, keksoz i zis ganny fer, sakenn i redi en kote. E komansman i bezwen annan en vizyon e en direksyon dan ki kote kot nou pe ale.

E mon krwar Onorab Sebastien si ou annan en pti pe pasyans, gradyelman i pou annan sa bann Komite avek sa bann gouvernans ki pou vvar. Be son fason fer in dan latransparans, apre i ganny fer bokou avek en kantite konsiltasyon. Mersi Mr Chair.

MR SPEAKER

Mersi. Nou a pran vot lo Bidze. Onorab Pillay nou kapab terminen *please*.

HON SEBASTIEN PIILAY

Mersi Mr Chairman. Mr Chairman mwan mon le termin lo en not ki ozordi *of all days* mon pa pou argimant avek ou. Me mon le swet ou bonn sans avek lapros ki pe pran avek ou *Minister*. E kont lo si nou war en keksoz pa pe al byen, nou pou dir ou. E nou pou sey nou mye pou asiste pou fer sir ki bann zenn i ganny e meyer dan sa Bidze ki devan zot. Mersi Mr Chairman.

MR SPEAKER

Mersi pou sa bann parol Onorab. Nou a pran vot lo Bidze pou *Seychelles National Youth Council* lo paz 233 ziskan 237. Pou en Bidze R20milyon 561 mil. Manm ki an faver lev lanmen silvouple? Mersi okenn ki kont?

Mersi Madanm Clerk. Vot lo Bidze pou *Seychelles National Youth Council* lo paz 233 ziskan 237 pou en Bidze R20milyon 561 mil. In ganny 24 vot pour, zero kont, e 6 abstansyon. Alors mon deklare ki Bidze in aprouve par Lasanble. Nou a *adjourn* e nou a repran 11.15. Mersi.

(BREAK)

NATIONAL COUNCIL FOR THE ELDERLY

MR SPEAKER

Nou pe pran Bidze *National Council for the Elderly*. E mon a swet byenveni Mrs Marie Josee Bonne, *Principal Secretary Family Affairs*. E Mrs Nicole Pool *Assistant Accountant*, ki'n zwenn Minis e Mrs Nellie Coopoosamy pou sa sesyon. E osi *PS These* i touzour la.

Bidze pou *National Council for the Elderly* lo paz 250 ziskan 253, pou en total R13milyon 170mil. Minis lentrodiksyon *please*.

MINISTER MARIE-CELINE ZIALOR

Mersi Mr c hair. Sa Bidze ki nou ape demann avek Lasanble Nasyonal pou aprouve pou bann dimoun aze, i en pti rediksyon konpare avek lannen

pase. E zis pou fer rapel avek Lasanble ki sa Konsey i pe ganny abzorbe par Departman Lafanmir e i pe ganny abzorbe parey i ete avek tou son bann fonksyon. E apre si i annan kestyon *PS Bonne* i ava kapab donn plis lesplikasyon.

E i napa en gran sanzman ouswa gran restriktirasyon. Bann fonksyon si ou le avek sa Konsey. Mersi Mr Chair.

MR SPEAKER

Mersi. Tenir lanmen en pti moman silvouple. Mersi mon krwar mon'n ganny tou. Nou a komans avek, *ok* ou a komans kote isi avek Onorab Henrie.

HON GERVAIS HENRIE

Mersi Mr Chair. Bonzour tou dimoun spesyalman bann dimoun dan distrik Mont Buxton. Mr Chair mon enterese ganny lenformasyon konsernan programm 2 ki kouver *Homes for the Elderly*. Mon konsyan e zot ava koriz mon si i pa leka. Ki i dwater annan en konponan *receipt* dan Bidze *Home for the Elderly*. Mon pe dir sa akoz mon konnen poudir ti annan en letan ki bann dimoun ki reste dan sa bann lakaz, ti ganny demande pou fer kontribisyon pou zot *utilities*.

Me apre mon'n ganny dir poudir zis avan eleksyon 2020

pou en rezon politik, e atir vot sa bann dimoun aze, sa desizyon ti ganny tire, ti dir zot pa pou peye. So mon anvi war en, mon anvi konn stati larzan ki'n ganny ranmase dan bann *Home for the Elderly?* Si i annan konbyen i annan?

E dezyenmman, Minis, depi ki ou bann antite in komans pase, nou'n tann bann kestyon zesyon larzan. E konfirm ek sa Lasanble eski in annan kek skandal finansyel *with regards to bann Home for the Elderly?* Eski i annan, eski in annan desizyon kot larzan in manke? Eski in annan *investigation?* Eski in annan dimoun ki'n ganny *taken up to task?*

Mon anvi ki nou eklersi sa, akoz mwan ansanm avek bann lezot dimoun, nou'n vot pou sanzman. Sanzman reel kot bann lensidan parey i egziste nou pa kapab soutire. Mersi bokou.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. mon pou les sa enn premye avek *PS Bonne*. Pou donn plis leklersisman lo kote *receipt*. Lo kote skandal.

lenvestigasyon wi, napa naryen mon krwar pou kasyet. I annan, sak fwa letan i annan konsernan larzan, risk pou annan bann *Scheme*. I annan bann dimoun ki ti pe *Scheme* bann dimoun aze ki pe fer zot krwar zot pe al fer aktivite apre zot in pran zot larzan.

I annan ki *PS* ti met a mon latansyon, ki pe ganny deal avek. Kekfwa i riske i annan ankor ki nou pa okouran. E si i annan dimoun ki annan lenformasyon sa ki pe pase, nou ti a kontan met a nou latansyon. E nou garanti poudir nou pou met en *stop* avek. Apre bann dimoun ki ganny vvar koupab zot pou ganny anmenn kot lotorite konsernen. Mersi Mr Chair, mon a pas laparol avek *PS* Bonne.

MR SPEAKER

Mersi *PS*.

PS MARIE JOSEE BONNE

Mersi Mr Chairman. Mersi Onorab. Nou pa oule fer en tro gran diskour. Me selman mon kapab dir ki depi ki Mrs Ferrera ti ganny sa *post koman CEO* pou *Council for the Elderly*. Nou ti war en sanzman dan *governance of Council of the Elderly*.

E enn bann keksoz ki i ti komans travay lo la se regard sa

sityasyon *BOT*. Sa *BOT* li i ti ganny met an laplikasyon depi ki *the portfolio responsibility* ti tonm avek Gouvernman Lokal, e son manda se, i ti sipoze regard dan bann programm e osi ti annan en bout larzan ki ti sipoze ganny tire pou *funeral expenses* pou sa bann ki ti anvi fer kontribisyon anver zot letan ler zot pou dese.

E ti annan R400 ki ti ganny tire, ki i sipoze vin atraver *utilities*. Be ler *the new National Council for the Elderly* ti vin an plas, tou keksoz ki annan pou fer avek *utilities* ti ganny pran par *the Council* li menm. E preznan ti sipoze sa larzan ganny servi pou programm.

Me ler Minis avan nou ti pase kot bann *Homes* e nou ti fer ban rankont, bann konsiltasyon avek bann rezidan. Bann rezidan ti demann kestyon akoz ki larzan pe ganny tire kan zot pa war aktivite. Zot pa war programm *as such* lo en baz regilye.

Alors ti annan bann travay ki nou ti pe fer, nou ti pe fer bann *auditing in-house* e apre finalman nou ti ganny en pe sipor avek Minister Finans, ki nou'n war poudir ti napa sa rezon det pou tir sa larzan a sa moman.

Me sa pa vedir ki nou pa pe revwar *the whole governance of the Homes* li menm. Pou nou vwar ki mannyer nou kapab dir ki larzan ki pou sa bann rezidan, i kapab serten bann rezidan ki ti la avan pa ganny servi byen. E nou pe ganny konsey avek Departman Finans.

An sa ki konsern larzan ki'n ganny kolekte, wi i annan pa mal sonm larzan ki la, e ki nou pe fer se nou pe elimin sa bann *BOTs* e tou larzan i pou ganny met dan en *Suspense Account*. Ki a ganny zere par finans li menm. Alors nou pa pou annan sa eleman ki endividé li ki pou annan kontrol lo larzan sa *BOT* ki tonm anba zot distrik respektif.

Parey Minis i dir, i annan bann dekadans ou kapab dir dan bann fonksyonnman. Me sa i pa vedir ki i annan skandal. Ki'n arrive dimoun in ganny donn en responsabilite, me selman i pa'n konnen ki mannyer pou zer sa responsabilite. E se sa enn bann rezon prensipal akoz ki nou krwar ki i pli kritik ki larzan i ganny reze par Finans e non-pa par bann *Homes* zot menm endividéyelman. Mersi bokou.

MR SPEAKER

Mersi. Onorab Ghislain. Ou le enteronp sa wi. Wi.

HON SEBASTIEN PILLAY

Mersi Mr Chairman. Mr Chairman mon annan en *point of order*. Mon le zis klarifye ki Onorab Henrie in *mislead the House* akoz in dir koumsa poudir sa bann peyman ti ganny kouver koz eleksyon.

MR SPEAKER

Lekel *Order* ou pe koz lo la, la, Onorab Pillay.

HON SEBASTIEN PILLAY

Mr Chairman anba nou *Standing Orders* okenn manm ki demann en kestyion i bezwen kapab *substantiate* son kestyion ki in demande. Onorab in dir koumsa poudir sa bann sanzman ki'n arive ti arriv *around eleksyon*. E PS in eksplike poudir sa i en *issue* ki'n ler *the new governance structure came in*, zot in war. E bann rezidan in dir sa.

So, mon krwar Onorab Henrie i devret aret *mislead the House* an relasyon avek sa bann kestyion koumsa. Mersi Mr Chairman.

MR SPEAKER

Onorab mon krwar poudir napa nanryen ekstraordiner ki'n pase. Sa bann pti remark

koumsa i arive toultan. Sorti tou lede kote. Mersi bokou. Onorab Ghislain nou apel ou pou kestyon silvouple.

HON CHANTAL GHISLAIN

Bonzour Minis. Bonzour tou dimoun. Mr Chair Minis in toultan dir ki Gouvernman ti gro, e zot pe sey fer fason pou degrese li pou fer li vin pli meg. Mon kestyon i lefe ki Konsey bann dimoun aze ti en antite, ouswa ti en Konsey ki ti pe deroul lo li menm. E mon'n vvar zot mon vvar zot in anmenn li dan Gouvernman koman en departman. Eski Minis i kapab dir nou en pti pe rezondet akoz? Si i pa ti pe marse lo li menm, ouswa si ti pe marse si ti annan bann defayans mon ti kapab ganny repons koumsa.

E lefe ki pe anmenn li anndan dan Gouvernman prezan si pa pe ede prezan pou fer, re grosi ankor Gouvernman olye degrese li fer li vin pli meg? Mersi Mr Speaker.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou kestyon. Konsey pou bann dimoun aze ti toultan avek

Gouvernman. I pa ti endepandan akoz i toultan Bidze avek Gouvernman. E letan mon'n pran sa portfolyo mon ti ganny *avise* par PS Bonne ki mon a les li apre eksplik zistifikasyon.

Pou letan nou pe fer reform parey mon ti pe dir taler avan *break*. Sa bann propozisyon i sorti kot bann teknisyen, bann dimoun ki la, ki konnen ki'n ganny loportinite, ki ti pe rod loportinite pou zot fer keksoz mars pli byen.

E sa i en rekomandasyon ki sorti kot Departman Lafanmir ki'n *advise* pou nou fer keksoz dan sa fason. E mon ava les PS Bonne eksplik en pti pe plis detay son zistifikasyon teknik akoz. Be selman pou sa kestyon eski pe fer pli grosi? Non. Akoz sa Konsey prezan i ti annan *Board* li par lo la.

E nou ti vvar PS, ti'n dir ki vi pa neseser. E i ti eksplik mwan akoz in, donn mwan en kantite dokiman pou eksplike e nou'n vin ver sa konklizyon. E apre tou bann servis ki ti pe ofer.

Ou konnen ti annan bann pti bout servis en pe partou ki kapab ganny santralize e ki kapab ganny pli byen servi. Pou osi tou parey lo kote transportasyon kot nou a pe ed

zot la en kantite. Avez sa ki napa sa bann *duplication* ki nou a pe koz lo la. Selman mon krwar mon ava aret la Mr Chair. Mon a les PS ki pli konn eksplike sa pli byen ki mwan pou li eksplike. Mersi.

MR SPEAKER

Mersi. PS.

PS MARIE JOSEE BONNE

Mersi Onorab. An Mars - le 18 Mars presizeman 2020. Mon ti ganny loportinite pou mwan oversee e *manage the Council for the Elderly* dan labsans son CEO. E pou sa rezon akoz mon'n ganny sa loportinite pou mwan vvar en pti pe *in-depth* ki mannyer keksoz ti ete. Ki bann travay ki ti ganny komanse osi, par *the ex-CEO*.

sa moman nou ti vvar ti annan sa BOT ti annan en Board e ti annan the NC Council li menm. Alors deza ti annan trwa antite ki ti pe regard *the functioning of the Homes for the Elderly*.

Selman nou, nou vvar ki ti annan en nesesite pou nou al en pti pe an deor. Pou nou vvar on the macro level ki nou pe fer pou nou bann dimoun aze. Ki bann travay ki pe ganny fer. Ki mannyer nou pe analiz. Ki pe arrive ek nou bann dimoun. Ni menm konnen ki kantite

dimoun, ki nou annan par distrik. Nou napa sa bann lenformasyon. E nou bezwen sa bann lenformasyon lo en baz pou nou kapab fer bann desizyon.

E ler nou'n vvar ki *Board* li menm, *the Board* ki ti ganny apwente an 2018 son bann fonksyonnan ti plito pe regard travay ki *CEO* pe fer. *It was the CEO herself who was doing* tou sa bann travay ki ti annan pou fer, pou *maintain the Homes*. E menm comes up avek bann standard, travay lo devlopman *the new strategic plan*.

Sa ti pe ganny fer internally dan council. Prezan ler ou regard, konmsi ler ou fer evalyasyon sa bann keksoz ki ti egziste nou ti vvar ki si, ti annan en nesesite pou nou arive fer en, en travay ki nou kapab dir pou nou annan en Council ki pli efektiv.

Ler Prezidan Ramkalawan ti anonse ki pou annan bann Boards ki ti pou ganny aboli. E sa ti enkli *the BNCE* i ti loportinite osi pou nou re aziste nou travay, nou organization chart, pou nou kapab fer ser ki nou, nou fer sir ki nou meet the demands of the elderly.

E prezan avek sa novo striktir ki pe vin an plas, nou pou bezwen profile nou bann elders, nou bezwen regarde ki

mannyer nou kapab ede pou gid bann travay, bann travayer anndan dan *Council* dan *headquarters*. E osi nou bezwen vwar ki mannyer nou *link* avek, nou bann *elders* dan kominote. Akoz nou konnen poudir, mon kapab dir ki nou popilasyon i pe vin *even aging population*. E nou, nou bezwen pran sa an kont akoz nou bezwen prepar pou nou prop demen. Mersi.

MR SPEAKER

Mersi. Onorab Hoareau. Ou pa ti demann, uh ti eskiz mwan. Wi Onorab Roucou.

HON MICHEL ROUCOU

Mersi Mr Chair. Bonzour Minis avek ou koleg PS. Minis eski zot kapab dir nou. Mon vwar poudir anba *building and infrastructure* zot Bidze in sorti 5 milyon pou desann 4 milyon. Konbyen bann *Homes* ki zot annan dan pei an zeneral enkli Praslin La Digue?

E eski zot annan en legzersis ki zot pou fer parey PS in dir oparavan pou zot konnen kantite bann dimoun aze zot annan par distrik ? E pou zot kapab konn en pti pe sityasyon nou bann dimoun aze ki sityasyon zot pe viv ladan, ki bann lasistans ki petet zot bezwen pou *improve* en pti pe

zot fason viv en pti pe li menm li? Mersi.

MR SPEAKER

Mersi. PS.

PS MARIE JOSEE BONNE

Nou annan an tou 9 *Homes*. Praslin i annan Grand Anse, La Digue i annan enn La Reunion, e larestan i isi Mahé.

Wi i annan en bann travay ki nou pe fer anver bann *Homes* pou vwar si zot an sekirite nou osi konmsi pe vwar ki mannyer pou pli byen zer bann *Homes* ed bann dimoun ki travay dan bann *Homes*.

An sa ki konsern dan kominote, mwan pase aktyelman nou ti konmans fer en travay i annan en dimoun ki'n donn son *letan pro bono*, pou ed nou pou nou kapab konmans en *profiling*.

Nou konnen i annan bokou *data sets* dan pei. Me selman nou, nou bezwen annan sa bann lenformasyon ki nou, nou pou bezwen ki konsern bann dimoun aze e nou'n konmans sa *profiling* mwan pase. E ki nou anvizaze fer etabli sa *database* ki mannyer nou kapab ganny en pli bon nide lekel sa bann dimoun, kote zot ete, ki kategori zot ladan, ki kantite latizann ki zot pe pran bann keksoz koumsa. Mersi.

MR SPEAKER

Mersi. Onorab Gill.

HON CHURCHILL GILL

Mersi Mr Chair. Bonzour Minis avek delegasyon. E en swe pou bann madam Baie Sainte Anne e Sesel osi. Mon premye kestyon, eski dan sa alokasyon R94mil, ki environ R10,000 par distrik pou sa 9 *Home*, eski sa i pou ase pou kapab fer renovasyon spesyalman lo *Home Grand Anse Praslin*? Akoz son leta i annan pa mal travay *maintenance* ki devret ganny fer.

Mon dezyenm kestyon si *PS* i kapab brefman donn nou petet pli 3 pli gran liny pou bann dimoun kalifye pou al dan *Home*. Akoz par egzanp dan *Home Praslin* nou annan 7 dimoun ki rezidan Mahé ki'n vin dan *Home*. Apre nou annan de pou Praslin. E sa *Home Praslin* li i pran zis 10 dimoun. Alors petet donn nou apepre 3 gran liny kriter, konmsi pou nou kler ki bann kwa ki bann fason zot pran bann desizyon? Mersi.

MR SPEAKER

Mersi Onorab. *PS.*

PS MARIE JOSEE BONNE

Onorab sa ki konsern bann kriter nou konnen enn primordyal se laz. Sa dimoun in bezwen ariv par lao larz retret. Selman nou konnen pou dir *there's always an exception to the rule*.

Dezyenmman ki nou kapab dir osi akoz ki i annan dimoun ki sorti Mahé ki dan *home Praslin* oubyen dan *Home Praslin*, oubyen dan *Home La Digue*.

Bann kriter i ti ganny zere par *the Board*. *The Board* ki ti deside zot ti asize, zot ti zwenn e zot ti deside lekel dimoun ki *meet their criteria*.

E la prezan nou pou bezwen travay lo en *standard operating procedures* ki ase akzeptab pou tou dimoun. Me akoz dimoun ti ganny anvoye Praslin e La Digue? I presizeman akoz ou annan en gran *waiting list*. E si ou koz avek en dimoun ki pare pou li deplase alors, sa deplasman i ganny fer.

E se pou sa rezon, akoz ou pou vvar ki i annan dimoun Mahé dan *homes La Digue* e dan *homes Praslin*.

E an sa ki konsern *maintenance of the Homes* nou annan en laliny pou nou kontinyen *upgrade* tou bann *Homes*. E nou ganny pa mal lasistans *benevole* avek serten

dimoun, serten lakonpannyen e i nou lespwar ki nou pou kontinyelman *upgrade* bann *Homes* otan ki nou kapab. Mersi bokou.

MR SPEAKER

Mersi. Ale klarifikasyon Onorab.

HON CHURCHILL GILL

Wi kestyon se si preznan Praslin i annan demann pou dimoun al dan *Home* vi ki la napa. Eski zot annan *plan (b)* ler tel sityasyon i arive, ki pou arive preznan ek sa dimoun Praslin li ki li preznan i pe bezwen *Home*?

MR SPEAKER

Ok mersi. PS.

PS MARIE JOSEE BONNE

Mon krwar nou bezwen regard keksoz dan son konteks. I depan a sa pwen, si i annan en dimoun ki en Pralinwa ki i *meet* a kriter pou li antre dan *Home* e fotespere nou annan en landrwa petet Mahé ki nou kapab deplas sa dimoun.

Me selman laranzman i ava ganny fer nou otan ki posib en dimoun i dan bezwen nou pa pou kit li deryer otan ki posib.

MR SPEAKER

Ok mersi. Onorab Mondon.

HON TERENCE MONDON

Mersi Mr Chair. Bonzour Minis avek ou delegasyon. Mon kestyon i adres size *Private Care Homes* mon anvi konnen a serten moman Gouvernman ti pou met later a dispozisyon bann dimoun ki anvi *build bann Home*. Kwa ki'n ganny fer, eski sa in ganny realize ? E ki sipor Minister pe donnent pou kapab permet sa arive?

Dezyenmman i annan en sant ki ti pou fer pou bann pou *Day Care* bann vye dimoun bann dimoun ale lazournen, kote nou ete avek sa proze?

E dan zot latab pou performans zot dir ki zot le ki *by* sa lannen 2021 75poursan bann *Home* i ganny bann fasilite adekwa?

Aprezan kwa sa bann fasilite ki nou pe koz lo la akoz zis 75poursan, ler nou pe koz fasilite apropriye pou bann vye dimoun akoz nou pe met en mezirman selman 75poursan? Mersi.

MR SPEAKER

Mersi Onorab. Minis wi.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon mon pou les *PS* reponn kestyon lo kote fasilite akoz 75poursan avek sa *respite*

daycare Gouvernman. Selman i annan *respite prive.* I annan ki'n vin ver mon latansyon ki pe demann sipor, kot nou'n garanti kot nou kapab pou nou kapab siport sa bann *Day Care Respite* pou fer. *Private Care Home* osi i annan.

I annan demann i annan dimoun ki i anvi fer, i annan dimoun ki i annan son later pou li prive, ki ti ava kontan fer. E nou pe regard avek bann lezot lazans parey *MLUH* nou pe fer e *PS* i annan en dimoun an partikilye, ki'n vini kot nou'n fini konmans anvoy mesaz partou kot *ASP* lezot landrwa, pou nou kapab fer sa Komite, pou kapab regarde ki mannyer nou ed sa bann dimoun ki anvi fer sa lo en baz prive.

Kot nou *welcome*, nou vreman kontan ki sa i pe ganny arive, e nou garanti poudir nou pou donn zot tou sipor posib, pou kapab tir sa bann *red tape* parey nou dir. E akoz sa bann dimoun lontan in anvi fer sa. Me selman parfwa *even* sa *private respite* par ganny en pake en difikilte. Par egzanp kot *Planning* pou kapab arive fer sa bann bezwen.

E mon repeete ankor ki i en filozofi i en diferan lapros nou'n pe vin avek, ki pa zis Gouvernman ki pou responsab lavi dimoun depi parey nou dir

an Anglais from cradle to grave. Nou le ki bann fanmir - sanmenm sa dan Departman Lafanmir ki nou travay avek sa bann fanmir regarde ki mannyer ou osi tou nou kapab moderniz.

E nou de Minis Rangasamy nou koze souvan, lo ki mannyer pou modernize pou regarde pou kapab fer ki bann dimoun prive i nou nobou kapab fer sa servis, pa zis en sel fason santralize me selman diferan fason. Mon ava les bann spesifik pou *PS Bonne* reponn. Mersi Mr Chair.

MR SPEAKER

Mersi. *PS.*

PS MARIE JOSEE BONNE

Mersi Minis. Mersi Mr Chair. Onorab sa ki konsern *the Private Care Homes* i annan bann standar ki'n ganny devlope, me *still* annan pou ganny enplimante. E nou pou bezwen revwar li osi dan konteks sa novo fason fer, avek sa novo divizyon. Nou bezwen revwar pou fer sir ki i apropriye *to meet the needs.*

I annan 4 bout later, ki'n ganny met a dispozisyon pou fer bann *Private Care Homes.* E travay ti'n ganny fer avek *SIB.* Me i domaz ki ti annan zis en dimoun ki ti en dimoun

aletranze, ki ti vin avek en keksoz ki i pa'n ganny aksepte e alors zot pou bezwen re *tender* ankor - konmsi pou sa 4 bout later ki Gouvernman ti'n met a dispozisyon. E sa i travay ki ganny fer avek Minister responsab pou Later.

Maison Trwazyenm-Az, i sa landrwa osi ki mon krwar ou ti pe tous lo la. Nou annan larzan anba CSR. Me sa konsep li menm nou bezwen revwar. Akoz i ti en konsep ki ti kout en bon pe milyon e nou, nou panse ki nou kapab arive fer en keksoz ki apropriye ki pli afordab ki mannyer nou ava annan en nou ava annan sa larzan dan CSR pou kapab travay lo sa.

Sa ki konsern nou bann KPIs pou bann *homes*. Bann lakwizin bezwen ganny aranze, i annan bann *cupboards* ki bezwen ganny aranze, bann *toilet* ki bezwen ganny sanze. I annan bann *water tanks* ki nou'n bezwen konmsi nou ti annan bann *water tanks* ki nou'n bezwen tir sa *water tanks* ki ti annan anler dan bann *plafon*, nou bezwen met bann *water tanks* deor.

I annan bann bout, bout travay e nou panse ki sa poursantaz ki nou'n mete la, i poursantaz ki nou pou nobou kapab reisi e fer sir ki nou bann

rezidan i dan plis konfor. Mersi.

MR SPEAKER

Mersi PS. Onorab Uranie.

HON ROCKY URANIE

Mersi Mr Speaker. Bonzour Mrs Bonne, bonzour Minis. Gouvernman presedan ti'n met lanfaz lo zanfan pou pran swen avek zot dimoun aze, e parey ou vvar Minis La Digue nou napa bokou dimoun aze dan *Home*. Akoz Digwa i fer sa tre byen.

Minis nou ti fer en vizit avek ou e Mrs Bonne La Digue, nou ti ganny sans vvar *Home for the Elderly*. Ou ti kapab vvar poudir landrwa i bezwen renovasyon e *maintenance*.

E mon pe get Bidze mon vvar ki dan '*current challenges*' zot in mete ki zot ti ganny en pe difikilte pou '*manage renovation of Homes*' ok ?

E mon vvar la ki Bidze in koupe, eski ek sa Bidze ki zot pe annan la La Digue pou annan renovasyon lo *Home for the Elderly* pou donn konfor nou bann dimoun aze? Mersi Mr Speaker.

MR SPEAKER

Mersi. PS.

PS MARIE JOSEE BONNE

Onorab mersi. Wi definitivman nou'n pas dan tou bann *homes* lafen lannen pase. nou'n pas dan bann *homes* nou'n fer evalyasyon bann travay ki annan pou fer lo bann *Homes* e *maximum* posib nou pou fer sa bann *maintenance*, sa bann renovasyon. Mersi.

MR SPEAKER

Mersi. Onorab Romain.

HON GEORGES ROMAIN

Mersi Mr Chair. Bonzour Minis avek ou lekip. Mwan mon kestyon Minis i vir lo kote Bidze ou vwar in koupe par en pti pe plis ki R1 milyon an mwens. An vi ki mon'n ganny sans vizit detrwa fwa La Retraite *Home*, La Retraite mon vwar i vreman pe byen ganny mentenir annan en zoli *landscape*.

Alors mon kestyon ki garanti pou bann lezot *Home* ki sa larzan ki'n ganny koupe byensir pou garanti pou ganny kontinyen byen ganny mentenir, pou sa bann dimoun kapab vin dan konfor? Sa i enn.

Mon dezyenm kestyon i menm laliny avek Onorab Mondon lo kote bann *Home* prive. Dan nou distrik Anse Etoile mon'n menm mon'n vizit en dimoun ki pe fer en proze en pe parey. E mon'n ganny sans

vizit li, mon'n vwar li in deboury en kantite vreman enpresyonnen. Me selman son sel problem i ti pe ganny en pti pe problem lo kote *License*. Apre menm i ti menm i ti dir mon menm Prezidan avan ti okouran *about* son proze. Menm mon krwar zot ti'n deza vin vizit li.

Alors mon pe demande si Minis i okouran *about* sa proze prive dan distrik Anse Etoile? Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mon krwar mon konnen Onorab ou kestyon si nou pe koz lo menm dimoun ki'n deza vin kot nou ; kot parey *PS* in dir i annan bann standar bann keksoz, nou bezwen travay avek li regarde ki mannyer nou kapab zwenn sa, pou nou kapab fer ki zot ganny *License* pou *operate*.

Si zot pa kalifye, nou pa pou kit zot, zis dir ou pa kalifye. Nou pou fer sir ki nou travay avek zot regarde ki mannyer nou ede met bann standar an plas.

E pou ou premye kestyon, mon krwar *PS* i ava azout en bout, me selman mon ti ava

kontan dir, ki ou konnen nou bann dimoun aze mon krwar taler letan Onorab Esparon in koz lo bann madanm, in remersye zot, mon krwar lafason osi ki nou kapab remersye zot tou, se par demann nou bann larestan dimoun ki kapab pou vin donn en koudmen, konsernan pou mentenir pou sa bann *Home*.

Ankor sa i en bann nouvo fason fer, ki dan lepase nou'n toultan mazinen ki sa fodre Gouvernman fer. Mon krwar poudir i annan en kantite nou bann dimoun lafason ki nou pe rode ki mannyer nou pou kontribye pozitivman dan lasosyete, sa i en fason. Ki petet a nivo distrik nou pe travay bokou avek *Local Government* pou fer sa zisteman. Bann dimoun ki annan bann lakonpannyen konstriksyon par egzant lo nivo distrik, regarde ki mannyer nou pou mobilize, ki mannyer nou fer. Mon'n deza mon krwar fer en konversasyon avek detrwa zot konsernen sa.

E pou nou kapab mobilize, pou nou kapab ede pou nou donn en koudmen, pou nou aranz nou bann *Home*. E mon krwar nou kapab fer e i annan en kantite osi, i annan bann lasosyasyon bann diferan groupman ki pe kommanse. E

mon ti al *launching* enn, ki zot ti deza fer lo detrwa lakaz mn krwar bor kote dan nor, e ki nou kapab ankouraze ki sa bann travay i ganny fer pou nou tou donn en koudmen dan nou pei, pou nou fer li amelyore. Mersi Mr Chair mon pa konnen si *PS Bonne* ti a kontan azoute.

MR SPEAKER

PS Bonne, wi.

PS MARIE JOSEE BONNE

Petet sa en pti keksoz Onorab Romain, nou sanse La Retraite nou annan the *Indian Association* ki adopte *Home La Retraite* e nou ankouraz lezot lasosyasyon e lezot dimoun fer parey.

MR SPEAKER

Mersi *PS.* Bon mon'n fer, mon'n fer lapliferans en pe pou bann dimoun ki ti'n lev lanmen dan premye sesyon, e in lev lanmen ankor pou fer sir ki personn pa tro kit ganny kit deryer. Prezan mon a kontinyen Onorab Lemiel.

HON SYLVIANNE LEMIEL

Mersi Mr Chair. Minis mwan mon konstate ki nou bann zanfan, nou merit pe pran ka avek nou bann dimoun aze. Olye anvoy zot dan en *Home* nou, nou merit pe pran swen

avek nou bann dimoun. Sa bann dimoun zot menm zot konman bann arsiv vivan zot, nou bezwen zot, e zot bezwen ganny pran byen swen avek.

Letan ki zot dan nou bann *Home* zot bezwen fer sir ki zot dan konfor, e zot pe viv dan dignite. Ler mon pe regard lo kote sityasyon bann *Home* - Anse Royale i enn parmi bann *Home* ki mon vwar i annan R2.8 milyon dan Bidze si mon pa tronpe ki konman en *Grant*.

Mon ti a kontan ganny en pti pe lesplikasyon lo la. Sa i plizoumwen pou *expansion of the Home*. So eski sa larzan i la ? Mon vwar li dan Bidze en *Grant* lekel ki pe donnent sa *Grant*?

E nou ti a kontan konnen osi ki kalite travay pe al ganny fer ek sa R2.8milyon Anse Royale?

Kot i konsern *management Home*, nou annan bann administrater avek bann *carers*. I annan pa mal problem ki pe pase dan sa bann *Home*, Anse Royale i enn parmi ki annan en pe problem dan *Home*. *Leadership* i merit ganny revwar i merit ganny regarde. Eski tou bann *Home* administrater mon vwar poudir i annan *training* ki ti ganny donnent, eski tou sa bann

administrater *Home* in ganny *training*?

Akoz lafason ki nou vwar bann sereten *Home* pe ganny *manage* ! I annan sa bann dimoun i mank sereten *leadership*, ok?

E osi nou ti a kontan konnen si *training* in ganny donnent a bann *carers* ki pe travay dan sa bann *Home*? Akoz zot osi nou santi ki zot merit *handle* nou bann dimoun aze en pti pe pli byen. Pou lemoman mon pa vreman tro satisfe. I annan de bout ki byen, me i annan de bout ki i bezwen ganny aranze. PS in koz lo *Board of Trustees* mon konpran PS ou'n dir pe al *phase-out Board of Trustees*? So si non i pa pe al *phase-out* mon vwar ou pe balans latet - si non ki vre fonksyon sa *Board of Trustees*? Akoz mwan mon konn *Board of Trustees* fonksyon ki zot ti pe fonksyonn anba la i nepli parey avan.

So ki vreman zot fonksyonn la? Akoz dan bann ka i annan zis en dimoun lo *Board* ki pe *run Board*. So ki vreman fonksyon sa *Board* ki parfwa i annan zis en dimoun lo la? Nou ti a kontan konnen prezant si i pe reste, ki fason ki ou pe mazin donn li en pti pe plis responsabilite?

E lo kote kontribisyon bann dimoun aze dan *Home*, bann dimoun aze dan *Home* i annan kontribisyon zot pe fet *Minister* - mon krwar i al ver zot manze bann keksoz koumsa. Mon ti a kontan konnen konbyen larzan sa bann dimoun pe kontribye *towards* zot manze? Apre.

MR SPEAKER

Be i bokou sa Onorab Lemié. Les li reponn en kou. Mersi. PS, Minis wi ou kapab konmanse.

MINISTER MARIE-CELINE ZIALOR

Wi mersi Mr Chair. Mersi Onorab pou bann kestyon. Mon ti zis anvi pran en pti bout avan ler *PS* i ekliersi lamazorite konsernen sirtou lo sa bann sif.

Sa 2.8milyon ki ou'n mansyonnen i en *Grant* sorti kot Gouvernman *L'Inde* e *PS* i a kapab eksplik en pti pe plis ankor lo la.

Lo kote *training, leadership* wi definitivman. Ou annan 100poursan rezon. Nou bezwen re regarde, pa zis Anse Royale i en pe partou e sa i en travay ki *PS Bonne* in konmans fer nou'n nobou kapab konmans regarde e *training* i pou for lo azanda. E apre osi tou, nou bezwen anmenn bann

ou annan rezon bann dimoun ki en pe pli klarifye pou nou kapab elev nivo, konsernan sa.

E zis avan ler *PS* i reponn mon ti a kontan zis dir, Konsey bann Dimoun aze i pa zis pou *Home*. Konsey bann Dimoun aze i - en kantite bann dimoun aze osi tou ki zot in deza vin vwar nou, ki i annan zot prop lorganizasyon ki zot vreman, vreman aktiv, zot anvi fer en kantite keksoz ankor dan lasosyete. Nou annan en popilasyon ki pe vyei parey nou bann lenformasyon in montre.

E zot sa bann aktivite ekonomik ki nou krwar zot kapab zwe en rol ladan, nou krwar apre sa i ava kapab ede osi pou kontribye bann *home*.

Par egzanp nou kapab fer bann Korperativ bann dimoun aze dan bann distrik, akoz zot annan zot savwar fer ki zot konn fer. Ler en dimoun i pran retreat 63an, mon krwar ziska 80an akoz ki mannyer revolisyon in arive dan lasante. Bann dimoun i viv pou en pe letan e zot viv e zot ankor for.

E zot kapab kontribye. Mon krwar sa Konsey osi pe fer plas pou sa tou, i pa zis pou *Home*. E mon dakor avek ou poudir nou bann zanfan i bezwen - zot bezwen fer sa en pe pli byen ed nou bann dimoun.

E apre osi bann dimoun ki vin dan *Home* de fwa, akoz zot tousel dan lakour i annan en kantite ki Gouvernman Lokal pe fourni nou avek en pe lenformasyon, zot tousel dan lakour e en kantite fwa zot vin dan *Home* akoz zot anvi avek zot bann zanmi. Zot anvi vwar lezot dimoun ki akoz letan ou reste aktiv i anpes ou i retard *Alzheimer's* i retard *dementia* ensidswit kot zot lasante.

So nou bezwen petet kekfwa nou pe koz en bon pe lo *Home*. Mon ti anvi zis fer pase ki sa osi i pou annan bann programm pou bann larestan dimoun ki kapab, e osi ki kapab kontribye zot menm parey nou fer lazences pou lazences par lazences. Bann dimoun aze osi zot konnen pli byen zot osi zot kapab donn en pti koudmen. La preznan mon ti a envit *PS Bonne* pou donn en pe plis lenformasyon lo konsernan bann nimero bann *figures* ki ou'n demande. Mersi Mr Chair.

MR SPEAKER

Mersi *PS*.

PS MARIE JOSEE BONNE

Mersi Chair. Mersi Onorab i annan 2 *Homes* kot nou dir nou annan *central kitchens*, enn i Anse Royale enn i Grand Anse Praslin. Alors dan sa bann

central kitchen, sa bann *carers* zot bezwen *provide breakfast, lunch and dinner*.

R1600 i ganny tire lo zot pansyon pou kouver tou zot bann bezwen *nutrition*. An sa ki konsern administrater, nou konnen poudir i annan pa mal administrater ki oparavan ti bann *carers*.

Prezan parey ou dir e parey Minis in osi ranforsi, i annan en bann *training* ki pe bezwen ganny fer, pou kapab ed nou bann administrater pou zot vin bann dimoun ki kale, ki i annan sa respe e ki osi respekte lezot.

E annou pa blyie ki ler en rezidan i vin dan *Home* i sipoze en dimoun endepandan. E nou'n vwar poudir i annan de rezidan ki'n ki ti endepandan ler i ti antre e ki preznan son bezwen in fer li vin depandan. E nou ankor en pa mal dimoun konmsi ki tonm dan sa kategori e i pe ogmante. E tousala i bann keksoz ki nou bezwen pran kont, akoz nou pou bezwen *train* nou bann dimoun pou kapab fer fas avek realite ozordi. E petet nou bezwen revwar osi ki mannyer nou pou *cope* avek bann rezidan ler zot vin depandan e pa neseserman vwar North East Point konmans sa *outcome*. Mersi.

MR SPEAKER

Mersi. Lesplikasyon Onorab Lemiel ?

HON SYLVANNE LEMIEL

Non mon santi ki i annan kestyon ki Minis in *refer* avek PS i pa'n reponn.

MR SPEAKER

Ale zis mansyonnen lekel.

HON SYLVANNE LEMIEL

Lo kote ki eggakteman dan sa proze pou *entail*, dan sa R2.8 milyon? E apre leklersisman Mr Chair, R1600 bann dimoun Anse Royale pe kontribye sak zot i annan 10 zot, ok R1600 par mwan.

Lekel ki *manage* sa larzan? Lekel ki pe anmas sa larzan, lekel ki pe *manage* sa larzan lekel ki pe *manage* li e ki zot pe rann kont?

Apre Anse Royale i en *Home* mon'n demann ou lo *Board of Trustees*, akoz ler mon'n demann ou ou'n sekwe latet ou'n dir mon non, si pe fermen.

Anse Royale i en *Home* ki son *Board* ti annan li *over* R100 mil. Ozordi i pe ganny dir ki larzan pe al ganny transfer dan *Consolidated Fund*. Eski i *fair* ki i annan serten *Home* ki kekfwa i napa preski ditou enn i annan ki mannyer i pou marse

prezan? Akoz sa i kontribisyon sa bann dimoun sa ! Mersi Mr Chair.

MR SPEAKER

Byen Onorab. *PS.*

PS MARIE JOSEE BONNE

Ok konsernan *BOT*, parey mon'n dir ler novo Lalwa ti vin an fors, an 2018. Nou'n vwar nou avek 3 diferan antite. Ti Anna sa *BOT* ki li i ti en group volonter i pe fer son travay volonter. I annan *the Board* ki ti ganny apwente par Prezidan e i annan *the Council*. Ok ? Ti annan sa 3 antite. *The BOT* zot ti pe *manage* sa larzan. Be larzan i larzan ki'n ganny akimile *over the years*. Anse Royale wi i annan 100mil, Plaisance i annan 300mil, en lot i kapab annan *minus*.

Prezan ler nou pe dir ki sa group ki volonter e ki ler nou'n fer nou pa'n *investigation* - parey ou'n dir i annan pa mal kekfwa zis en dimoun, en dimoun kekfwa ki i annan 80an, ki pa pe kapab ni menm desann pou al kot labank, nou vwar poudir i ti neseser. E nou'n fer bann diskisyon avek Finans osi tou, nou ti vwar i pli appropriye pou nou annan en *Suspense Account*. I pa pou al dan *Consolidated Fund*, i pou en *Suspense Account* i pou

ganny servi pou benefis tou rezidan, nenport kan ki zot ti antre dan *Homes* ler pou annan bezwen e nou pou bezwen vwar, nou pou bezwen devlop nou Polisi ki mannyer sa pou ganny servi e nou bezwen ganny gidans avek Minister Finans osi.

Apre travay pou Ans e Royale, ti priyorte pou fer sa agrandisman Anse Royale, akoz i annan teritwar. Me nou ti bezwen met English River konman priyorte akoz miray ti pe tonbe.

Alors la i annan larzan pou Anse Royale, e pou konmans fer bann travay me *obviously* i pou bezwen Minister Later ki gid nou dan son fason fer. Mersi.

MR SPEAKER

Mersi. Mon okouran ki i annan serten aktivite ki'n ganny programmen, e ki bann Manm Madanm i bezwen partisip ladan ant la avek lezer.

Me selman an menm tan mon remarke ki menm delegasyon ki avek nou la, pou revini apre midi zot lo programm pou apre midi.

Alors sa ki mon pe propoze mon pou donn ankor 30 minit pou sak Bidze apre midi dan premye sesyon, e PS Thesee i a note poudir sa premye sesyon

nou a pran osi *National Council pou the Disabled*, me sa de lezot i a vin apre dan dernyen sesyon. PS i ok sa? Mersi. Alor nou a adjourn la e nou a repran 2er.

(BREAK)

NATIONAL COUNCIL FOR THE ELDERLY (cont)

MR SPEAKER

Nou a repran lo Bidze *National Council for the Elderly*. Onorab Monthy.

HON PHILIP MONTHY

Mersi Mr Speaker. Mon kestyon sete plizoumwen lo bann prosedir e kriter ki annan pou deside si pou annan *Home for the Elderly* dan en distrik oubyen non?

So mon ti a kontan konnen parey dan mon distrik Cascade i napa enn. E me selman ptitapti ler mon pe marse dan distrik, mon vwar poudir i annan en demann.

Donk mon ti a kontan demann Minis ki bann prosedir e ki bann kriter ki annan an plas ki deside, si i pou annan en *Home of the Elderly* dan en distrik oubyen non? Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Mon ava refer sa kestyon avek *PS Bonne silvouple*. Mersi.

MR SPEAKER

Mersi. *PS*.

PS MARIE JOSEE BONNE

Mersi Mr Chair. Mersi Onorab. An sa ki konsern kriter pou annan en *Home* dan en *particular location*. Sa i pou tou i pou determinen par sa bezwen ; koumsa ki'n ganny fer dan lepase e koumsa ki i ava ganny fer a lavenir.

Nou le fer sa *profiling* presizeman pou regarde, si i pou annan nesesite pou nou re aziste nou plan travay an sa ki konsern bann dimoun aze. Mersi.

MR SPEAKER

Onorab Esparon.

HON REGINA ESPARON

Mersi Mr Chair. Mr Chair dan *mandate* mon vvar poudir *Council for the Elderly* i pe okip 9 existing *Home for the Elderly*.

E mon panse ki *Regional Home for the Elderly North East Point Hospital* i pa tonm parmi sa 9. Mon pe panse sa i pa tonm parmi sa 9 ki zot okipe.

Si non, petet mon ava demande ki *PS* i repann mon si wi oubyen non, apre mon a kontinyen avek lot kestyon.

MR SPEAKER

Ale wi *PS* wi.

PS MARIE JOSEE BONNE

Non i pa tonm dan nou manda.

HON REGINA ESPARON

Ok mersi. Me mon lot kestyon se ki sipor ki i *Regional Home* annan dan sa Bidze pou bann *elderly patient* ki trouve dan for the *Elderly*? Akoz zot bann *elderly* ki anrezistre. Konmsi zot bann vye dimoun dan Sesel.

Me an vi ki zot pa pe tonm anba sa *Council* ki sipor ki i annan dan sa Bidze pou zot? E eski *Council for the Elderly* i annan en *oversight* lo kwa ki pase laba kot *Regional Home for the Elderly Lopital North East Point*? Parske i annan en kantite keksoz ki pase laba.

Anvi zot en *Council* pou tou *elderly*, eski sa pa tonm dan zot ziridiksyon?

Dezyenmman, *PS* boner ou'n enform nou ki ti annan en *CEO*, me selman ou pa'n dir nou si i ankor la, me dapre konpran i pa la. Eski i ankor annan sa pos *CEO for elderly*? Mersi.

MR SPEAKER

Mersi, PS oubyen Minis. Ale PS.

PS MARIE JOSEE BONNE

Mersi Onorab. An sa ki konsern *budgetary support* i pou pirman sa 9 *Homes*. *Oversight* lo North East Point sa i pa tonm avek nou i tonm avek Minister Lasante. Akoz *Homes for the Elderly* i baze dan sa landrwa kot i annan sa 3 diferan eleman *the Homes for those with mental disabilities*, i annan *the hospice* e i annan lopital. E preznan bann dimoun aze zot in antre osi, akoz i pli fasil pou zot ganny sa sipor medikal si i annan nesesite.

E parey in ganny dir - konmsi nou, nou sey promouvwar ki nou bann dimoun aze, i reste plito dan zot landrwa kot lakour *maximum* posib.

E bann sipor medikal ki zot bezwen, i ganny donne par Minister Lasante dan nou bann *Homes* nou napa provizyon vreman pou nou pran konsiderasyon bann dimoun ki *dependent*. Me selman parey mon'n dir oparavan, i en keksoz ki nou pou bezwen revwar akoz nou pe vwar ki bokou nou bann rezidan deplizanpli zot pe vin pli depandan. Mersi.

MR SPEAKER

Mersi. Minis wi.

MINISTER MARIE-CELINE ZIALOR

Mersi Mr Chair. Bonn apre midi e mersi pou ou kestyon Onorab. Mon krwar i annan enn ki *CEO* in blyie reponn *PS sorry*, pou lo kote *CEO*.

Selman avan ler i pran sa mon ti a kontan zis dir poudir, mon tann konsern Onorab Esparon, e dapre manda ou annan rezon wi, nou merit annan kolaborasyon plis avek Minister Lasante, pou fer sir ki byennet tou dimoun aze dan Sesel pe enport kote ou été, pou nou kapab donn en koudmen nou osi, pou nou kapab fer okenn amelyorasyon kot nou kapab fer.

Mon ava envit *PS* in blyie pran sa kestyon konsernen *CEO*. Mersi.

MR SPEAKER

Mersi. PS.

PS MARIE JOSEE BONNE

Depi Mars lannen pase *CEO* i ti pe bezwen rezon personnel i ti pe bezwen retourn *Australie*. Nou'n bezwen fer fas avek *COVID-19* e *unfortunately* i pa ankor nobou retourn dan pei.

Me la nou'n bezwen pran en desizyon ki nou pou *recruit* en Direkter Zeneral pou *Elderly*

and Disabled e sa dimoun li i ava take on board the functions of the Council for the Elderly.

MR SPEAKER

Wi Onorab Esparon.

HON REGINA ESPARON

Mersi Mr Chair. Mr Chair kekfwa en kestyon ki mon kapab demann ek PS, eski sa madanm ki ti CEO ki'n al depi Mars lannen pas,e eski i ankor lo zot *payroll* silvouple, wi oubyen non? Mersi.

MR SPEAKER

PS.

PS MARIE JOSEE BONNE

In sorti lo *payroll*. Me mon kapab dir ki mon'n ganny en vreman en gran *insight into the Council for the Elderly*, akoz mwan ki'n sa dimoun ki'n bezwen pran responsabilite, pou *manage and lead the Council for the Elderly* pandan sa letan. Mersi.

MR SPEAKER

Mersi Onorab Vidot.

HON AUDREY VIDOT

Mersi Mr Chairman. Mr Chairman permet mon avan mon demann mon kestyon mon profite la apre midi konman nou pe tous nou bann pou

Konsey pou bann *Elderly*, pou mon swet tou bann madanm Roche Caiman, spesyalman nou bann dimoun aze en bonn fet Madanm akoz zot bann parmi bann pilye nou sisyete ozordi.

Bon mon kestyon pou *panel*, Bidze Konsey parey in dir depi bomaten, in desann par en milyon. Esiki *panel* i kapab asir nou Lasamble ki dan sa koupir dan Bidze pa pou afekte bann stratezi, ki zot in site dan Bidze ? E parmi sa bann stratezi zot in mansyonnaen ki konsey pe devlop e enplimant bann regilasyon pou elev sa standar e sipor soutyen, nou bann dimoun aze. Alors esiki sa pe amplifie travay ki Gouvernman pe fer byensir pou elev nivo standar ki nou bann *carer* i donn nou bann dimoun aze ? E la mon pa pe koz zis lo baz rezyonal parey bomaten ti pe ganny ranforsi dan nou bann *Home*. Me osi pou bann ki pe donn sa servis nou bann dimoun aze kot lakour.

Minis ou'n mon annan serten lensertitid anver letan nou koz lo Bidze bann don enternasyonal. Mon dir sa bann Bidze petet , akoz de pase Gouvernman *L'Inde* in ofer ankor bann sipor.

Me nou'n vwar poudir in annan bann difikilte kot

Gouvernman in kapab enplimant serten bann proze ki zot resevwar sa bann don.

Alors eski ou pe asir nou ki Gouvernman in nobou kapab revwar nouvo Gouvernman in revwar en pti pe bann defi, ki permet zot asir nou ki bann don ki nou pou gannyen i pou vreman kapab enplimant sa bann proze ki zot pe prozekte pou fer?

E pou terminen mon napa en kestyon, me plito pou *panel* note pou soumet avek Lasanble bann lenformasyon ki kredib, byensir pou demanti serten komanter - e la mon mazin Onorab Henrie bomaten ler in fer son in demann son premye kestyon, akoz i annan bokou dimoun an deor pa pe krwar sa bann komanter, ki nou bann Manm pe fer spesyalman sorti kot Onorab Henrie. Mersi.

MR SPEAKER

Mersi wi Onorab Henrie.

HON GERVAIS HENRIE

Mr Speaker i fer dezyenm remark ki Lopozisyon vizavi kestyon ki mon'n demande, e mon krwar i zis *fair* ki mon ganny en sans pou mon reponn sa. Akoz lenformasyon ki mon'n demande zot kapab al regard zot kapab al regard rezolisyon, rezolisyon *Cabinet*,

Cabinet Minis an Oktob 2020, ti pran sa desizyon ki dezormen tou bann dimoun ki reste dan bann *Elderly Homes* pou arete peye bann *utilities contribution*.

E akoz ti Oktob 2020? I ti en desizyon akoz eleksyon pe vini. Premyerman. Dezyenmman Mr Speaker mon ti a kontan ...

(Interruption)

MR SPEAKER

Wait, wait silvouple.

HON GERVAIS HENRIE

Konman en Manm Lasanble.

MR SPEAKER

Silvouple, silvouple Onorab Henrie, mon krwar ou kapab dir mon krwar i ti akoz eleksyon pe vini ... I en *statement* politik.

HON GERVAIS HENRIE

Mon krwar akoz eleksyon ti pe vini. Dezyenmman Mr Speaker akoz sa bann size, ki nou pe koz lo la zisteman mon ti ava fer en propozisyon ki *FPAC*, i fer li son devwar e al regard dan sa size *Elderly Home* partikilyerman larzan ki bann *Board of Trustees* ti pe *manage!* Mon *challenge* *FPAC* pou al fer sa travay! Mersi.

MR SPEAKER

Mersi ok. Silvouple nou pa pou al ankor lo size lo size sa ki Onorab Henrie in dir.

HON AUDREY VIDOT

Non Mr Speaker mon le zis en leklersisman.

(Interruption)

MR SPEAKER

Eskiz mwan ? Ekout mwan en kou ! Mon'n dir Onorab Henrie si i fer sa kalite *statement*, i bezwen dir ‘mwan mon krwar sa ti akoz eleksyon pe vini.’ I napa okenn laprev kategori ti akoz. Me i en lopinyon politik i annan drwa annan, se tou. *Ok?* Alor Onorab Vidot ou a tenir sa an kont e ou a sey evite pou nou prolongz sa diskisyon akoz i pa pe anmenn nou lwen. Mersi. Yes?

HON AUDREY VIDOT

Zis en pti leklersisman Mr Speaker. Mon ti le zis demann respe pou Onorab Henrie pou li kapab les Minis reponn mon kestyion. Mersi.

MR SPEAKER

Wi ok mersi. Nou a pas kot panel.

HON SEBASTIEN PILLAY

(Off-Mic)

Mr Speaker, mon annan en *point of order*.

MR SPEAKER

Wi Onorab Pillay.

HON SEBASTIEN PILLAY

Mersi Mr Speaker. Mr Speaker mwan depi ler ou'n donn ou *ruling*, mon pe swiv *ruling* mon pe swiv *Standing Orders à la lettre*.

MR SPEAKER

Wi.

HON SEBASTIEN PILLAY

Ok si en Manm i fer en *statement* i pa kapab *substantiate*, parey letan nou pe get anba *Order 36* i dir nou, *ok* sa Manm li i bezwen konnen avan i fer sa *statement* ki pou annan en reaksyon. So mon pa vwar *grounds* ki en Manm prezan ler in fer en *statement* ki pa kapab *substantiate*, ki si en Manm i kestyonn li lo la *as* en Manm i annan drwa pou fer sa bann *Standing Orders*, ki ou bezwen donn li permision pou li koze. Si i le fer sa i ava fer en *personal explanation* parey *Standing Orders* i byen. Si non, nou pou al dan dezord Mr Speaker.

MR SPEAKER

Mersi, les mon dir mon pou permet sa kalite *statement* si dimoun i fer kler i pe fer li konman son lopinyon, *ok*? E mon a demann bann Manm pou rapel sa ler zot fer sa kalite *statement*, *ok*? Kot nou'n arive la? *Panel* nou'n arriv avek zot *PS These* ou anvi komanter.

PS DAMIEN THESE

Bonn apre midi Mr Speaker tou Manm Onorab. Petet pou klarifye sa diskisyon. Lo nou kote Minister Finans, nou ti antre dan sa sityasyon ler nou ti aprann ki ti annan en *case of misappropriation* dan enn bann *Elderly Homes*. E osi nou ti aprann ki *Cabinet* ti'n donn en desizyon pou bann rezidan bann lakaz aret pey zot kontribisyon. So sa ti ganny deside lannen pase.

E nou ti entervenir ler nou ti pe aprann ti annan en *special* en ka spesifik kot en *Elderly Home* ti annan *misappropriation of funds*. So nou ti bezwen entervenir pou nou demann sispansyon sa kordinater, e nou, ti antre pou ganny bann dokiman. So sa i anba nou lenvestigasyon.

So parey *PS* Bonne osi in dir nou'n konmans travay avek *the Elderly Council* osi pou nou revwar tou sa bann fason ki sa

bann *Elderly Homes* pe ganny zere. Akoz avan ti pe ganny zere dan en kont komersyal.

E i annan bokou ki sa bann kont ki par zour. E nou annan ka osi ki i annan bann administrater ki refize donn bann dokiman avek *Elderly Council* ler i ganny demande, kot nou osi nou entervenir nou'n osi met *ACCS in the picture* ler i annan bann ka koumsa pou ganny zot *advice* ki zot pou fer.

So le desizyon ki'n ganny pran, se ki tou sa bann kont pou ganny pran anba Trezor, savedir pou ouver en kont spesifik pou tousala. Lentansyon osi se ki tou sa bann dimoun ki pe reste dan sa bann *Elderly Home* i bezwen rekonmans kontribye. Pou zot servi ki zot pe gannyen dan *Elderly Home*. Par egzamp si i annan elektrisite delo e si i annan okenn aktivite ki zot pe ki pe ganny fer. Me selman bezwen ganny fer dan en fason organize konpare avek avan kot ti paret ti napa bann bon zeson avek sa bann *funds*. Mersi.

MR SPEAKER

Mersi *PS*. Nou a retourne kot *panel* pou reponn kestyon Onorab Vidot. Wi Minis.

MINISTER MARIE-CELINE ZIALOR

Mersi Mr Chair, mersi Onorab pou ou bann kestyon. Lamazorite mon krwar *PS Bonne* i kapab reponn. Selman lo sa kote si Bidze, pa krwar sa koupir dan Bidze pa pou afekte stratezi ek sa bann regilasyon? Non? Mon konfidan poudir pou dir non parey mon'n dir nou kapab eksplor bann diferan fason, pou kapab fer keksoz mars en pti pe pli byen. E parey ki *PS Thesee* in eksplike, i enn parmi sa bann fason fer stratezi, pou annan en pti pe plis kontrol pou nou kapab fer sa.

E ou kestyon lo kote lensertitud pou enplimant bann proze, bann donasyon ki ganny resevwar. Vwala akoz rezon ki nou pe fer restriktirasyon pou nou kapab. Akoz regilasyon pou nou kapab fer sir ki Konsey i kapab *regulate*.

I kapab osi pa zis pe *manage oversee* kekfwa keksoz ki zot pa sipoze fer, be ki zot kapab parey taler Onorab Esparon in dir, regard bann lezot landrwa byennet tou bann *elderly*. E si i annan okenn *Grant* okenn fon, okenn donasyon, ki lenplimantasyon. Nou'n koz bokou lenplimantasyon ki kapab ganny fer, e i pou annan bann

dan striktir en kantite mezir lenpak, pou regarde eski nou pe *achieve* sa bann lobzektif ? E anmezir si nou vwar poudir i pa pe marse, pou nou kapab sanz bann stratezi. E mon ava pas laparol avek *PS Bonne* si i annan okenn keksoz pou azoute. Mersi.

MR SPEAKER

Mersi. *PS.*

PS MARIE JOSEE BONNE

Mon krwar Minis in reponn preski tou kestyon Onorab si mon pa tronpe, korek?

MR SPEAKER

Mersi. Nou a pas lo Onorab Labonte.

HON ANDY LABONTE

Mersi Mr Chair. Bonn apre midi ankor enn fwa *panel*. Minis avek ou delegasyon premyerman mon bann premye kestyon ti baze lo seksyon 4 nou *Budget Book*, kot *SIT* mon'n vwar poudir i annan sa lokasyon enn en milyon 415 mil ki'n ganny mete pou bann an reparasyon pou ou konstriksyon bann *Elderly Home*.

E mon'n tann nou nonm English River, e mon swete ki English River i enkli ladan, e ki sa konstriksyon ki'n konmanse

lannen pase i kapab kontinyen e fini, lo sa 5 blok ki akoz i annan bokou dimoun ki pe espere.

E mon premye kestyon i plizoumwen lo paz nimero 2 ‘other uses of goods and services.’ Kot security and enforcement mon’n vwar in met 2milyon 483mil. Apre pli ba ankor anba kot ‘capital outlay’ kot acquisition of CCTV’ mon vwar avan ti zero, la mon’n vwar in met 300mil petet ou kapab eksplike ki diferans akoz ki i annan sa tou lede servis ki pe ganny donnен.

Apre elabor en pe lo sa ki Onorab Esparon in dir. Vi ki enn zot manda se ki get, get an zeneral dimoun trwazyenm-az. E English River nou annan en gran kominate dimoun aze, parey zot kapab konnen mon a pran sa gran loportinite osi, vi ki ozordi lazournen bann madanm, e madanm pli aze dan Sesel i trouve dan mon distrik Mrs Nancy Marie, mon ti a kontan swet li en bonn zournen ozordi.

(APPLAUSE)

HON ANDY LABONTE

E son fanmir ki a kapab kontinyen pran ka avek li. E mon annan bokou lezot santener ankor dan mon

distrik. Mon krwar dan mon distrik i annan pli bokou santener.

Bon alor mon ti a kontan demande si nou Komite ki in annan en Komite Trwazyenm-az dan distrik. Me selman sa bann dimoun ler mon’n koz avek Mrs Gerry i paret mwan ki zot pa vreman ganny sipor ankadre. Petet ki ankadreman i annan anba sa Bidze pou zot?

Apre an pasan vi ki mon tann Onorab mon krwar Lemiel si mon pa tronpe, in koz en pe lo plizoumwen leadership i annan en madanm, Mrs Pierre ki zot ti met li an deor an malapropo. Petet zot kapab konsider li petet pou sa pozisyon ki mon’n tann dir ki CEO, Direkter or what’s so ever. Petet zot kapab konsider li?

Me selman de lot kote mon ti a kontan osi remersi Liza Cadeau nou Administrater Distrik *Elderly Home* ki pe fer en bon travay, avek Direkter Mr Vincent Germain ki pe fer en bon travay lo kote *Elderly Home*. Mersi.

MR SPEAKER

Mersi Onorab. Minis PS. Wi Minis.

MINISTER MARIE-CELINE ZIALOR

Mersi Mr Chair, mersi Onorab pou ou kestyon. Mon a pran enn apre PS Bonne i ava donn bann detay konsernan sekirite CCTV e reparasyon lo *Home*.

Pou sa kestyon Trwazyenm-Az Komite, eski in fer provizyon dan Bidze? I pa defini egzakteman par egzanp pou bann programm ek bann servis, pou spesifikman bann diferan regroupman ouswa NGO.

Nou a pe ankouraz zot me selman parey mon ti pe fer en lapel bomaten, nou anvi ki bann trwazyenm-az zot i annan i annan ki'n vini i annan enn ki'n vini avek son programm zot annan programm, ki zot annan lotosifizans ki zot kapab *self-efficiently* 63an mon pe dir ziska 80 en pe an montan, zot ase for.

E nou pou ankouraz bann diferan konparativ, avek kolaborasyon lezot Minister pou ki zot kapab zot menm zener zot pli zot fason finansman, pou zot kapab fer bann aktivite. E ansanm avek bann larestan kous popilasyon, ki a montre zenerozite atraver sa popilasyon bann *elderly*. Mersi mon envit PS Bonne pou pran bann detay.

MR SPEAKER

PS wi.

PS MARIE JOSEE BONNE

Mersi Chair, mersi Minis, mersi Onorab. An sa ki konsern sekirite, sekirite nou'n bezwen sanz bann *security services* ki nou ti pe servi.

An sa ki konsern *CCTV cameras*, depi lannen pase nou ti vvar en nesesite pou nou annan plis sekirite pou nou bann dimoun aze, e nou ti fer demann for the *CCTV cameras* e nou'n byen apresye ki sa lannen Minister Finans pe donn nou sa larzan.

Akoz i annan pa mal keksoz ki pe arive dan bann *Homes* ki ou bezwen 10 lizye pou ou kapab vvar ki pe arive. Mon krwar bann ki annan *Homes* dan son distrik i konnen en pe bann keksoz ki arive dan bann *Homes*.

An sa ki konsern renovasyon English River, in preski fini konplete, ki mannyer byento ou ava ganny ou bann nouveau units, e renovasyon lo bann lezot *Homes* ki nou'n nou pe anvizaze parey Anse Royale i osi pou arive sa lannen.

An sa ki konsern konsider Ms Pierre pou sa post. Sa post in ganny *advertise* depi semenn pase. Ms Pierre i kapab fer aplikasyon e i ava ganny konsidere parey bann lezot dimoun ki pou *apply*.

Mon krwar ki nou vreman sanse ki nou annan bann zenn ki pare pou pran larelev parey Liza ek Vincent.

E mon byen kontan konmsi ki ou'n met latansyon ki nou annan sa bann manrmay ki devotee ki zot in fer zot letid, zot devotee e zot pe donn tou pou sa kous nou popilasyon.

E ki nou ti a voudre osi arive fer se etabli parey nou dir *Friends of Home*. Kot i annan bann *Homes* dan bann distrik, nou anvizaze ki nou ava devlop sa konsep. Akoz parey mon'n dir i annan bann konsiltasyon ki'n ganny fer, e prezan i zis en kestyon ki nou ava rod fason konmsi pou met li an aplikasyon. Mersi.

MR SPEAKER

Mersi PS. Onorab Loizeau.

HON NORBERT LOIZEAU

Mersi Mr Speaker. Bonzour Minis ek PS. Mr Speaker mon ti annan 6 kestyon tou in ganny demande, selman mon annan en kestyon enportan mon bezwen demande.

Bel Air nou napa *Home for the Elderly*. Mon kontan akoz nou dimoun Bel Air nou okip nou bann vye dimoun, nou pa pran pou met dan *Home*, selman ler i mor apre nou vin rod son byen.

Mon kestyon alors Minis mon anvi demann ou, *panel* si dan sa Bidze la i annan en pti mwenza pou zot servi, pou fer bann programm bann programm edikasyonnel kot pou edik bann dimoun dan popilasyon valer fanmir, pou ki zot ava pran swen avek zot fanmir olye met dan *Home* apre ki ler in mor zot al lager byen sa bann dimoun. Mersi.

MR SPEAKER

Mersi. Minis PS wi.

PS MARIE JOSEE BONNE

Ler mon ti vini pou koz lo Departman Lafanmir nou ti dir ki i annan 3 divizyon ;- enn sa bann divizyon i pou annan konsantrasyon, lo *programmes*.

Alors *rest assured* ki sa i ava ganny pran an konsiderasyon. Mersi.

MR SPEAKER

Mersi Onorab Bistoquet.

HON ROSIE BISTOQUET

Mersi bokou Mr Chair. Bonzour bonn apre midi Mr Chair. Bonn apre midi Minis ek ou delegasyon. E bonn fet tou bann madanm Sesel ozordi.

Mon ti annan detrwa pti kestyon, me selman i annan ki'n fini preski ganny pran enn mon pou al lo 'salaries' lo

programme 2 wages and salaries,’ pou Home Care mon vwar son lakantite i sitan o mon ti a kontan konnen konbyen staff zot annan laba?

Dezyenm, i annan sa *performance indicators* ki zot pe servi pou *table 4* ki dir ‘percentage of home with adequate facilities’ e letan mon get sa latab tou sa bann *indicators* i par lao 70%. Me selman la dan sa diskisyon bomaten ki nou’n tandé - i annan en ta problem maintenance, napa isi, napa laba, dan bann *home well* bann *Elderly Homes*.

So akoz ki mon pou demande ki kalite model *assessment tool*, ki zot in servi pou zot kapab mezir sa bann *indicators*, ki tousala i par lao 70poursan, me selman an realite i pa li?

Lot ki mon ti pou demande, i annan mon vwar zot anba zot *challenges*, i annan ‘*inability to identify the risk level of elders into the community.*’

Sa ki mon pe demande eski *the Council* i annan en *mapping strategy* ouswa en *mapping framework*, pou bann *elderlies?* Akoz si ou pa konn zot problem ki mannyer ou pou kapab donn zot ki mannyer ou pou kapab fer sir ki zot *needs* i ganny *meet*, akoz zot

napa? Akoz nou konnen Sesel i ptipti tou dimoun i konn tou dimoun.

The other thing ki mon ti a kontan demande, se ki ler mon pa konnen si i annan sa *assessment*, ki apel *Barthel, Barthel assessment* pou bann *elderlies* sirtou bann *home-based*, si *Council* i annan okenn rol pou zwe ladan? E si wi eski zot pe panse pou zot reviz sa *assessment tool?*

An menm tan lekel ki annan *final* - si wi lekel ki annan *final* lotorizasyon, dek ki sa *tool* in ganny fer ki’n ganny *process* anvoy kot *elderly* ouswa kot *which ever agencies* ?

MR SPEAKER

Onorab annou pran sa bann kestyon, akoz ou’n demann plizer la.

HON ROSIE BISTOQUET

I reste zis de Mr Speaker. Ptipti sa de.

MR SPEAKER

De i bokou.

HON ROSIE BISTOQUET

Non par egzanp anba *clothing* zot annan ‘*protective clothing*’ dan *COVID* zot annan zis 2000, 2000 mon pe rode akoz? Apre 46% mon pe gete R46,000 mon gete pou depanse lo *home carer*

pou fer *training*. Mon konpran i annan dimoun ki dan *civil servants* osi ki pe donn koudmen, me selman zot ganny peye anba la. Mersi Mr Speaker.

MR SPEAKER

Mersi. PS ou annan en lalis la.

PS MARIE JOSEE BONNE

Mersi Onorab. An sa ki konsern saler, nou annan nou 14 *full-time staff members*. Nou annan kot *Headquarter*. E nou annan bann administrater.

Nou osi ganny siporte par *carers*. An sa ki konsern ler ou'n demann konmsi ki mannyer nou pe idantifye bann dimoun *their risk level* eksitera. bann ki lo konmsi bann ki nou konnen ki dan nou *homes* i fasil pou nou konnen. Nou kapab met zot dan nou *high risk* nou *low risk or low risk high, medium risk*.

Me sanmenm i rezon ki akoz ki nou le fer sa *profiling*, ler nou fer sa *profiling* nou ava ganny en pli bon sityasyon pou nou konnen dan konteks lakominote ki bann risk factors pe afekte nou bann *elders*.

An sa ki konsern *Barthel*, *Barthel* i en *tool* ki ti ganny zere par Departman Lasante. E in ganny servi pou fer sa, sa evalyasyon an *whether* sa en

dimoun ou i bezwen ganny en *carer* oubyen non. E sa i ganny fer pou Lazans Proteksyon Sosyal ki sa *paying agent*. Alors nou konman Departman Lafanmir konman *Council for the Elderly*, non nou napa en *say in the Barthel Index*.

Mon krwar mon'n ant an sa ki konsern '*protecting clothing*' bann rezidans zot ti sipoze aste zot bann lekipman zot menm. Be nou, nou ganny nou bezwen konmsi *provide* pou nou bann travayer, si i pou en nesesite pou nou *vire* nou a bezwen *vire*.

Me nou osi ganny en bon pe sipor ki nou ganny bann donasyon, ki pe ed nou pou fer sir ki nou annan bann lekipman adekwat. Ziska la nou pe kapab nou pe kapab *cope* avek sa ki nou annan. E parey mon'n dir bann rezidan zot sipoze aste pou zot, zot menm. Me selman zot osi zot ganny bann donasyon. Mon krwar sa i tou Onorab.

MR SPEAKER

Training i dir.

HON ROSIE BISTOQUET

Training pou bann *carer* lekel ki asiste ki *support training*?

PS MARIE JOSEE BONNE

Ok ti annan training ki ti konmanse 2an pase. Ti annan training ti konmanse ki Lasante e Servis Sosyal ti pe konmans donn bann training carers.

Be sa i bann keksoz ki nou pou bezwen regarde ki mannyer nou pou fer li. E nou, nou anvi ki dan nou bann *Homes for the Elderly*, ki nou travay pros avek bann dimoun Lasante, pou nou kapab donn sa pli bon swen posib. Pou bann sirtou pou bann dimoun ki pli *dependent*. Mersi.

MR SPEAKER

Mersi, mon krwar fodre pran en vot lo la, lo sa Bidze? Onorab Pillay wi dir mon ou'n lev lanmen e nou'n dir mon a donn sa de *Leaders* dernyen parol. Ale Onorab Pillay. Mon a les ou demann ou kestyon.

Well ok, alright ki si i annan en kantite dimoun ki ankor anvi demann zot kestyon sel keksoz si zot krwar zot kestyon i enportan pou sa Bidze, mon vwar Onorab William pe balans latet, alor mon ava ale ankor ziska 3er e apre nou a koup lo en *items* sifo.

Selman nou bezwen terminen en ler en. E i annan plizyer zot ki'n lev lanmen tar. Onorab Pillay oule atann pou demann ou kestyon.

HON SEBASTIEN PILLAY

Mr Chairman mwan mon ti pe al propoz sanmenm avek ou, akoz mon pa oule ganny vwar konman mwan mon pe ganny sans demann kestyon. Mon krwar sa size i en size ki pertinan, e sansib pou en kantite Manm i annan Manm i annan *Homes* dan zot distrik. Annou zis *extend* sa parey ou'n fer mon sipoze sa mezir ki nou kapab donn bann Manm loportinite demann zot kestyon. Mersi.

MR SPEAKER

Wi me selman mon ti ava demann zot pa fer en gran *speech*, pa fer en gran soz demann zot kestyon si i annan oubyen fer en pti *statement and that's it, ok?* Mersi. Ale Onorab Pillay, wi.

HON SEBASTIEN PILLAY

Mersi Mr Chairman. Mr Chairman mon annan detrwa kestyon ase *straight forward* pou Minis premyerman ;- enn, an relasyon avek Bidze ki nou annan ki nou pe gannyen *in term of rollout* pou bann vaksinasyon, eski nou bann dimoun dan *Home* pe ganny vaksinen? Prenon kont sityasyon *COVID* kot i ete. E eski ou'n ganny okenn sipor

bidzeter pou akseler vaksinasyon dan *Home*?

Dezyenmman an se ki konsern bann *provision of CCTV cameras*, eski ou kapab donn nou en garanti ki sa bann tou sa bann *expression of interest* ki ganny donnen from bann *service providers* i ganny fer atraver bann *tenders* e bann prosedir *procurement* i ganny swiv?

E trwazyenm kestyon tre senp pou Minister Finans in toulstan en konsern ler bann antite i konmans *set-up* bann *Suspense Account*, eski Minister Finans i kapab gid Minis lo ki mannyer nou pou asir *monitoring*?

E nou pou asir kontrol lo sa ki pase an se ki konsern sa *Suspense Account*? Mersi Mr Chairman.

MR SPEAKER

Mersi. PS.

PS MARIE JOSEE BONNE

Ok, an sa ki konsern vaksinasyon dan bann *Homes*, nou ti fer laranzman avek Departman Lasante, pou bann ki pa ti kapab desann, pou al kot zot *Health Centre* nou ti fer laranzman ki Departman Lasante ti vin kot *Homes*. E preski tou nou bann rezidan bann ki'n anvi tou in ganny

vaccinated e bann travayer osi tou zot in fini ganny zot vaksinasyon. At least premye doz.

CCTV cameras ti swiv bann ti swiv konmsi bann lord *procurement*, avan ki nou'n tonm lo sa dimoun ki ti sipoze fer the *installation provide the equipment*. In swiv sa bann *procurement procedures* e i annan en dimoun ki'n fini ganny idantifye. Konmsi i annan en lorganizasyon, ki pare pou donn tou e fer *installation* pou sa pri. E sa i pli pri rezonnab ki nou ti nobou gannyen pou tou sa 9 *Homes*. Akoz ti'n fer bann evalyasyon, zot in al fer bann vizit apre ki nou ti pou bezwen met kot *Procurement*.

An sa ki konsern the *Suspense Account* ma les PS arive, me selman mon krwar for the *financial management* i pli apropiye ki i reste avek Finans.

MR SPEAKER

PS Thesee.

PS DAMIEN THESEE

Mersi Mr Chair. An se ki konsern *Suspense Account*, ordinerman nou pa promote, in touzour ganny servi dan lepase dan bann Minister i annan son bann *unspent fund at the end of the year* pou li bring forward ki

zot sa tay towards *Suspense Account*.

Me dan sa sirkonstans i bann larzan ki pe ganny *derived* dan en fason. E i pa pou antre dan *Consolidated Fund* i ganny rikorde konman en reveni. So la nou ouver sa *Suspense Account* ki son term dan nou *chart of account* i *actually ‘trading and operating accounts,’* akoz i pou sorti avek sa bann manm dan sa bann *Elderly Homes*, apre i antre dan sa kont. E sa Minister ordinerman i responsab pou kit *track of son of son accounts.* Tou le mwan i sipoze fer son rekonsilyasyon. E i fer li pli transparan. Akoz Oditer Zeneral osi i ganny akse avek pou li kapab odit sa bann kont, ki pli difisil la ler i dan kont komersyal. Mersi.

MR SPEAKER

Mersi. Wi si ou kapab terminen wi.

HON SEBASTIEN PILLAY

Mersi Mr Chairman. Mr Chairman de pwen ;- enn nou ti a kontan ganny bann lenformasyon *regarding* lekel bann lakonpannyen ki pe fer *provide service for Homes of the Elderly* pou met bann *cameras?* zis pou nou verifye avek

Procurement si tou bann prosedir in ganny swiv.

Dezyenmman Mr Chairman, an se ki konsern sa *Suspense Account* mon krwar Gouvernman i bezwen pran konsyans ki sa i sorti lo larzan ki sa bann dimoun gannyen *out of* zot Sekirite Sosyal. E Sekirite Sosyal i *entitlement.* I en benefis anba Lalwa.

So sa larzan teknikman i pou sa bann endividé, so mon ava *impress* lo Gouvernman pou nou rod en fason - si dan lepase nou pa’n kapab fer li, be *going forward*, pou nou fer sir poudir sak endividé ki i annan larzan ladan, si sa dimoun i le repran son larzan *that’s another thing.* Me selman pou nou *sort out* sa size akoz i serye. *From* en perspektiv legal pou mwan mon vwar li i annan serten konsern ladan. Mersi Mr Chairman.

MR SPEAKER

Mersi. PS wi.

PS MARIE JOSEE BONNE

An tou ka nou, nou pe revwar en pe an sa ki konsern ki kalite kontribisyón, ki nou krwar rezidan i devret i devret fer. Me selman nou ankor pe travay lo sa avek Minister Finans, apre nou ava konsilte avek bann rezidan zot menm.

E nou ava vwar ki kalite *body* nou met an plas, pou fer sir ki zot osi zot konnen ki pe arive. E annan plis transparans dan ki mannyer larzan i pe ganny servi, ki pa leka la a se moman.

MR SPEAKER

Ok mersi. Onorab Porice.

HON DOYACE PORICE

Mersi Mr Speaker. Bonn apre midi a tous. Minis mon'n tann zot nonm program, apre mon vwar sa bann *Council* pe tonm anba Lafanmir. Ki pou arive avek sa bann lasosyasyon ki pe ganny zere anba *Local Government*? E si sa i pou annan en lyezon avek sa *Council* anba lafanmir ? Mersi.

MR SPEAKER

Mersi. Minis wi.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Definitivman wi vwala akoz nou pe fer bokou kolaborasyon avek Departman Gouvernman Lokal, pou nou kapab fer sa bann sinerzi, fer sa bann kolaborasyon mars bokou pli byen. Mersi Mr Chair.

MR SPEAKER

Mersi. Onorab Gabriel.

HON CONRAD GABRIEL

Mersi Mr Chair. Mon *welcome panel*. Kestyon pertinan la i sa larzan *Trustee Board of Trustees*. Tar lannen pase mon ti vizit mon bann zabitan Pointe Larue, *Old Peoples Home*. Zot ti eksprim pou ganny en stati relizyez *some sort like* en Lagrot, *you know*. Vi ki nou dan pandemik la sa bann dimoun zot en pe relizyez. So nou ti pe ede atraver *private investors* pou ed zot. An menm tan ti pou ganny en pe larzan ki'n akimile dan sa *Board of Trustees*, pou nou kapab ed zot etablir en stati pou zot.

So mon pe demande dan sirkonstans kot zot pe fer *Suspense Account*, eski i pou posib pou nou antre dan negosyasyon pou nou kapab finaliz sa proze pou zot? Se sa zot swe la deor.

Apre an pasan mon pe get dan ou 'office expenses,' elektrisite in monte sorti 431 mil pou 600mil e delo osi in sorti 150 mil pou arriv 250mil. Nou kapab ganny en pti pe leksplikasyon silvouple? Mersi.

MR SPEAKER

Mersi. PS.

PS MARIE JOSEE BONNE

An sa ki konsern proze ki ou'n deza pe an diskisyon avek bann rezidan Pointe Larue, nou ava pran sa an konsiderasyon nou ava regard li konmsi dan konteks nou *action plan* pou sa lannen. Akoz si i en keksoz ki rezidan i anvi, alors nou fer tou nou mye pou fer sir ki zot gannyen.

An sa ki konsern ogmantasyon elektrisite ek delo, mon krwar nou tou nou'n fer fas avek ogmantasyon. E nou'n vvar ki osi serten nou bann rezidan i anmenn zot prop *washing machine*, zot anmenn zot *microwave* e lezot *gadgets* elektrik ki nou pe vreman konmsi dir nou bezwen vvar ki nou ki mannyer konmsi nou pou revwar sa sityasyon.

E sa i kapab anliny osi avek en *token* ki nou a bezwen demann zot kekfwa pou peye, akoz nou pe vvar sa logmantasyon, akoz zot pli egzinan avek zot bann bezwen. Mersi.

MR SPEAKER

Tre byen. Onorab William. I ou dernyen lo mon lalis orizinal apre mon annan de ankor ki'n lev lanmen pli tar. Onorab.

HON WAVEN WILLIAM

Mersi Mr Chairman. Bonn apre midi Minis avek ou lekip. Mr

Chairman mon ti a kontan demann Minis an relasyon avek lartik 16 nou Konstitisyon ki Lartik 36 ki koz lo '*dignity* avek *the right of the age and the disabled.*'

Mon anvi demann Minis, mon konnen ou novo, me ler mon pe regard *back into history* sa Konsey i egziste mon krwar pou 24an. E letan mon pe regard zot manda. Minis eski ou'n ganny sans pas lo bann rikord? Akoz letan mon pe regard zot manda aktyelman la, eski ou lentansyon revwar sa manda dan konzanktir devlopman *socioeconomic* kot nou'n arive ozordi ?

E dezyenmman mon en pti pe vvar li drol ki fason ki bann lenformasyon konsernan bann trwazyenm-az dan distrik endividiyel, zot ankor pe mon kapab dir pe rod lenformasyon.

E la ler mon pe get anba zot '*major achievements*,' mon pe gete anba '*current challenges*' mon pe vvar poudir, zot pa ankor vreman kapab annan en nide kwa vreman ki bann *care* ki bann trwazyenm-az zot bezwen o nivo distrik. E zot kontinyen par dir ki zot pe al *regularize* sa bann kalite aktivite.

Me selman mon pe demann mon lekor be tou sa letan konmsi, ki ti pe arive dan

sa pei vizavi nou bann trwazyenm-az ?

E prezan pa zis sa Mr Chairman. Ler mon fer tour dorizon dan mon distrik mon vwar en bon pe bann dimoun ozordi ki'n kit travay, ki i annan bon ledikasyon, ki mon santi avek problemm *socioeconomic* ozordi, sa bann dimoun pa pe ganny servi ouswa kot zot pa pe ganny idantifye. Me selman bann Konstitisyon nou rekonnet tou dimoun.

Dernyerman Mr Chairman, si ou permet mon. Minis letan nou pe koz sa *collaborative* fason travay la, par lefe la ki reveni sa bann endividé pe ganny koupe par 30poursan, ki zot pou anmenn avek zot aepre en R4000 ekek dan sa 5800 ki zot ti sipoze gannyen.

Ki travay an kolaborasyon zot pou al fer pou fer sir ki bann ki vreman pe tonm anba sa *safety net* i ganny anmase ? Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. En kantite sa bann sa 3 kestyon en pe ladan mon mazinen PS i ava azout

bann bout, ki i annan pou fer avek restriksyon. *I mean - sorry*, restriktirasyon, ki pou ganny fer pou adres sa bann mankman ki ou a pe koz lo la.

E enn bann rezon akoz Konsey prezan in deside pou met li en divizyon anba Departman Lafanmir, pou ki sa bann keksoz i a kapab ganny enplimante.

E lo kote sa dernyen kestyon, en fason se ki ou konnen ankor mon pe kontinyen repete ki novo fason ganny finansman, i pa neseserman toulstan fodre sorti dan Bidze Gouvernman.

E ou'n dir ou menm poudir letan ou'n pase ou'n vwar bann dimoun ki kapab kantite kapasite. E nou pou ankouraz zot. Nou dan sa Bidze i en Konsey i pou regularize apre i siporte. I siport bann endividé, ouswa group. E i annan en bon pe zot. Ki pou vin devan pou zot ed zot lekor pou zot fer keksoz konstriktiv. Nou pou siport zot.

Vwala bann keksoz bann fason fer kolaborativ nou a pe koz lo la, ki si parey ou'n mansyonnen an zeneral i annan 30poursan rediksyon dan saler, pou kapab konpliment sa 30poursan rediksyon, nou bann dimoun zot kapab ed zot lekor.

Fodre pa ki nou krwar zot pa kapab. Zot kapab annan en kantite kapasite nou, nou bezwen atrap zot lanmen siport zot rode ki mannyer nou nobou kapab fer sa. E mon'n mansyonnen taler an Korporativ bann dimoun aze sa i enn bann keksoz dan bann distrik ki nou ti ava voudre ankouraze, pou ki nou bann dimoun i kapab fer sa. E mon krwar PS i ava annan en pe keksoz pou li azoute. Mersi.

MR SPEAKER

Mersi wi PS.

PS MARIE JOSEE BONNE

Ok mersi Onorab. Petet ki mon kapab dir, se ki bann rezidan zot annan en twa par lao zot latet. En keksoz ki i kapab ti annan dan lepase ki ti pa konnen ki bor pou ale. Ler zot vvar zot bann pros i met zot deor.

Me la zot annan sa *Home for the Elderly*, i annan en rekour pou serten. I pa pou tou, me pou serten. E ki bann keksoz ki mon kapab dir depi ler ki *Council for the Elderly* 2018 in ganny met an fors? Nou'n vvar ki i annan sa *helpline* ki'n ganny met an plas.

Sa *helpline* in ed nou pou nou kapab *provide* en *landscape*. i annan bokou

dimoun ki *call* sa *helpline* nou nobou kapab idantifye en *landscape* ki bann dimoun pe pas ladan partou dan Sesel.

E nou pou servi sa konmsi sa bann lenformasyon pou ed nou pou devlop nou bann stratezi, pou nou kapab asir byennet nou bann dimoun aze dan lakominote ;- kantmenm ki nou, nou pa konmsi *Council for the Elderly* la aktyelman li i pa responsab pou lakominote. Me nou antre avek bann ki responsab, pou nou kapab donn en koudmen pou nou tou kapab travay anver en sel bi. Mersi Onorab.

MR SPEAKER

Mersi. Onorab Woodcock.

HON WAVEL WOODCOCK

Mersi Mr Speaker. Minis briyevman mon kestyon i kot i konsern *Elderly Home Grand Anse Praslin*. Pa bokou letan pase ou ti fer en vizit laba avek en delegasyon.

E ti annan koze pou fer en pe renovasyon lo sa batiman. E osi pou get dan posibilite pou agrandi sa facilite pou met ankor detrwa lasanm pou deservi plis, bann *elderly* lo Praslin.

Alor mon kestyon i eski sa i en keksoz ki zot pou pran an konsiderasyon dan lefitir, e kan

zot anvizaze fer sa *refurbishment* e osi pou azout extra lasanm? Mersi bokou.

MR SPEAKER

Mersi. PS.

PS MARIE JOSEE BONNE

Mersi Onorab. Wi renovasyon pou kontinyen. Kot i posib pou nou azoute, i annan serten *homes* ki ankor annan landrwa ki nou kapab azoute. Wi nou pou azoute. E otan ki posib nou pou fer sir ki nou bann dimoun aze dan bann *Homes* zot reste dan bann landrwa ki konvenab, konfortab e ki zot lavi i pa an risk. Mersi.

MR SPEAKER

Mersi. Onorab Labrosse.

HON RICHARD LABROSSE

Bonn apre midi Mr Speaker. Bonn apre midi *panel*. Mr Speaker, mon annan en kestyon konsernan PS mon krwar nou ti'n deza koz lo sa avan. Ki *actually* mon ti ganny enformen ek bann zabitant dan *Home Plaisance* ki Gouvernman sortan ti demann zot pret en lokasyon en sonm larzan, pou finans en aktivite avek.

Mon anvi konnen si dan sa Bidze ki nou pe al vote la, i annan sa *refund* pou sa *Home Elderly*? Si non kan ki sa bann

zabitant pou reganny zot *refund back*? Thank you very much.

MR SPEAKER

Mersi Onorab. PS.

PS MARIE JOSEE BONNE

Onorab petet ou ti ava dir mon ki sa aktivite ki ou pe koz lo la silvouple.

HON RICHARD LABROSSE

Actually nou ti aprann ki Gouvernman avan ti finans en aktivite Nasyonal pou bann lezot *elderly* ki pa reste Plaisance, en aktivite nasyonal.

E nou osi nou ti vvar sa en pti pe drol ki Gouvernman pe vin rod pret larzan kot en *Home Elderly*. E la mon ti a kontan si PS ti kapab dir nou si sa i en pratik ki normal dan Gouvernman osi? Mersi.

MR SPEAKER

Wi PS.

PS MARIE JOSEE BONNE

Sanmenm mon konmsi mon ti a kontan klarite lo ki sa aktivite, akoz i annan plizyer aktivite ki nou'n fer.

(Interruption)

MR SPEAKER

Ale silvouple en pe lord.

HON RICHARD LABROSSE

Mr Speaker, mwan mon krwar PS i okouran sa ki nou pe dir lo la, mon pa konnen akoz ozordi pe akoz mon'n deza koz avek Direkter Zeneral kot *Home*, ki ti dir mwan in met dan ou latansyon.

Me selman si ou pe dir mon ou pa okouran kot aktivite, ou pa a reponn la nou ava anvoy *email* kot tou bann Manm nou ava konnen ou ava reponn nou lo la. Mersi Mr Speaker.

MR SPEAKER

PS eski ou annan okenn keksoz pou azoute ? Mon krwar PS in dir i pa tro siny lekel aktivite nou pe fer referans avek, si ou kapab ed li, ed li si non nou bezwen aksepte son repons. Yes PS.

PS MARIE JOSEE BONNE

Sanmenm mon parey mon'n dir, i annan plizyer aktivite ki'n ganny fer dan bann *Homes* ki nou anmenn dimoun ansanm.

Alors e ou pe dir ki i en aktivite ki Gouvernman in sponsor. Sanmenm konmsi ki mon le en klarite lo egzakteman ki sa aktivite pou mwan kapab reponn. Mersi.

MR SPEAKER

Ou annan okenn klarifikasiyon ?

HON RICHARD LABROSSE

Mr Speaker mon ava zis met sa dan en konteni en pti pe pli fasil pou PS. Mon ti a kontan dir avek zis klarifye avek nou si *Home Plaisance* dan lannen pase, eski i annan en larzan dan zot fon ki'n ganny sorti pou al dan okenn par *ok*, pa met aktivite ladan, si i annan wi si non dir nou non? Mersi.

MR SPEAKER

Mersi. PS.

PS MARIE JOSEE BONNE

Mon bezwen konmsi zis met li dan konteks. Ler ki nou'n fer sa bann aktivite ki nou regard tou sa bann *BOTs* *ok* wi i annan serten *BOTs* ki annan plis larzan ki lezot.

E si i annan en nesesite, ki en *BOTi* donn sipor en lot, alors sa i ganny fer, me i ganny fer an konsiltasyon avek sa *BOT* li menm. Sanmenm sa ki i bon ki nou konnen byen menm. *Plaisance* wi i annan pa mal larzan dan son *BOT* be sanmenm sa ki i nobou kapab ed lezot ki napa.

MR SPEAKER

Minis wi.

MINISTER MARIE-CELINE ZIALOR

Mersi Mr Chair. Mon krwar petet pou nou kapab konklir sa zafer, mon ti ava sizere si Onorab i aksepte atraver ou Mr Chair, ki nou ava al rod sa lenformasyon lenvestigasyon regarde kote larzan ti sorti ;- si ti sorti nou ava bezwen vwar, kot Konsey. Apre nou ava kapab donn sa lenformasyon. Mersi Mr Chair.

MR SPEAKER

Mon krwar sa i agreab. Onorab mon krwar ou bezwen pran sa konman en bon solisyon. Mersi. Ok nou'n arriv a lafen e nou a vot lo Bidze k i ti devan nou Bidze *for National Council for the Elderly* lo paz 250 ziska 253, pou en total R13milyon 170.

Manm ki an faver lev lanmen silvouple? Mersi. Okenn ki kont? Bidze nou a ganny silans silvouple. Bidze pou *National Council for the Elderly* lo paz 250 ziska 253 pou en total R13 milyon 170 in ganny 31 vot pour 0 vot kont, e en abstansyon en abstansyon. Alor Bidze in aprouve par Lasanble. Mersi bokou.

NATIONAL COUNCIL FOR THE DISABLED

E mon krwar pou *next item panel* i reste parey. Minis Zialor, PS These, Mrs Coopoosamy, Mrs Bonne e Mrs Pool. Wi ok alor nou a konmans avek *National Council for the Disabled* ki lo paz 254 ziska 258 pou en Bidze R2milyon 709 mil. Silvouple tenir en pti moman, parske mon bezwen regard byen. Manrman ankor enn fwa *full House*.

Mon'n ariv kot Onorab Loizeau la. Ok Onorab Roucou osi ok. Wi, wi byen mon krwar sa osi en long lalis so, me nou a fer en konmansman. Minis ou a fer lentrodiksyon pou Bidze *please*.

MINISTER MARIE-CELINE ZIALOR

Mersi Mr Chair. Kout brefman akoz pou donn sans tou dimoun ki'n lev lanmen pou kapab demann zot kestyon. I en Bidze ki nou a pe demande pou *National Assembly approve* 2.7 milyon.

I en rediksyon pa tro bokou konpare avek Bidze lannen pase. E ankor sa Konsey zis pou fer lasanble met okouran ki en Konsey osi ki pe ganny abzorbe anba Departman Lafanmir. E son manda pou kalite lavi pou

improve kalite lavi nou bann dimoun ki dan parol Onorab Zialor ‘otreman kapab. ‘

E la osi bann restriktirasyon ki pe ganny fer pou fer ki i annan en pe mankman - pa mal mankman avek lenplimantasyon sa lobzektif ki fodre nou travay vreman, vreman for pou nou kapab redres li, avek led tou bann dimoun ki responsab. Mersi Mr Chair.

MR SPEAKER

Mersi. Alor kan tou dimoun on lev ansanm mon bezwen zis pran en pe dan lord kot mon balans en pe enn kote isi enn kote laba. Mon ava konmans avek Onorab Hoareau.

HON JOHN HOAREAU

Mersi Mr Chair. Mr Chair mon kestyon I baze lo enn zot ‘*major achievement*.’ Se zot in dir ki zot in kapab fer en *data bank* lo bann *disabled*. Mon ti a kontan konnen si zot annan lenformasyon lo konbyen bann *disabled*, ki zot in kapab plas dan bann travay pandan lannen pase?

E mon dezyenm kestyon i baze lo *programme number 2* kot en program ki zot sipoze ede avek *vocational training* pou bann dezabilite. Mon ti a kontan konnen si sa *service*

oubyen sa *program*, si dan sa Bidze i annan larzan pou *extend* sa programm en pe lo Praslin e La Digue, pou fer ki i annan plis enklizivite avek promot *independent living* avek bann dimoun ki otreman kapab. Mersi.

MR SPEAKER

Mersi. Minis i a konmanse.

MINISTER MARIE-CELINE ZIALOR

Wi mersi Mr Chair, mersi Onorab pou ou kestyon. Mon pou reponn sa enn dernyen lo kote VTC10 *Vocational Training* nou pe al konmans bann diskisyon avek Minister Ledikasyon, pou nou kapab al re regard net sa *Vocational Training*.

E definitivman, definitivman pou *extend* lo bann zil. Nou konnen poudir i annan pa mal travay pou fer lo la. E lo kestyon numero 1 pou *database* mon ava les PS Bonne reponn a kestyon Mr Chair. Mersi.

MR SPEAKER

Mersi. Mon a pran Onorab Philip Arissol. A *sorry* PS ou annan keksoz pou azoute wi ?

PS MARIE JOSEE BONNE

Wi zis en pti pwen pou azoute. Konsernen *database*, nou nou'n vwar li neseser pou nou fer sa *profiling* pou nou travay lo en *database*. Akoz mon osi tou ler mon'n ganny dir ki sa pe vin anba mwan mon pe rod sa *database* ki mon pa ankor vwar. Mersi.

MR SPEAKER

Tre byen. Wi ale Onorab Hoareau.

HON JOHN HOAREAU

Wi mon ti a kontan knownen si zot annan lenformasyon lo kantite dimoun zot in kapab met dan travay silvouple?

MR SPEAKER

Mersi. PS.

PS MARIE JOSEE BONNE

Mon napa sa lenformasyon me mon a kapab rode. Mersi.

MR SPEAKER

Mersi. Onorab Philip Arissol.

HON PHILIP ARISSOL

Mersi Mr Chair. Bonn apre midi tou dimoun. Minis anliny avek zot manda baze lo prensip pou amelyor kalite lavi bann dimoun ki 'otreman kapab' e baze lo prensip egalite loportinite, Minis i annan bann zenn ki 'otreman kapab' ki ti a

voudre lans dan en proze ou en biznes, me sa *allowance* ki zot gannyen, i pa permet zot pou fer sa, zot pa kapab garanti en *loan* avek labank.

Eski Minis i kapab dir Lasamble, si zot annan okenn plan ou stratezi pou fer ki kapab sa bann dimoun i kapab ganny asiste avek en *loan* labank, pou zot kapab realiz zot proze ouswa zot biznes ? Mersi.

MR SPEAKER

Mersi. Wi Minis.

MINISTER MARIE-CELINE ZIALOR

Mersi Mr Chair. Mersi Onorab. Tre bon sizesyon. Definitivman i bann programm parey. Selman programm antase par zis donn zot *loan* koumsa menm, atase avek en programm ki byen definir ;- labaz parey mon kontan dir *community base*, pa fer li nasyonal akoz i perdi en pti git son lenpak pou lo baz kominoter pou fer.

E mwan mon an faver sirtou akoz mon'n fer en bon pe travay dan sa domenn, pou fer Korperativ plito avek bann dimoun aze.

E petet i annan pa nou napa en kantite lenformasyon me selman mon'n koze avek *Chairperson* Konsey pou petet repas lo kestyion ki Onorab

Hoareau in demande. Nou annan e mon konnen sa ti en ka Praslin ki nou ti vwar kot i annan dimoun i ganny plase dan travay, apre zot ganny en kantite difikilte - pa mal difikilte. Avek bann dimoun zot ganny detrwa ka labi tou ki'n ganny rapporte, e bann ka kot zot travay zot pa ganny peye.

So nou ti pe mazinen akoz i annan en model *La Reunion* ki'n ver a mon latansyon, kot bann dezabilite sa kantite keksoz bann otreman kapab bann biznes ki zot fer zot menm. E nou ti ava kontan regard bann model pou nou kapab nou osi vin sa ki ou'n dir la pou nou kapab enplimante. Mersi Mr Chair.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chair. Bonn apre midi tou dimoun. Mr Chair dabor avan mon antre dan kestyon ki mon sipoze PS Finans ouswa PS Bonne i kapab ekliersi mwan en pti pe.

Mon pozisyon en pti pe ozordi lo sa bann Bidze e dabor mon'n vot Bidze oparavan mon'n *abstain*. I senpleman akoz nou'n ganny dir ki nou pe degrosi Gouvernman.

Par kont anba sa portfolyo mon vwar ki en kantite sa ki nou ti apel bann *non-core services* ki dan nou bann travay ki nou'n fer oparavan, avek lasistans avek gidans *World Bank*, bann *non-core service* nou ti tire dan bann Departman Minister.

E mon rapel dan sizyem Lasanble Onorab Ferrari ozordi Minis Ferrari, sak fwa Lalwa ti vin devan Lasanble ti mark Minis ladan ti fer en ta tapaz la pe donn pouvwar Minis, pe donn pouvwar isi, pe donn pouvwar laba !'

So mwan mon *query* atraver PS Finans ouswa atraver PS Bonne, eski sa ki zot pe fer la i pa pe *go against* sa travay kot nou tir *non-core* dan bann departman publik?

Eski sa i en Polisi *Government-wide going forward* ouswa i zis anba sa portfolyo PS Finans mon krwar i a kapab eksplik mon en [pti pe si en *Government-wide Policy*.

Apre direkteman lo sa Bidze *programme 2 vocational training*. Ki bann *training* ki zot pe ofer anba sa eski dan restriktirasyon i annan nouvo *training* ki zot pe propoze? Pou ki nou a kapab vwar sa kategori sa ki nou apel ankor nou refer lo Onorab Zialor sa ki nou apel bann dimoun 'otreman kapab.'

Zot kapab vwar zot en pti pe pli enklisiv dan lasosyete an term dan bann landrwa travay, an term loportinite pou zot petet *set-up* biznes pou zot ganny bann novo loportinite dan lasosyete. So ki zot pe ofer ki zot pe propoze pou ofer dan lefitir ? Mersi bokou.

MR SPEAKER

Mersi. Wi PS Thesee ou konmanse.

PS DAMIEN THESEE

Mersi Mr Chair annefe i annan en pe letan la ki nou pe reviz sa Polisi *Non-Core* e depi ler nou ti an 2010 mon krwar nou'n enplimant li defayans. E par egzanp detrwa lannen pase nou'n retourne bann *maintenance staff* ki ti pe ganny *outsource* sorti zis lo zot '*goods and services' budget* pou re anploy zot.

So i annan bann travay ki pe ganny fer par egzanp sa lannen osi avek *NSC maintenance staff* pou Gouvernman re anploy zot. Akoz kantmenm ti ganny fer ti ganny fer pa neseserman dan en fason byen.

Ti ganny dir zot, zot pou ganny *outsource*, solman tou keksoz i reste parey. Prezan nou'n vwar bann *sort of malez administratif* ki'n vin avek sa,

zot *still* ganny bann menm *entitlement*, zot ganny konze, zot ganny *Thirteenth Month* si i annan en *increase* nasyonal zot osi gannyen ki pa vreman swiv en Polisi *Outsourcing* kot nou'n tir sa bann *non-core*.

So nou zis la anba en lot klasifikasyon. So pou fer keksoz senp nou rekonnnet ki sa bann servis i neseser. Nou pe donn zot tou benefis Gouvernman, so nou *might as well* kot nou vwar i neseser retourne zot lo *payroll*. So sa indeza ganny fer lo detrwa lannen pase. Mersi.

MR SPEAKER

Mersi PS Bonne ou pa pe bezwen azoute lo la ou? Ok.

PS MARIE JOSEE BONNE

Ok an sa ki konsern *training*. *Training* i bann pwen kle pou nou kapab fer sir ki nou bann dimoun ki i annan dezabilite, i kapab zwe zot rol dan lasosyete.

Nou konnen sa Lalwa ti ganny fer an 1994 e ler nou regarde *Council for the Disabled* ou annan ou dan ou sekretarya en *executive secretary* avek en *office assistant*. Ki mannyer ou pa pe kapab zer sa bann konmsi pou enplimantasyon dan *Convention* li menm. I pa'n posib pou sa arive.

Wi in annan en *Board* e tou resaman in annan en *strategic plan* ki'n ganny fer. Be nou, nou konvenki ki avek sa novo striktir ki nou pe met an plas, ki pou annan sipor avek lezot *arms of* sa departman. Nou pa kapab met ater en travay ki kapab fer sir ki nou *provide* sa *special protection*, pou nou bann dimoun avek dezabilite parey nou Konstitisyon i demande.

Mon krwar monn reponn ou respons Onorab. Si non dir mwan.

MR SPEAKER

Minis i ava azoute.

MINISTER MARIE-CELINE ZIALOR

Wi mersi Mr Chair. Mersi Onorab pou ou kestyon mon krwar mon anvi azoute sa bout enklisivite. Akoz letan mon nou pe regarde nou pe nou'n evalye bann dokiman, nou'n get bann rapor ki'n ekrir dan lepase nou ti pe fer sa bann desizyon ki pa'n fasil.

Nou'n vvar poudir kot nou ete ozordi la ler nou pe get ou konnen - *even if* ou pe fer en kantite keksoz en kantite keksoz ki aktivite pou *tick en box*, nou bezwen get lenpak.

Ler nou get lenpak avek bann dimoun otreman kapab in

fer nou alarm nou en pe, ki nou'n dir 'be non annou re revwar re restriktire pou nou kapab anmenn en pti pe tranzisyon' en pti pe vitman osi tou.

Pou sa bann dimoun letan nou'n vvar e in trakas nou pa mal, letan nou'n vvar sa bann sityasyon pa zis sityasyon lo papye. Nou'n bouze nou de PS nou'n ale *off camera*, kot detrwa sa bann lakour bann dimoun kot nou'n al asiz ek zot pou nou ekoute ki bann sityasyon ki nou a pe fer fas e en pti git zot bann defi ki zot fer fas avek - en pe partou, en pe partou. Dan striktir enkli Lasante tou kot nou bezwen al travay en pti pe ankor ek zot, pou nou kapab anmenn sa bann standar en pe pli o.

E ou konnen lo kote tranzisyon, lo kote sanz fason fer, mon osi si ou ti demann mon 10an pase serten keksoz la ozordi zour mon ti pou kontrandi mon lekor. Akoz evolisyon i enportan e keksoz pa reste parey li i sanze. E si nou reste antete nou kontinyen reste avek menm keksoz pou 10an' 15an kekfwa 10an/ 15an pase i ti marse i ti fer sans. Apre letan keksoz in evolye nou bezwen evolye nou osi avek diferan keksoz.

Savedir mon i pa en keksoz ekstraordiner si en dimoun i dir en keksoz ozordi apre detrwa lannen pase menm keksoz i dir be akoz i sanz keksoz ? In arive bann evolisyon, wi nou bezwen evolye avek letan. Mersi Mr Chair.

MR SPEAKER

Mersi. Onorab Bastienne.

HON DESHEILA BASTIENNE

Mersi Mr Speaker. Bonn apre midi Mr Chair, bonn apre midi Minis. Mon kestyon premyerman i en pti pe lo menm laliny parey Onorab Cosgrow *access to employment*.

Minis mon ti pe demann ou vi ki ou Minister pe fer pou asiste serten sa bann dimoun parey nou dir ‘otreman kapab,’ me avek en serten dezabilite ? Kot menm zot i annan ki menm zot annan sa serten dezabilite zot menm kapab sorti kot lakour desann pran lo zot menm, al aprann en travay ler zot in arriv lanmwatye semen, zot in byen etabli zot zis vwar zot ganny met a laport san okenn rezon.

E sa pou zot i vin en lot fason strese, e zot pe demann ou be oli nou, nou pa pe ganny proteze parey nou’n koz lo la

boner, ki mannyer nou pou kapab viv akoz zot zis zet nou a lekar. Alor nou pe demande ki ou Minister pe mazin lo la pou sa bann dimoun?

E sa bokou i annan dan mon distrik sirtou dan Perseverance nou ganny bokou sa bann konplent.

Apre dezyenmman lo ‘current challenges’ kot nou pe koz lo rann plis confortab nou bann dimoun dan zot fasilite viv, kot ou konnen dan Perseverance i Anna bokou bann *social housing* kot laplipar bann fasilite i anler.

E ler mon koz fasilite zot kapab konpran ki mon pe dir. Nou pe koz *toilet* bann keksoz koumsa, kot sa bann dimoun ki annan dezabilite ki la dan en lazournen kot napa bokou dimoun pou asiste zot, zot pe pas dan serten difikilte nou pe demande zot Minister ki mannyer zot pou pran kont pou asiste bann dimoun ki dan sa sityasyon parey. Mersi.

MR SPEAKER

Mersi. PS.

PS MARIE JOSEE BONNE

Konman en Minister Onorab nou pa pou kapab fer li nou tousel. I annan Konvansyon ki etabli en bann standar i annan standar *accessibility*, i annan

standar *universal design and so on.*

Me nou pa kapab fer li nou tousel. Nou bezwen fer li konzwentman avek sa bann lezot partner, pou fer sir ki travay i ganny fer pou fer lavi nou bann dimoun ‘otreman kapab’ pli alez kapab ganny aksesibilite pou zot.

Kot napa *lift* nou bezwen fer sir ki bann novo batiman i annan son *lift* i annan son *ramp* ;- nou bann bis *TATA* i pa apropriye. Alors nou bezwen ganny sa bann bis ki apropriye.

Alors parey mon’n dir i pa nou Minister dan li menm, lo li menm ki pou fer sa. Nou bezwen asize ansanm e vwar kote ki nou kapab met nou bann priyorite e sa i a ganny fer, i annan en *strategic plan* ki’n deza ganny fer lannen pase, nou ava regarde ki priyorite ki nou kapab met ater. Me sa Konvansyon li menm nou bezwen met li an enplimantasyon. Sa i en fe. Mersi bokou.

MR SPEAKER

Mersi. Onorab Arissol Sandy.

HON SANDY ARISSOL

Mersi Mr Speaker. Bonn apre midi Minis avek ou delegasyon. Bonn apre midi tou Manm ki pe ekoute. En apre midi spesyal

pou bann zoli madam ki reste dan distrik Bel Ombre enkli sa de ki devan lo *panel*.

Mr Speaker mwan mon ti a kontan premyerman dir poudir mon en pe trakase avek larepons ki nou’n gannyen, depi bomaten. Premyerman mon en pe trakase parske letan mon pe get *head National Council for Disabled*, mon rapel ti annan en larzan ki ti perdi. E Onorab Esparon ti anmenn en kestyion dan Lasanble Nasyonal an relasyon avek sa. Mon pa konnen si Minis Cosgrow sa letan ki ti Minis e ozordi Onorab Cosgrow ki ti laba oubyen en lot Minis ki ti laba.

Selman mon trakase Mr Speaker parske bomaten nou’n tann dir i apel *Mismanagement Fund* pou bann *Homes*. E la Plaisance bann dimoun zot larzan in ganny pran pou fer serten aktivite zot pa ankor ganny rann zot larzan.

Mon trakase konman en Manm *FPAC*, e mon pe demann avek *PS* letan ou fini avek sa lenvestigasyon, fer nou ganny en kopi sa rapor.

Parske souvandfwa sa bann zafer i zis ganny pase akoz sa i dalon *PS These* oubyen i fanmir Minis oubyen i zann *PS Bonne*.

Mon krwar i enportan pou nou ganny en kopi sa bann

rapor, parske tro bokou sa bann zafer i pase anba sa bann Minister. Sa i mon komanter.

Alor mon kestyon ki mon ti a kontan demande Mr Speaker, an vi ki zot manda *National Council for Disabled* se pou amelyor kalite lavi nou bann dimoun avek dezabilite, mon ti a kontan demann Minis si Gouvernman pe osi prevwar kalite *carer* ki nou donn bann dimoun avek dezabilite? Mon premye kestyon.

Mon dezyenm kestyon mon ti a kontan demande, eski sa Bidze pou *National Council for Disabled* i osi enplik bann dimoun, parey Rosabelle Rose Hoareau dan mon distrik en madanm avek ki aveg ki pa vvar kler, eski ki sa Bidze i fer provizyon pou bann dimoun ki pe viv avek sa kondisyon pa vvar kler? Eski i enplik pou zot sa Bidze?

E mon dernyen kestyon mon ti a kontan demann Minis oubyen *PS* se konbyen dimoun ki pe viv avek en dezabilite, oubyen abilite spesyal oubyen abilite parey nou dir pou Naddy Zialor? Mersi bokou Mr Speaker.

MR SPEAKER

Mersi. Wi un instant. Onorab Cosgrow ou'n ganny mansyonnen me selman les dir

i pa konnen lekel ki ti Minis. Napa en gran *issue* ladan. Me selman fer en *statement* wi.

HON WALLACE COSGROW

Mersi Mr Speaker pou *allow* mwan sa klarifikasyon. Onorab Arissol mon pa'n zanmen Minis ni pou Lafanmir ni pou Zafer Sosyal. So pwen klarifye pou Lasanble avek pou manm piblik pe ki pe ekoute. Mersi bokou.

MR SPEAKER

Mersi. Minis ou ti pe al reponn wi.

MINISTER MARIE-CELINE ZIALOR

Mersi Mr Chair. Mersi Onorab pou bann kestyon. Definitivman, definitivman mon soulaze ki i annan konsern lo kalite, akoz vwala en pe ki trakas mon bokou kalite. E pou en pe letan mon mazinen kekfwa bann *carer* nou i pa zot lafot, zot fer dapre zot kapasite.

E nou i nou responsabilite konman Gouvernman, pou nou fer sir nou get standar ki taler *PS* in koz lo la. E ki nou revwar tousala e nou osi kapab anme23nn bann lezot dimoun ki pa ti ganny sans vini.

E i annan dimoun ki kalifye isi ki i anvi vini pou zot vin donn en koudmen pou zot donn sa bann swen. Parey mon

ti pe dir taler, bann swen spesyalize ki mon krwar nou neglize e bann dimoun ki aveg i - sa mon sirprann en kantite ; bann mankman servis pou bann dimoun ki aveg.

Pa zis sa i annan bann lezot keksoz ki en pe pli senp osi tou ki sa mankman servis ki pa ni menm spesyalize. Pa ni menm spesyalize ki nou pou en rezon ou en lot, nou pa'n donn latansyon e sa nou pou definitivman en rezon akoz sa restriktirasyon pe ganny fer pou nou kapab fer sa.

Me selman fer li parey mon ti pe dir, an servi enklisivite nou pa kapab fer li konman en keksoz separe. Mon krwar nou'n fer sa vwala akoz in vin koumsa.

Tou dimoun dan lasosyete 'otreman kapab' nou tou nou 'otreman kapab' mon krwar, nou tou nou annan serten abilite ki diferan avek lezot, Konstitisyon i fer provizyon pou tou dimoun.

E mon krwar letan nou pe koz lo sa, si nou konmans klasifye met bann dimoun dan bann group vwala kot nou fer sa bann fot. E i depas nou e nou pa kapab fer sa. Nenport ki mon bezwen konman en sitwayen e i mon drwa pou mon kapab akse avek servis, akse avek prodwir dapre mon

bezwen, e lasosyete ki merit aranz li regilariz li, sanz son prosedir fer sa ki nou pe fer la, pou li kapab fer sir ki i bezwen tou son sitwayen, i ganny *at least* i ganny en lenpak lo la e i ganny met i ganny zwenn.

E vwala akoz rezon kot tousala prezan i anba Departman Lafanmir menm si i annan en pe rezistans en pti pe komanter ki pa pe konpran akoz nou pe fer li, zis pou nou kapab rezourd sa bann keksoz ki nou pe koz lo la. E ki kantite dimoun ki pe viv avek dezabilite nou a regarde si PS Bonne i annan sa lenformasyon. Mersi Mr Chair.

MR SPEAKER

Mersi. Wi PS.

PS MARIE JOSEE BONNE

Onorab mon napa sa lenformasyon, e se absoliman sa rezon akoz ki mon le fer sa *profiling*. Mersi.

MR SPEAKER

Mersi. Onorab Uranie.

HON ROCKY URANIE

Mersi Mr Speaker. Bonn apre midi *panel* ankor en fwa. Minis mon vwar anba '*current challenges*' enn zot bann *challenge* se pou annan lenvestisman, lenvestisman i

limite, pou kree facilite lo Zil Pros pli presizeman lo Praslin.

E pli ba dan dokiman anba *heading* ‘strategic priorities’ senkyenm boulet i koz lo konstri *multipurpose facilities* lo Praslin, pou anmenn sa facilite pli pre ek Digwa.

Mon krwar sa enn pwen ki la pe reponn lapel sa lot pli o sa ou ava eksplike.

Mon kestyon eski zot in evalye sityasyon pou vvar ki difikilte, bann Digwa i rankontre, ler pou al aktivite lo Praslin e ki sipor zot ofer?

E mon lot kestyon, eski La Digue i vreman annan en Komite pou Dezabilite ki an mars? E la ki sipor zot donnez pou ed sa bann Komite bouze? Mersi Mr Speaker.

MR SPEAKER

Mersi. Minis wi.

MINISTER MARIE-CELINE ZIALOR

Mersi Mr Chair, mersi Onorab pou ou kestyon. Konsern mon ava reponn enn ladan apre mon a les PS reponn 2 lezot kestyon mon pou reponn sa enn lo mouvman.

La Digue, Praslin *even* lo Mahé e sa i en konsern ki nou konman mon’n vini met a mon latansyon ki mannyer zot pe deplase. Sirtou i annan bann ki

annan bann kondisyon lasante ki bezwen en pe souvan, al kot spesyalis ensidswit, i annan en pe difikilte. Nou annan en pe travay pou nou fer ek Minister Lasante avek bann lezot lazans, pou nou kapab vvar sipor ki nou donnez pou bann dimoun kapab bouz facilite zot mouvman zot bouze.

Mon ava demann PS pou reponn sa kestyon lo *investment*, apre lo Komite bann dimoun avek ‘otreman kapab’ La Digue. Mersi Mr Chair.

MR SPEAKER

Mersi. Wi PS.

PS MARIE JOSEE BONNE

Mersi Onorab. Petet mon a zis azoute ki i annan en bis ki tonm anba *Council for Disabled* ki ede en pti pe pou kapab fer mouvman dimoun ki servi *wheelchair*. Sa i annan e otan ki posib nou sey ede pou donn sipor.

Pou La Digue mon pa okouran si i annan en Komite *in place*, me si pou annan en Komite, i enn ki ti pou’n ganny fer anba Gouvernman Lokal. E akoz *Council* li menm li i napa rezantasyon lo La Digue.

Kontrer Departman Lafanmir napa rezantasyon ni lo Praslin ni lo La Digue. E

sa i en keksoz ki nou pou bezwen vwar ki mannyer nou pou kapab aranz sa.

Praslin *the multipurpose facility*, mon krwar bokou i okouran poudir i annan diskisyon ki'n ganny pase ;- i annan later ki'n ganny idantifye e travay pou konstri i en keksoz i pou bezwen vini a lavenir ler i annan larzan. Mersi bokou.

MR SPEAKER

Mersi. Onorab Woodcock.

HON WAVEL WOODCOCK

Mersi Mr Speaker. Mr Speaker PS in fer en deklarasyon konman en pti pe etranz la, zafer napa reprezantasyon pou bann dezabilite lo Praslin. Me si mon pa tronpe i deza annan en Komite pou Dezabilite lo Praslin ki pe ganny *spearhead* lo Praslin par Mr Vincent Cedras.

Annefe mon kestyon regardan sa menm *Council* lo Praslin, sa lasosyasyon *call it what you may*, kot i konsern en proze ki'n *linger* ki'n ganny *drag* pou plizyer lontan. Ki in menm in menm ganny azoute dan bann Bidze dan lepase me selman vreman naryen pa'n ganny fer lo la.

Mon kestyon i kot i konsern en *sort of disability house*, en ti pou annan en proze

kot ti pou annan en Marie-Jeanne Estate annefe, ti ganny diskite e ti menm annan kozri ki sa poze ti pou ganny finanse anba *India Grant* kot ti pou fer.

Me selman apre zot in deside pou *sort of merge* en sant pou dezabilite ansam avek en sant ki pou deservi bann *elderly*.

Parey mon'n dir sa i en keksoz ki ganny diskite pou plizyer lannen. I menm annan en plan mon annan en kopi sa plan avek mon aktyel mon kapab fer ou gannyen. Regardan sa sant, me ziska preznan napa naryen ki'n ganny dir, napa nanryen ki'n ganny fer. E mon pa vwar li dan Bidze mon konnen dan sa sityasyon finansyel ki nou pe fer fas avek an vi sityasyon *COVID* sityasyon -pandemik *COVID-19*.

Me ti annan kozri ki sa proze *was going to be funded* anba *India Grant*. E ziska preznan mon pa ankor okenn tann okenn mansyon lo sa size. Si ou kapab donn en pti pe detay lo sa size. Mersi bokou.

MR SPEAKER

Mersi. Wi PS.

PS MARIE JOSEE BONNE

Onorab mersi. Mon ava regard dan sa sityasyon akoz mon osi mon ase nouveau pou antre dan

Council for the Disabled me selman mwan mon okouran poudir Mr Cedras i ti en manm *the Board of the Council for the Disabled*.

Me parey mon'n dir bann Komite, zot bann asosyasyon ki'n plito tonn anba Gouvernman Lokal oparavan. Alors mon pou bezwen fer mon *homework* e nou pou tap tou pou tou pou nou fer sir ki sa landrwa i ganny fer Praslin. Mersi.

MR SPEAKER

Mersi. Onorab Loizeau.

HON NORBERT LOIZEAU

Mr Speaker, dapre konsiltasyon ek Andy son kestyon i en pe similer mon plifere les li demande. Mersi.

MR SPEAKER

Ou pou les lekel demande? Onorab Labonte. Ale Onorab Labonte.

HON ANDY LABONTE

Ok mersi Mr Chairman. Chairman bon parey nou vwar poudir Bidze *National Council for Disabled* i pa en gro Bidze me selman nou bann dimoun 'otreman kapab' i sitan enportan. E zot osi zot en imen.

Alor mon kestyon i vize ver bann '*major achievement in*

2019/2020';- Parey mon'n tann PS in dir poudir zot annan en plan stratezi ki ti ganny lanse le 28 Fevriye 2020 if I'm right.

Bon anba la mon pa konnen mon'n fer en pe resers mon vwar zot ti annan 8 lobzektif prensipal. E enn parmi zot lobzektif, se ki pou ogmant e promot dan en fason olistik, lafason ki bann dimoun ek dezabilite i ganny entegre dan kominate, e revwar bann baryer lo nivo Nasyonal. E zot in koz osi lo bokou lo *advocacy* dan zot plan stratezi.

Alor mon kestyon i al koumsa, eski dan sa Bidze zot in fer provizyon pou kapab realiz sa bann lobzektif parey?

E mon dezyenm kestyon i baze pli zou mwen lo zot priyrite stratezi, e sa in vin apre ki mon mazin Mardi le 24 Novanm 1er Ms Tannie Samedi. ti vin fer en deklarasyon dan Lasanble i ti fer en *statement* e son *statement* ti al koumsa "Mon vin dan sa Lasanble ozordi pou demann zot pou pa bliy bann zanfan Sesel, sirtou bann zanfan avek dezabilite. Okenn zanfan Sesel pa merit ganny kit deryer". Ok e apre i ti menm *extend* i ti dir koumsa "akoz dimoun i profit lo zot e pran zot larzan e maltret zot".

Alor mon dezyenm kestyon i baze lo sa pwen stratezi limero 1, ki dir zot annan si mon kapab met li dan term Kreol, ‘adres bann lobstak ki pe retard zot pou reviz oubyen amann Lalwa Domestik, pou met azour avek bann prensip Konvansyon Drwa avek bann Dimoun avek Dezabilite.’ Sa i ki zot premye pwen dan zot stratezik priyorite.

Alor mon kestyon lo la i al koumsa en, kan ki zot pe mazinen pou zot fer sa travay pou ki sa Lalwa i arriv kot Lasamble, e ki petet nou kapab donn sa bann dimoun en soutyen, pou nou vwar poudir nou pe pran zot kont vreman ler zot adrese kwa ki zot ti a kontan pou zot byennet ? Mersi.

MR SPEAKER

Mersi. Minis wi.

MINISTER MARIE-CELINE ZIALOR

Mersi Mr Chair. Mersi Onorab, mon krwar mon’n vwar de kestyon mon ava reponn premye apre PS i ava reponn dezyenm. Lo kote stratezi ki ou’n mansyonnen de lobzektif.

Definitivman larepons senp se definitivman dan sa Bidze in fer provizyon, pou nou kapab adres sa bann baryer

pou tir sa bann baryer e pou fer ganny akse lentegrasyon enklisivite, ki nou kontan koz lo la, pou bann dimoun ki ‘otreman kapab.’

E pou nou ekoute mon kontan ou’n nom non Tannie akoz nou’n envit li Merkredi dan nou bann seri programm kot Departman Lafanmir pou bann madanm, pou bann fiy, nou pe envit bann dimoun ki nou appel zot bann *leaders* pa neseserman annan en tit dan lasosyete, selman ki’n fer ser ten lenfliyans.

I parmi bann ki nou’n envite Merkredi, kot nou pou al koz lo la, ekout li pou al koz lo lezot lenfliyans ki li konman en *leader*. E nou pou envit osi bann lezot dimoun ‘otreman kapab ‘akoz zot pa kapab *lead* sa bann programm parey. Be provizyon in ganny fer dan Bidze. E mon ti ava envit PS Bonne pou reponn dezyenm kestyon. Mersi.

MR SPEAKER

Wi PS.

PS MARIE JOSEE BONNE

Mersi Onorab. Onorab parey mon ti’n dir ki nou, nou bezwen travay dan departman i annan 3 divizyon ki pou travay an detrwa kolaborasyon avek kanmarad.

E pou dan *Convention on the Rights of person of Disabilities* - nou vwar ki sa *strategic plan* in ganny fer lannen pase. Son lenplimantasyon i pa ankor arive. Me nou ki nou pou bezwen arive fer se *focus* lo 3 pwen spesifik ;- sa 'aksesibilite ,enklisivite e empowerment.' Sa osi i mon kapab dir i labaz nou Konstitisyon pou nou kapab fer sir ki nou donn sa proteksyon, me osi anmenn nou bann dimoun ki 'otreman kapab' a en nivo ki zot santi ki sosyete antye i pe anmenn zot anler.

E apre nou pou bezwen arive devlop nou bann *standard operating procedures* pou nou kapab fer sir ki nou realiz sa plan stratezi. Mersi bokou.

MR SPEAKER

Mersi. Nou a pran en poz la e nou e repran 4er. Mersi.

(BREAK)

NATIONAL COUNCIL FOR THE DISABLED (cont)

MR SPEAKER

Nou a kontinyen avek Onorab Aglae.

HON EGBERT AGLAE

Mersi Mr Speaker. Minis ouswa PS, Gouvernman in eksprim lentansyon pou revwar benefis pou bann dezabilite pou gete si zot vreman bezwen.

Mwan mon ti a kontan petet demann ou petet swivan avek gidans osi PS Finans. Eski Council pou annan en *say* ladan? An giz ki nou swiv osi bann norm enternasyonal parey ki *World Bank* in set, pou kapab klasifye bann abilite e plas zot avek en benefis, eski zot pou annan en lanmen ladan dan sa?

Dezyenm kestyon mon'n vwar i annan en rediksyon dan zot '*office rental*', ok sorti 233mil pou desann 191 mil, si ou kapab donn en pti lesplikasyon sa bes ki'n annan dan sa Bidze pou 2021? Mersi.

MR SPEAKER

Wi Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Dezyenm kestyon lo kote *rental* mon a les PS Bonne reponn, mon pou reponn sa enn lo kote eski nou annan en *say* ladan? Definitivman lo kote benefis sosyal, depi bomaten parkont nou annan en *meeting* kot Finans pou nou regard bann

reform dan benefis sosyal e Departman Lafanmir definitivman i annan en sez dan sa Komite. Mersi Mr Chair mon a pas laparol ek *PS Bonne* pou dezyenm kestyon. Mersi.

MR SPEAKER

Mersi wi *PS*.

PS MARIE JOSEE BONNE

An sa ki konsern rediksyon dan ‘*office rent*’ tou antrepriz Gouvernman in ganny demande pou negosye avek zot *landlord for a reduction of 25% rental*. Mersi.

MR SPEAKER

Mersi. Onorab Esparon.

HON REGINA ESPARON

Mersi Mr Chairman. Mr Chairman kekfwa zis avan mon demann mon kestyon pou ekliersi sa ki Onorab Arissol ti dir taler sete larzan *UNESCO*, ki mon ti anmenn kestyon ki pa ti ganny reponn ti annan R306 mil ki ti antre sorti kot *UNESCO* konman en don. E ti annan *mismanagement* ki ti sipoze fer aktivite 75 dimoun ti fer pou zis 15 e zot in bal bise lo la.

Mr Speaker mon kestyon i se ki mon pe vwar dan bann dan mon pe vwar ki sipoze enn zot bann *challenges* pou fer renovasyon lo (*VTC*) *Vocational*

Training Centre. Strategic priority pou upgrade dan Vocational Training Centre on Mahé.

Mon kestyon se ki i annan alokasyon dan sa Bidze pou fer sa? E eski i fezab, i vyab mon pa konnen mannyer mon pou met sa pou fer renovasyon lo sa vye batiman kot *VTC*? Parski *VTC* i servi sa pti lakaz lo kote drwat ki vir avek *homeless*, epi zot servi en porsyon dan sa batiman ki pou mon krwar i tonm anba Minister Lasante ki ti apel *Rehab* lontan.

Epi menm kot lo kote North East Point i annan en lot pti lakaz ankor. Eski ki konmsi i vo lapenn ki nou *renovate* toulezan? Oubyen dan en pli gran plan kekfwa ki nou bezwen, tir sa landrwa la kot i ete, e fer en konstri en nouveau *Vocational Training Centre* dan li menm konmsi ki ava *accommodate* tou bann facilite ki i ava *accommodate* bokou plis zanfan.

Epi en keksoz ki nou’n remarke kot *VTC* i annan en *entrance criteria*, me solman zot napa en *exit criteria*. Ki fer ki sa bann dimoun letan zot ganny met la a laz 18an letan zot sorti kot *School for Exceptional* zot vin la i annan ki pe pou labarb i ankor lanmenm la. Parske zot napa en *exit criteria*, pou met sa

bann zanfan sa bann dimoun dan lanplwa. Mersi Mr Speaker.

MR SPEAKER

Mersi Onorab. Minis wi.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Sa de kestyon lo kote VTC mon kapab pran li ansanm.

Alokasyon pou fer reparasyon lo la spesifik ou pe demann plito regarde eski i vo lapenn? Sanmenm sa rezon akoz nou, nou pa'n gran larzan ladan dan sa Bidze akoz nou bezwen fer konversasyon avek Minister Ledikasyon egzakteman akoz apre sa *exit criteria* ki ou a pe koz lo la e ki ler nou pe regarde, i annan sa apre lekol osi kantmenm i dan Minister Ledikasyon Lekol Eksepsyonnelle.

Nou sipoze al fer vizit pou nou regarde byen e Onorab Zialor ti met sa a mon atansyon pou i ti a kontan akonpannyen pou ale pou ou osi tou Onorab Esparon, nou pa'n kapab fer li akoz restriksyon, e i ti ava bon nou ale letan manrmay in konmans lekol, pou al regard ansanm ek Minister Ledikasyon ki mannyer ansanm nou fer en plan pli konpreansiv, regarde

prezan fer sa bann desizyon si pou tir li, si nou pou al fer en Proze Kapital pou tir li k mannyer nou pou fer li pli byen.

Akoz parey mon ti pe dir avan nou ti al *break*, sa zafer kot nou met en pti bout nou ekskli - i pa eksklizivite, nou fer tou bann larestan lekol possegonder ensidswit pou sipoze bann dimoun normal, ler pou bann 'otreman kapab' nou pa'n regard li an term son eksklizivite.

Mon krwar i merit annan en lapros pli modern vizavi sa lekol. E nou bezwen regard osi tou Lekol Eksepsyonnelle pou regarde si sa bann standar ki PS Bonne in koz lo la i ganny *meet*. E mon a les PS Bonne pou li regrd konsernan sa komanter lo si i annan *mismanagment UNESCO* e si i annan okenn keksoz pou li azoute. Mersi Mr Chair.

MR SPEAKER

Mersi PS.

PS MARIE JOSEE BONNE

Onorab, napa gran keksoz pou mon azoute mon bezwen regard dan sa sityasyon apre mon ava *get back to you*. Mersi.

MR SPEAKER

Mersi. Onorab Bistoquet.

HON ROSIE BISTOQUET

Bonn apre midi Mr Speaker. Mersi Mr Speaker. Mr Chair ler mon regard anba ‘*performance for programme performance*’ anba *governance management and administration* - mon get en pti pe zot *purpose* i dir se ki zot sipoze promot drwa bann dimoun avek dezabilite, pou fer sir ki zot donn sipor *Council* efektiv a lafen dizour, *the end result* se ki zot devret annan bann Polisi bann stratezik ki sipoze *oversee* tou bann sityasyon dan Sesel baze lo sa ki zot ti’n sinyen ouswa sa bann Konvansyon.

En keksoz ki mon remarke isi Sesel nou annan en problemm. Se ki i depi 27an pase *the National Council Act for the Disabled* in ganny enacted apre i ti ganny *consolidated in 2012*. 27an pase pli vye dimoun ki mon konnen mon pe koz plis en pti pe lo *physical disability*. Pli vye dimoun ki mon konnen i annan *physical disability* Sesel - en msye apepre *70 years* ki konmela i North East Point, in toultan dan *wheelchair*, e li son problemm ti polyo.

E letan nou get isi Sesel nou *major causes of physically disability* letan bann dimoun in ne avek, ouswa zot in ganny sa maladi swa polyo swa sa lot

kondisyon ki nou apel *cerebral palsy*.

E akse letan mon pe ekout PS i pe dir zot pa ankor revwar Polisi zot pe revwar Polisi, be selman letan pran parey lopital, *disability* pa kapab ale lopital dan en *wheelchair* ou bezwen pouz zot. Ouswa anmenn zot dan lanmen. Ouswa pran zot met lo likou.

Menm letan dan bann landrwa nou annan *secondary roads*, mon konnen en kantite landrwa mon krwar zot tou isi zot konnen sa bann dimoun ki reste dan en lot landrwa dan en pti lakaz, zot bezwen ganny pran lo likou. Konmela napa fotey. Ou bezwen met li lo likou kan nou kapab fer en sityasyon kot nou bann *disabled* ti kapab ganny akse, swa *disabled* swa ‘otreman kapab’ i kapab fer li? Sa i mon premye kestyon. Mon pe redemande akoz.

Secondly, mon annan en kondisyon mon annan de paran mon bezwen anmenn li la akoz zot in pas atraver dwat gos personn pa pe kapab ek zot. Sa madanm i annan en pti fiy de zot annefe en lot madanm enn 14an enn 13an avek *cerebral palsy* ki *completely physically disabled*.

E i dan *wheelchair* sa madanm i ti *she is the full carer of a pti fiy*, ouswa sa pti

garson sa lot. Me selman sa enn ki mon pe koz lo la li i ti ganny en *part rental* R4500.

E an menm tan li ki *full-time carer* ek son pti fiy. La zot in koup sa 4500 i dir ek sa madanm al rod en lot travay, mon dakor be kot i pou kit sa prop zanfan? Eski sa nou kapab get ladan silvouple Minis? Sey revwar en pe sa Polisi mon konpran poudir annan de fwa Polisi. Mon konnen i la be selman sa bann dimoun pe travay dan sa bann sityasyon i pa neseserman zenn dimoun. I annan dimoun ki'n la *for donkey years* me selman zot ankor pe donn lenfirmite bann dimoun. Mersi Mr Speaker.

MR SPEAKER

Mersi Onorab. Wi Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon mon a zis pran sa enn dernyen pou klarifye en pwen, sa bann desizyon i kot ASP. I pa kot departman. Selman si par egzanp i annan sa bann ka kot nou bezwen *advocate*, akoz nou bezwen *advocate*. Sa definitivman kot nou kapab *advocate*. Sanmenm sa ki nou annan sa *meeting* demen bomaten pou

regard benefis sosyal, pou byennet sa bann group dimoun, e mon ti ava kontan envit PS pou reponn sa premye kestyon. Mersi Mr Chair.

MR SPEAKER

Mersi. PS.

PS MARIE JOSEE BONNE

Onorab ou'n fer mansyon *Policies strategies* eksetera pou siport *the Convention of the Right person with Disabilities*, e parey mon'n dir oparavan lefe ki nou pou annan en departman ki konpri en divizyon ki konsantre lo resers *Policy Monitoring Evaluation*, i pou ed nou pou kapab vvar, ki mannyer nou met an aplikasyon *the Convention*.

Mon konnen i annan plis ki en ven tenn lannen ki *Act* in ganny fer me selman enplimantasyon Konvansyon ki nou ti sinyen an Oktob 2009 i pa ankor vreman materyalize. Alors se nou bi pou nou fer sir ki sa i ganny fer. Mersi.

MR SPEAKER

Mersi. Onorab Lemiel.

HON SYLVANNE LEMIEL

Mersi Mr Chair. Bonn apre midi tou dimoun. Minis zis pou mon port a ou latansyon, petet depi Oktob PS in pran

responsabilite *Council for the Disabled*. Lo pwen nimo 4 dan zot bann *achievements*, zot in mete ki zot in konmans en proze pou kree en Labank Nasyonal pou bann dimoun ki annan dezabilite eskize si mon revin lo la ankor.

Mon pwen Minis i se ki ti annan *Council for the Disabled* avan zot annan tou detay dan tou distrik par distrik, parske mwan mon konnen zot in deza demann dan distrik, tou sa bann dezabilite ki nou annan dan distrik.

Konmsi mon pa vwar i normal ozordi pou nou vin la pou nou dir poudir nou napa en labank, nou napa lenformasyon lo dimoun ki i annan dezabilite dan Sesel. I annan en konmansman *at least* dir nou, nou annan en konmansman pa dir nou nou napa ! Akoz i deza akoz *therefore* sa *Council* ki ti la *therefore* ki travay zot in fer? Zot in zis asize pandan tou sa bann lannen zot in la, zot pa ti pe travay?

So ti a bon nou konnen egzakteman Minis *sorry* atraver ou *PS* i dir nou egzakteman ki'n arive avek sa bann labank lenformasyon sa bann dezabilite par distrik, ki'n arive avek sa bann lalis? Akoz enn ou *achievement* se ki *PS* in Mete

se ki zot deza kommanse sa travay.

Dezyenmman, dan zot bann '*challenges*', zot in mete ki premye pwen *Minister* i annan en '*absence of strong management to drive the implementation of the new strategy plan.*' Dan sa ka mon ti a kontan konnen lo kote *National Council for the Disabled* la, i annan en restriktirasyon? Petet ti a kontan ganny eksplike en pti pe sa striktir.

Akoz i paret mwan letan mon pe get *challenge* ki nou'n gannyen la, petet Minis ou pa pe satisfe avek lafason ki *National Council for the Disabled* in ganny in ganny zere ok? Ou'n vwar bann trou, e ou petet ou pe mazin en zot le aranz sa zot.

So eski ki zot pe met en nouveau striktir ? Eski lekel ki pou ansarz prezan apard ki tonm anba *PS* avan sa nou ti annan Mrs Franchette mon krwar ki ti responsab.

Konmsi ki mannyer i pou vini la. Ki kalite restriktirasyon zot pe fer?

Apre i annan sa *Disabled Trust Fund*, mon ti a kontan konnen akoz mon vwar R400 mil anba la pou sa lannen, *Disabled Trust Fund*. Mon ti a kontan konnen petet lannen

pase 2019/2020 konbyen dimoun akoz i enn zot sikse sa kot zot in dir zot kapab asiste bann endividé, zot in siport endividé, *or* bann ‘*project related*’ pou zot *improve* lavi bann dimoun ki pe viv avek en dezabilite e sa zot in fer li atraver *Disabled Trust Fund*.

Konbyen endividé oubyen group ki’n ganny asiste avek larzan anba sa *Trust Fund* ki pli gro sonm zot in asiste en dimoun avek son proze *or* okenn lasistans ki zot in donnen anba *Disabled Trust Fund*?

E apre konbyen proze osi petet zot pe prozekte *or* si zot annan dan *backlog* bann proze ki dimoun in mete anba sa *Disabled Tust Fund*?

Parkont Mr Chair i enportan ozordi letan i annan restriktirasyon i annan bokou dimoun mon distrik i enn parmi ozordi i annan difikilte pou li ganny en *wheelchair*, akoz sa pti larzan *disabled* ki i pe gannyen *Minister* i vin difisil pou li kapab al aste en *wheelchair*.

Son *wheelchair* ki i annan ozordi larou in fini ize, i pa bon. I annan ki pe al fer fos larou in al sey mete pou zot servi. Ki prosedir ozordi, pou en dimoun kapab lontan *ASP* ti asiste li. Ozordi i pou sanze anba sa

Disabled Trust Fund, mon krwar i kapab ganny asiste. Ki prosedir petet zot pou gid dimoun ki pe ekout nou la ozordi ki bezwen serten lasistans par egzanz en *wheelchair* *or* okenn keksoz anba sa *Disabled Trust Fund*? Mersi Mr Chair.

MR SPEAKER

Mersi Onorab. Minis wi.

MINISTER MARIE-CELINE ZIALOR

Mersi Mr Chair. Mersi Onorab pou sa bann kestyon. Mon ava reponn lo kote restriktirasyon en ptigin lo *management* e apre bann detay konsernan *Trust Fund*, e larestan *PS* i ava reponn.

Lo kote mon anvi fer en pe koreksyon ki ou’n dir *PS* pa’n *take over Council* Oktob lannen pase. Ki’n ariv letan nou ti pe fer en pti evalyasyon letan in donn mwan en pe Konsey avek son bann teknisyen, lo fitir sa Konsey e nou’n zwenn avek son *Chairperson of sa Board* Mrs Leon e nou’n annan serten diskisyon pou regarde ki mannyer nou nobou kapab e ansanm nou’n agree poudir ti ava pli bon en *Advisory Committee - pa en Board*.

E lafason bann defi akoz sa *bullet point* ki ou pe

mansyonn lo la konsernan *strong management*. Akoz zot en Konsey parey taler *PS* in eksplike. Mon krwar ti annan 2 mon krwar 3 dimoun *full-time*; - ki pe travay 2 dimoun e en pti pe zot tousel an izolasyon, e zot en pti pe fer lapenn - si oule - pou zot kapab enplimant sa gro manda ki ti annan la. E letan nou'n koze nou'n vvar poudir ti ava bon nou fer sa bann restriktirasyon ansanm.

E akoz nou a pe koz lo Lezislasyon, *PS* pa'n *take over*. Nou annan en laranzman entern ki'n ganny fer ki serten louvraz i kapab ganny fer ansanm avek *Board* avek departman.

E *PS* i kapab donn plis detay lo la, lo bann laranzman entern ki'n arive, pou ki ansanm nou pe travay pou menm bi, ki letan Lezislasyon prezan i ava pase dan Lasamble, la prezan nou a kapab fer sa bann mouvman.

Me selman nou pe dir nou pe ganny enkorporasyon avek sa *Chairperson* avek son *Board* pou kapab fer serten travay. E anmezir o firanmezir bann lenformasyon, si i pa ankor arriv kot *PS* Bonne mon mazinen i ava arive, sorti kot sa *Board* e sorti kot sa bann anplwayer ki travay a plentan. E mon ti ava kontan ki *PS* Bonne i elarzir en

pti git lo la. E apre i reponn sa bann larestan kestyon. Mersi Mr Chair.

MR SPEAKER

Mersi. PS.

PS MARIE JOSEE BONNE

Pou napa tro gran keksoz ki mon'n azoute. Me an sa ki konsern *the Disabled Trust Fund* e nesesite petet pou serten dimoun ganny sipor, zot kapab kontinyen vin anba *Unity House* kot Mrs Celine Franchise konman *executive secretary* e li i pou pran bann lenformasyon e nou ava regarde ki mannyer sa endividé i kapab ganny siporte.

Parske kantmenm mon pa konn mon napa sa dosye dan mon lanmen, me selman in aviz mwan en pti pe lo ki mannyer fonksyonnen. E i annan enn de dimoun ki deza i pe *process* pou ganny lasistans sirtou avek *wheelchairs*.

Mon pa pe kapab dir konbyen dimoun in ganny asiste, ki bann proze ki i annan ki reste pou annan pou fer, me selman nou ava regard dan sa sityasyon. Parey Minis i dir nou bezwen travay an kolaborasyon avek sa bann manm *Board* ki deza egziste, e ki pou kontinyen donn sipor kantmenm zot pa

pou en *fee paying Board member.* Mersi.

MR SPEAKER

Mersi. Onorab Zialor.

HON NADDY ZIALOR

Mersi Mr Speaker. Bonn apre midi zot tou. *Anyway* laplipar enn de bann sa ki mon ti pou koz lo la in ganny touse. Me selman petet mon anvi ed en ptigin Minis avek *PS* lo *panel*. Konsernan *database* i annan de keksoz en - ou annan *disabled support group* dan bann distrik e sa 27 distrik i annan sa. E dan tou Ladministrasyon Distrik, ou annan lalis bann dimoun ki pe viv avek dezabilite.

E lo nivo nasyonal si mon memwar i bon, a en moman donnen pandan sa dernyen 5an a 10an la in annan en serten lenformasyon ki ti ganny kolekte.

Me sa ki merit ganny fer mon mazinen se annou *update* sa ki nou annan parske si mon memwar i bon, i annan apepre, apepre 2500 dimoun ki pe viv avek dezabilite isi Sesel.

E i annan sa nesesite pou *update* sa lenformasyon e met azour baze lo diferan kalite dezabilite ki i annan pou nou kapab bouz devan.

Mon annan de pti pwen ki mon ti a kontan met devan zot, enn se *Disability Trust Fund* ki Onorab Lemiel in koz lo la.

Ou konnen mon pa konnen, me selman mon santi ki i annan en mankman *adapted equipment* pou bann dimoun ki pe viv avek en dezabilite Sesel. Tannie i en legzanp e mon annan lezot dimoun. Enn bann rezon petet akoz zot deor laba ou annan dimoun ki pe vwar li difisil se ki nou annan sa mankman.

So mon pa konnen si a lavenir nou pe mazin ouver sa *Trust Fund*, met en pti pe plis resours ladan. An menm tan atraver *advocacy* ki mon mazinen i pou en *area* ki ou departman pou bezwen pe travay bokou lo la. Nou pou osi regarde ki fason nou fer lenplimantasyon Konvansyon. Tout an respektan rekomandasyon ki *United Nation* ti fer avek Sesel an 2010 si mon pa tronpe.

Prezan VTC, Minis petet deor laba i annan en pe konfizyon par lefe ki ler sa tranzisyon in vini, petet i annan sa separasyon ant departman *Council* avek VTC.

Me selman an menm tan nou bezwen vwar pou regarde ki fason nou bouz de lavan. Parey Onorab in dir nou bezwen

annan en *entry point* nou bezwen annan en *exit point*.

Nou bezwen annan en akreditasyon, pou sa bann etidyan ki pe antre dan sa sant an menm tan petet *Respite Care* mon pa konnen zot in fer provizyon dan Bidze. Me pli enportan ki fason ki nou tous bann dimoun dan kominate ki pe viv avek en dezabilite.

E letan nou pe koz *employment* mon pa konnen petet dan bann programm ki mannyer nou kapab ankouraz bann dimoun ki dan lakour pou fer enterprenarya pou zener reveni. E mon pa konnen si *PS* petet dan ou restriktirasyon oubyen dan ou larepons ou kapab donn nou en ptigin ki direksyon ki nou pe ale, parske *over the years* si ou demann mwan mon lopinyon personnel *Council* in li tousel. In li tousel. Mersi Mr Speaker.

MR SPEAKER

Mersi Onorab. *PS* a konmanse.

PS MARIE JOSEE BONNE

Pou lenstan Onorab, pa ankor annan separasyon, i bann pwen ki nou pe vvar an sa ki konsern *VTC* ek *NCFD* li menm.

Me selman parey *Minister* in dir nou pe vvar li dan sa nouvo perspektiv ki nou pe anvizaze anmenn sa divizyon

pou *Elderly* ek *Disabled* ki pou regard dan tou sa bann diferan fonksyon.

E an sa ki konsern *advocacy* definitivman sa i enn bann nou pwen for nou le fer sir ki nou, nou annan bann *outreach* sa i pou en pwen ki sa Departman Lafanmir i pou travay for lo la. E sa pou enkli tou bann diferan group dan nou sositete.

Onorab mon'n krwar mon'n reponn ou bann kestyon. Mersi. E an sa ki konsern *the database* wi, i en kestyon ki nou met en keksoz azour ki nou kapab vvar sa realite ki mannyer i été ozordi. Akoz sa lot *study* ki ti ganny fer i en pti pe *outdated* e nou bezwen ganny nou bann *profiling* byen menm. Mersi.

MR SPEAKER

Mersi. Onorab Michel Roucou.

HON MICHEL ROUCOU

Mersi Mr Chair. Bonn apre midi ankor a tous. Mr Chair petet mon a pran sa moman letan osi pou mon remersi Mrs Joudanne Ernesta ek son tim ki zot travay avek bann *disabled*. Souvandfwa mon ganny sans pou mon *attend* plizer zot aktivite. Zot vreman an mouvman, mon a dir zot mersi.

E mon kestyon ki mon pou demann avek *panel* se ki nou annan osi bann dimoun ki pe travay osi ek sa group dimoun spesyal. E mon mazinen ennler poudir osi zot bezwen en pe latansyon akoz i pa sitan fasil i annan sa group dimoun ki petet zot, zot pa bouz ditou zot reste la kot lakaz.

E souvandfwa sa bann dimoun i vvar zot, zot tousel avek sa bann dimoun kot personn pa pase pou vizit zot donn zot en pti pe sa latansyon, pou konn en pti pe zot konsern petet mon a demande ki sa osi petet i devret ganny konsiderasyon pou met sa group dimoun osi tou ladan.

Mon dezyenm kestyon an term lo nou, nou bann *Special Olympic* bann atlet spesyal, ki al *compete* ki anmenn bokou meday pou nou. Zot osi mon panse poudir zot devret ganny en pe plis sa latansyon. Donn zot en pti pe plis sa lankourazman, ki akoz souvandfwa nou vvar zot si mon pa tronpe zot ki anmenn en pti pe plis meday dan pei, e apre zis ou tann i fini lanmenm.

Si mon pa tronpe tou dernyerman la aprezan ki nou vvar ki zot pe ganny enkli dan *Sport Award*. Zot osi zot devret pe ganny plis sa latansyon lo kote sa.

Apre Mr Chair mon vvar poudir bokou sa bann dimoun spesyal, ki i annan bann gardyen ki tant pou abiz zot. Swa zot pran zot larzan, swa i pa okip zot byen vvar zot pe marse nevergonde dan semen. Konmsi sa osi sa devret ganny gete. Mersi.

MR SPEAKER

Mersi. Wi Minis.

MINISTER MARIE-CELINE ZIALOR

Mersi Mr Chair. Mersi pou ou 3 kestyon mon a pran sa enn dezyenm apre PS i ava koz lo *respite* apre kekfwa bann ka labi.

Lo *Special Olympic* sa tansyon sa i dan Bidze NSC. I annan programm spesyal definitivman mon krwar ou komanter i vreman solid dan sa kote e i pa zis sa. Mon ti anvi azoute ki i annan en kantite lentere enternasyonal tou pou nou fer bann konpetisyon enternasyonal par lao *Olympic* Sesel.

E sa i pou anmenn bokou leksitasyon dan sa *monde* bann atlet *Special Olympics* pou nou kapab elev zot - elev zot nivo donn zot plis lenportans, e selman sa i anba Bidze NSC i annan programm spesyal pou sa mon a envit PS Bonne pou

koz lo sa de lezot kestyon.
Mersi.

MR SPEAKER

Mersi wi PS.

PS MARIE JOSEE BONNE

Onorab sa ki an se ki konsern *Respite Care*, mon krwar nou tou nou okouran ki nou bezwen regard sa eleman *caring for carers*. E i en keksoz ki'n ganny neglize wi en bon pe me nou pou bezwen vvar ki mannyer nou kapab donn sipor sa bann dimoun ki *care for zot pros*.

Akoz par labitud sa *carer* i en manm fanmir i kapab en manman, i kapab en granmanman me selman i *take care* pou sa endividé.

E nou pou bezwen war ki mannyer nou kapab donn li sipor nou pou bezwen vvar ki kalite programm kekfwa nou kapab met an plas. E ki kalite sipor nou pe kapab arive gannyen atraver bann lezot aktivite ki kapab arive ganny fer. Mersi bokou.

MR SPEAKER

Mersi. Onorab Vidot.

HON AUDREY VIDOT

Mersi Mr Chair. Mr Chairman mon pou siport konsern leve par Onorab Bistoquet. Akoz nou bann

dimoun pe pas dan sa bann difikilte, zisteman akoz an rezulta desizyon nouveau Gouvernman pou koup bann brans, san mazinen poudir nou annan dimoun ki vilnerab, parey mon koleg pe fer resorti.

Alors Minisou, dan ou diskisyon avek ou bann koleg Minis, *please* fer sorti sa bann pwen.

E lo sa pwen mon oule fer en lapel avek Minis, avek Konsey, dan zot programm atraver sa Bidze, si zot kapab ranforsi sa mankman pou bann paran e manm fanmir ki pe okip bann zanfan e adilt ki otis. Akoz i annan ki menm i *carer* avek 2;- 2 zanfan oubyen 2 adilt.

Nou ti a kontan si PS, petet ti kapab partaz lakonplisman lo poursantaz zanfan ou adilt avek otizm ki'n vreman benefisyé atraver sipor e proze anba *Disabled Trust Fund*. E akoz Minis, mon oule fer sorti tre byen for sa bann pwen.

Akoz i annan zanfan ek adilt ozordi, zanfan ki'n vin adilt ozordi. E zot bann endividé ki kapab devlop zot abilité si zot ganny sipor.

Alors, atraver, pou mon donn mon sipor, *full* sipor sa Bidze, donn nou sa, asir nou ki Konsey i kapab byen, amplifie

zot koneksyon avek lasosyasyon e bann paran ki bezwen bann sipor.

Akoz mwan dan mon distrik Roche Caiman, mon annan paran ki bezwen led e mon menm konn dan mon rezyon parey Plaisance, zot annan, zot annan paran ki bezwen sa sipor avek Konsey. Mersi.

MR SPEAKER

Mersi Onorab. Yes.

PS MARIE JOSEE BONNE

Mersi Onorab. Mon toutafe dakor avek ou ki nou bezwen ranforsi sipor ki nou donn nou bann dimoun, sirtou bann ki *autistic* e bann ki soufer avek petet bann lezot eleman ki anpes zot pou zot kapab partisip aktivman dan nou sosyete.

E nou bezwen konnen osi poudir isi Sessel, nou pa ankor arriv a en nivo ki nou kapab dir ki nou pe *cater for the needs of specific groups* dan nou sosyete. Nou pou bezwen arive fer li.

Nou bezwen rod nou fason pou nou fer li. E mon toutafe dakor avek ou, mon pou donn ou konmsi tou mon sipor, mon a met tou mon lenerzi pou nou kapab arive fer sa bann sanzman. Mersi.

MR SPEAKER

Mersi. Mon'n termin mon lalis. Nou ava pas lo vot pou sa Bidze. Pardon. Be ou'n deza pase ou Onorab Pillay. Wi ou'n pran kestyon. Ok. Ou annan, ou annan, wi, wi.

Nou annan en laranzman, nou annan en laranzman ki bann *Leaders* pou gannyen dernyen laparol. Sa mon respekte. Selman mon'n osi demann zot pou si zot annan kestyon, sinal mwan. Akoz si zot napa kestyon, mon prefere pase.

Alor Minis, alor *Leader Lopozisyon*, taler ou ti'n lev lanmen ou. Mon pa konnen, mon'n blye si, ki pwen ou ti fer. Selman preznan la nou a obzerv sa promes e nou a permet ou sa dernyen kestyon. Wi.

HON SEBASTIEN PILLAY

Mersi Mr Chairman, mersi pou gard promes. Mon annan en size ki pe konsern nou lo sa kote latab Minis Zialor petet ou kapab klarifye pou nou. Nou konpran, zot pe sanz kad administrativ.

E i pa nou lentansyon pou, nou pa pe *push back*. Me dan lepase ti en fason *and then* nou'n sanz li, preznan nou pe resanz li ankor. Nou bi se rod mwayen ki mannyer sa i mars pli byen.

Prezan lo kestyon Onorab Cosgrow taler, *PS These* ti dir avek nou koumsa, poudir Gouvernman pe re *align* bann *non-core services, ok.* Bann ki ti *outsourcing* pou met dan Gouvernman.

Ki fer ki nou pou re grosi *nominal roll from sa perspective.* Be selman nou *still annan bann redundancies* ki pe *go on.* Petet koman en pwen konsern Minis, nou ti ava kontan ki Gouvernman i konsider sa 2 koneksyon ant le 2.

Akoz ler ou retourne sa bann dimoun ki lo *outsourcing* lo *nominal roll* i re grosi sa *nominal roll, but at the same time* ou pe annan *redundancy,* So petet *PS* i kapab klarifye sa.

An se ki konsern serten diskisyon ki nou'n gannyen la lo Bidze, *Minister* nou kontan ki *PS Bonne* in korize ki nou annan en *database*, me ki bezwen ganny *updated.*

Akoz mon'n vwar en *expression of interest* ki nou ti pey, swadizan nou'n pey en dimoun ki'n fer en *research* pou prepar en *database* pou nou. So *wherever it is, it should be somewhere.*

Me kestyon fondamantal ki mon oule demann ou Minis Zialor, mon konsernen akoz mon bi se siport sa Bidze, akoz

mon anvi vvar li marse pou bann *disabled.*

So ki kalite reasiran ki ou kapab donn nou, ki sa larzan ki nou pe met dan sa Bidze, pou permet ou travay lo bann programm ki kapab dil avek problemm ki bann dimoun ki fer fas ek dezabilite oubyen otreman kapab pe fer fas avek? 1.)

E si ou kapab asire ki ou annan en *stronger interface* vizavi bann lazans ki *provide* lezot sipor tel koman *ASP?* 2). Eske ou kapab annan en *stronger interface* vizavi bann Lazans parey *MLUH*, an se ki konsern bann *Planning Laws*, bann *rules* ki ganny met an plas, pou *allow* bann *disabled access?*

E ki kalite sipor ou pou rode anba Bidze ki ou'n gannyen pou anmenn bann dimoun ki kapab ed ou fer sa bann travay pou zisteman *improve* kondisyon bann dimoun ki pe viv avek dezabilite dan nou pei ozordi? Mersi Mr Chairman.

MR SPEAKER

Mersi Onorab. Wi Minis.

MINISTER MARIE-CELINE ZIALOR

Mersi Mr Chair. Mersi Onorab pou ou bann kestyon ki

mon ti ava dabor petet kekfwa les PS Thesee re ekliersi en pti gin sa pwen lo zafer *outsourcing* avek *non-core services*, apre mon ti ava pran sa bann larestan pwen. Mersi Mr Chair.

MR SPEAKER

Mersi. *PS* Thesee.

PS DAMIEN THESEE

Mersi Mr Chair. So nou bezwen met antet ki bokou sa bann servis ki nou dir *outsourcing* i pa neseserman *outsourcing*, akoz i pa'n vreman ganny *apply koman basically outsourcing* sa bann servis.

Nou'n fer, nou kapab dir en zapon avek sa kalite laranzman. In sorti, nou'n met li lo '*goods and services*'. Solman nou'n donn li *the same terms and condition as* en anplwaye Gouvernman.

So zis son klasifikasyon ki pe plizoumwen kasyet sa kalite laranzman. E nou ganny bokou konplikasyon. Par egzanp lo *tax* e dezyenmman zot bann benefis lanplwa si zot kite. Si zot *entitled* zot konpansasyon.

E si i annan *increase* dan saler Gouvernman, si i fer bann *increase*, si i donn okenn *Scheme*, okenn *incentives, long service*, ou vwar sa dimoun i demande. So pou senplifye

keksoz e realize ki sa fonksyon i bezwen.

Mon krwar apre 10an ler nou gete sa bann fonksyon i neseser, nou bezwen retourn li. Par kont i annan bann *outsourcing* ki ganny fer pandan bann lannen ki vreman *outsourcing*.

Par egzanp *maintenance aircon*. La nou pa'n fer okenn lankadreman pou met sa bann dimoun. Nou pran bann konpannyen prive ler i annan *maintenance aircon* pou fer, zot vini, zot *maintain aircon*, zot ale, zot bouze.

Me sa bann ki nou annan la, i *full time* avek Gouvernman toulezour dan bann landrwa Gouvernman. So menm si i annan sa kontrent *nominal roll* pou *increase*, me i en fonksyon ki neseser ek Gouvernman. Mersi.

MR SPEAKER

Minis ou a repran.

MINISTER MARIE-CELINE ZIALOR

Wi, mersi Mr Chair. Pou lot kestyon, Onorab ti en konsern. Lo kote reasiran premyerman lo sa Bidze ki nou'n gannyen pou nou kapab deservi sa bann fonksyon.

E mon krwar mon pou reponn li avek sa dezyenm ki in

demande konsernan sa bann *interface*. E eski nou pou rod sipor ki nou bezwen avek bann diferan lazans avek lezot departman konsernen, pou nou kapab fer sa.

Be sa i egzakteman sa bann reform ki nou pe anmennen li. I en bann reform ki i parey mon ti pe dir, prensip ‘Smart.’

E akoz en kantite fwa nou kapab fer en kantite keksoz, zis nou re aranz lafason ki mannyer nou fer keksoz, re aranz stratezi, reget keksoz dan en lot perspektiv.

E sa keksoz ki ou pe regarde i sanze, ler ou sanz ou perspektiv ki mannyer ou’n nobou kapab regard li. E sa i neseser ki nou annan bann dimoun an deor ki pe vini definitivman.

Akoz annan ler letan ou’n tro ladan, ou pa vwar, i demann en dimoun. E i annan ase bann dimoun kalifye, Seselwa isi ki nou pe konmans ganny zot, zot pe vini, avek zot bann konesans.

En kantite ki ti’n la en pe letan, kekfwa in, pou serten fristrasyon zot pa ti’n avans devan ouswa in vini zot pa’n ganny ekoute zot in al dan zot trou.

Zot pe konmans sorti e zot pe konmans vin donn nou

sipor, e zot pe konmans anmenn zot bann abilite pou nou kapab regarde ki mannyer avek sa Bidze ki nou annan la, kot nou kapab anmenn sa bann dimoun, fer bann platform e anmenn, sa ki mon dir *participatory management* ki bokou plis dimoun i partisipe. Akoz sa, i en zafer konsern tou dimoun.

Nou pa konnen demen lekel antre nou la, ki ganny enn parmi nou fanmir ki ‘otreman kapab’, ouswa nou menm nou, nou vin en dimoun ki ‘otreman kapab.’ E alors nou anvi *inclusivité* fer sa dan sa fason.

E mon ti ava zis kontan konsernan sa bann sanzman, sa bann model ki Onorab in dir poudir i en pe konsernen lo zot kote. E sa mon konpran. Mon konpran vreman akoz la nou pe sanz fason fer keksoz.

E sa bann konsern, mon mazinen i *genuine*. Be selman si nou pa fer keksoz diferaman, mon krwar nou pou ganny menm rezulta ki nou ti pe gannyen oparavan. E nou pou bezwen sanz fason fer.

E an mezir nou ale, fer sa ki nou apel *action research* an mezir nou anmas lenformasyon, nou mezir lenpak e nou kapab redrese kot nou santi nou merit redrese. Mon pa konnen si mon’n

reponn tou kestyon Onorab, Mr Chair.

MR SPEAKER

Wi Minis, sanble mwan non. Wi Onorab *LOTO*.

HON SEBASTIEN PILLAY

Mersi Mr Chairman. Mr Chairman mon pa pou al dan en deba avek Minis lo sa ki in dir mwan. Akoz sa i nouveau Polisi nouveau Gouvernman.

Nou, nou la koman lopozisyon, pou nou *raise* bann konsern ler i annan, Gouvernman *free* pou li pran, pou li pa pran.

Me an relasyon avek konsern, mon oule met enn devan Minis, ki mon'n ganny en biznesmenn ki'n *text* mwan, ki'n dir mon poudir enform Minister Finans ki sa prosesis met en *Suspense Account* kot tou bann *BOTs, Board of Trusties* pou bank zot larzan, i pa neseserman *the best idea* posib.

Akoz si li i reste dan en distrik kot i oule asiste en *particular Home* dan sa distrik, *how*, ki mannyer li i kapab asire ki ler i met sa larzan, sa larzan i pou al pou sa distrik? Sa i zis en konsern mon pe met devan Minis, pou fer sir ki Minis i ganny tou zouti posib dan sa reform ki i pe fer, pou li kapab

fer son travay. Mersi Mr Chairman.

MR SPEAKER

Minis ou a note. Ou oule adrese?

MINISTER ZIALOR **MARIE-CELINE**

Wi. Mon ti ava kontan dir poudir i annan diferan fason fer keksoz. Par egzanp, pa neseserman ki toulstan fodre i larzan likid ki pe al dan en *fund*.

Bann dimoun ki pe ekout nou, ki ti a byen kontan ed bann dimoun 'otreman kapab', zot kapab fer sa atraver departman.

E *in-kind* zot a kapab, si zot anvi adopte, parey i annan ki adopte *home*, ouswa ki anvi adopte en distrik avek tou son bann dimoun otreman kapab ladan, mon krwar nou kapab *accommodate*. Ki sa dimoun i a kapab fer sa, si li i oule fer kontribisyon spesifikman pou sa distrik.

E apre tou fason nou pe vin avek en model lapros, baze lo kominote ansanm avek *Local Government* ki, pa tou servis ek programm ki pou nasyonal. En kantite bann programm ek servis, i pou bezwen al lo en baz kominoter konpare ek ki mannyer i ti pe ganny fer avan.

Mon krwar sa i en fason pli byen pou kapab enplimante pou nou ganny lenpak. E mon ti ava profite pou demann tou bann Manm Onorab pou siport nou, akoz zot bann Manm Elekte dan zot distrik avek sa bann programm letan i vin kot zot. Mersi Mr Chair.

MR SPEAKER

Mersi Minis. Nou a pran vot lo Bidze *National Council for the Disabled* lo paz 254 ziskan 258 pou en sonm R2milyon 709 mil. Manm ki vot an faver lev lanmen silvouple. Okenn Manm ki kont?

Vot pou *National Council for the Disabled* lo paz 254 ziskan 258 pou Bidze total R2 milyon 709 mil in ganny 32 vot pour, 0 vot kont e 0 abstansyon. Alor mon deklare ki Lasanble in aprouv sa Bidze.

Nou a pran en lot antite. E mon krwar la nou bezwen dir mersi e orevwar bann zofisyen *National Council for the Disabled* e osi lot *Council* ki zot in dil avek. Mersi Ms Bonne e Ms Pool. Nou ava apel lot delegasyon silvouple.

NATIONAL COUNCIL FOR CHILDREN

MR SPEAKER

Bonn apre midi e nou swet labyenveni bann zofisyen *National Council for Children*. Nou annan avek nou Mrs Yasmin Umarji, *Chief Executive Officer* e Ms Fabiola Payet, *Accounts Officer*. Alor nou a komans avek Bidze *National Council for Children* ki lo paz 244 ziskan 249, pou en total R13 milyon 766 mil. Minis ou a fer lentrodiksyon *please*.

MINISTER MARIE-CELINE ZIALOR

Mersi Mr Chair. E koreksyon sa Bidze ki nou a pe demann Lasanble Nasyonal pou aprouve i 13.6 milyon, i en pti gin mwens ki sa enn 13.7 milyon ki ti la pou 2020.

E Konsey Nasyonal bann Zanfan i la pou li sofgard, regard proteksyon e apre *advocacy* pou bann zanfan. E i osi i annan serten restriktirasyon ki'n deza komanse depi avan ler mon vini par son novo *CEO*, Mrs Umarji ki la, ki ava donn en pti pe plis detay lo sa Konsey. Mersi Mr Chair.

MR SPEAKER

Bon, nou a komans avek kestyon bann Manm. Nou a komans avek Onorab Lemiell.

HON SYLVANNE LEMIEL

Mersi Mr Chair. Bonn apre midi madanm *CEO, welcome*. Mon kestyon i *comme swivan*;

Mon vwar ki dan zot bann *challenges* ki zot pe dir zot annan Minis, enn primordyal ki petet mon krwar nou ti a kontan ganny en pe detay lo la, se *duplication* dan bann servis ki ofer bann servis a bann zanfan, bann zenn dimoun.

I annan diferan lorganizasyon ki pe fer sa. E NCC i vwar ki sa i en problem. Alors zot pe dir ki i demann en *mapping exercise* pou zot ganny plis bann, pou zot *gather* bann lenformasyon, e petet i ava kapab fasilit zot travay.

Dan sa *mapping exercise* ki zot pe mazin pe fer, si sa i enn zot *challenge*, eski NCC li menm li i santi i annan sa kapasite pou li petet antreprann sa legzersis li menm?

Dezyenmman, ki relasyon travay NCC avek *First Lady*? Apre mon vwar ki i annan en ogmantasyon dan latab 2, ‘*materials and supplies*,’ i annan en *increase*. Mon ti a kontan konnen akoz sa logmantasyon?

Apre osi dan ‘*goods and services*,’ i annan en ogmantasyon, mon war zot pe met *landscaping and cleaning*,

konmsi i paret mwan zot pe ogmante ladan. Petet mon ti a kontan konnen rezon akoz e si zot *outsource* sa servis? Apre konbyen *staff* zot annan kot NCC? Mersi.

MR SPEAKER

Mersi. *CEO* ou a aborde.

CEO YASMIN UMARJI

Mersi Mr Chair e mersi Onorab. Pou reponn ou bann kestyon, *diplikasyon of services*. Rezon nou’n met sa, akoz nou santi kot NCC, *ok*, nou napa sa kapasite, me nou ti a kontan konnen, nou antann bokou NGOs, i donn sa servis.

Nou annan kot *Social Services, Health*. Alor nou ti a kontan konnen. Koumsa ler kliyan i vin kot nou, nou, nou pa kapab donn sa servis. Nou kapab *signpost* zot kote zot kapab al sers sa servis.

Be apre osi nou’n osi dekouver ki 1, 2 fwa bann fanmir i al kot diferan dimoun ki pe donn sa servis, zot ganny diferan mesaz. E sa i koz en pe konfizyon.

Alor zot vin kot nou, zot dir anr in dir nou pran sa, sa i vedir pou travay ek nou zanfan, nou’n al kot lot, in dir nou fer koumsa, lot koumsa. Be nou anvi konmsi redwir sa.

Nou ti a kontan sa fanmir i ganny menm mesaz ler i al pran servis ek diferan. Nou pa anvi arete sa. Nou ti a kontan annan sa *menu*. I enportan, i annan *choix* pou en fanmir. I pa kapab zis al kot NCC, non.

I bezwen annan *choix*. Me selman nou ti a kontan nou tou nou donn sa menm mesaz. E se sa ki nou ti a kontan sa *mapping exercise*, kan nou konnen nou ti ava fer ler nou fer nou *training*.

Nou ti ava dir, *be this is*, sa ki nou, nou kouver, alor nou fer sir nou *share* sa bann stratezik avek tou lezot dimoun tou. Mersi.

Wi, apre lot zafer *landscaping*, i zis, i en *landscaping* sa nou pe pey menm larzan, selman avan sa, i ti dan en, nou ti anba, *sorry*, mon pe zis rod li la. Nou ti'n met li, selman nou ti'n kouver li. I pa novo, i menm kontra ki pe okip sa *landscaping* kot *Village*.

Zis nou'n sanz son *Code*. In al dan *landscaping instead of maintenance*. Alor i menm kantite *amount*. Epi en lot kestyon ou ti demann mwan, zafer *materials* avek *supplies*.

E sa osi akoz pri manze in monte, nou'n met plis kot manze pou bann zanfan. Nou ti pe tyeke, nou gannyen

donasyon, selman nou'n tyeke, bokou ladan i bann *increment* ki nou bezwen.

Apre parey *consumables* la, nou servi en pe plis pou nou netwaye. Kot nou annan zanfan, nou bezwen netwaye bann *sanitization* i en pe plis. Alors sa in ogmante nou '*materials and goods*'. Mersi.

Anr, *First Lady* i ti'n vin vizit nou, mersi. E nou ti a kontan travay ek li akoz i enterese dan zanfan. Be nou pa ankor ganny byen en parol poudir be ki sa ki nou pou support.

Nou pa ankor ariv sa, in vizit nou, i dir i *very interested* pou, ki mannyer mon kapab dir, en *Patron for children*. Be nou pa ankor come to an arrangement. Nou pa ankor ganny en laranzman ki mannyer nou pou travay. Me nou ti a kontan travay avek li definitivman. Mersi.

Anr staff. Nou annan 15, NCC kot nou biro. Epi nou annan 33 kot Vilaz ki pe travay. Savedir si ou gete an tou nou annan 48. Mersi.

MR SPEAKER

Mon krwar sa ti dernyen pwen. Onorab William.

HON WAVEN WILLIAM

Mersi Mr Chairman. Bonn apre midi reprezantan NCC. Mr Chairman mon pe refer avek latab 5 lo ‘*performance measures*’ for program ki trouve lo paz 48, 248. Mon anvi ganny en pti lesplikasyon. Akoz letan mon pe get 2019, 2020, en bon pe sa bann endikater pa ti la. So ki ti pe arive, ki kalite lenformasyon ki zot ti pe anmase? E an menm tan i fer ou demann ou lekor, ki vreman travay zot ti pe fer?

Akoz ler ou regarde, ti napa vreman bann target ouswa bann mezir zot ti pe pran. So, kwa ki novo la, pe fer zot met sa? An menm tan mon pe regard lo sa *item number 1*.

Eski zot in fini idantife sa bann lekol kot zot pou al donn sa bann kalite *training*? Si ou kapab dir ek sa Lasanble, lekel sa bann lekol ki zot in idantife, dan tip 5? Epi donn nou en pti lesplikasyon, akoz sa latab i enterese.

Pou nou koman en Manm Parlman ki pe fer *oversight*, an menm tan dan nou distrik, pou nou kapab swivre egzakteman, si sa ki zot pe dir nou, pe vreman arive, ouswa pou al arive.

So i en kestyion kot nou, nou bezwen swivre e regarde. Eski larzan ki pe ganny

donnen, sa bann travay pe ganny fer? Mersi.

MR SPEAKER

Mersi. Minis, CEO.

CEO YASMIN UMARJI

Mersi pou ou kestyion Onorab. Pou mon reponn sa latab, 2019 ek 2020 ler mon’n tyeke ti annan bann *training request* ki zot ti’n mete.

Akoz bann target ki nou’n mete i novo, nou pa’n kapab met li, nou’n met *not available*, konmsi akoz nou nou’n set new target, bann novo target ki pa ti dan, ti avan. Alors sanmenm sa i met *not available*.

Apre pou lot kestyion bann lekol, bann 5 lekol, definitivman nou anvi envit La Digue avek Praslin, sa i enn sa bann lekol ki nou anvi travay avek, nou anvi travay avek La Digue oubyen Praslin dan sa 5 lekol.

Nou pe fer, konmsi nou anvi sey kouver as many kantite lekol ki nou kapab. E pou nou fer sa, nou dir nou a fer 5 lekol la, 10 apre 15. Koumsa nou ava’n kouver apepre 30 lekol.

Be sa 5 lekol ki nou’n gete, bann non ki zot in donn mwan, se zot pe rod enn dan Sid, enn dan Nor enn Santral apre ti e

get lo *Outer Islands definitely*, sa.

E la se moman, akoz *restrictions*, nou pa ankor ganny byen bann non lekol, akoz mon pa oule zot *duplicate*.

Si zot pe fer sa lekol, mon ti'n demann mon zofisyé poudir fer sir si ou pe donn en lekol sa *training* ki ou pe fer *parenting*, donn en lot lekol si ou pe fer *safeguarding*, ou konpran. Koumsa nou kapab travay ek plis lekol ki 5 *at one time*.

Be i annan lekol ki'n vin dan, ki mwan mon konnen ki zot in *identified*, ti annan Anse Royale zot ti pe koz avek, lekol Anse Royale. Zot in *mention* lekol Mont Fleuri, zot in *mention* Beau Vallon.

Sa 3 lekol definitivman. Me selman mon krwar pa si sa in ganny *shared yet*, akoz bann restriksyon, nou annan pou still travay ek *Minister of Education*.

MR SPEAKER

Wi Onorab William.

HON WAVEN WILLIAM

Mersi pou ou larepons. Me selman mon anvi komant en pti pe lo la plis. Akoz mon santi poudir o nivo nasyonal, mon santi nou annan en gro problemm vizavi devlopman nou bann zenn dan lekol.

E an menm tan lo kote sa eleman disiplin. So letan mon pe regard sa latab ki la, i pa donn nou bokou lespraw. Petet mon ti a demande ki i annan plis lanfaz, e eski i annan bann lezot lazans ankor dan sa rol *collaborative* ki pou ede.

Akoz, problemm ki nou annan la, e mon kontan vvar poudir zot pe *recruit* ankor 5 dimoun pou *Presidential Village*, akoz laba osi i annan en ta problemm.

Me o nivo bann lekol, mon get dan nou rezyon sirtou, mon santi poudir sa *pace* ki zot pe al lo la, mon pa konnen ki mannyer zot pou kapab petet *speed up* en pti pe, e, ouswa donn plis bann sesyon *training*. Mersi.

MR SPEAKER

Wi, CEO.

CEO YASMIN UMARJI

Mersi Onorab. Mon a eksplik ou. Ler nou dir nou pe fer *training*, sa *trainer* i pou *train the trainers*. Konmsi ler nou al dan bann lekol, nou pou *train* sa bann *teachers* e zot ki pou delivre dan bann lekol.

Konmsi nou anvi *built* kapasite. Nou pa oule zis NCC, nou anvi NCC i donn lezot dimoun, bann *teachers*, even bann zanfan, sa kapasite pou

zot kapab delivre sa mesaz ki NCC i anvi zot delivre.

Alor i pou, pa pou *rely zis* lo NCC ki pou fer. Bann zanfan, bann *teachers* osi pou ganny *train*. Se sa ki nou pou fer. Se sa ki mannyer nou pou delivre sa bann *training session* ki nou'n mete. Nou pa pou fer li nou tousel. Mersi.

MR SPEAKER

Mersi. Onorab Ghislain. Ou ti annan kestyon?

HON CHANTAL GHISLAIN

Bonn apre midi tou dimoun. Mon kestyon, avan mon kestyon, mon ti a zis voudre pas en pti komanter. Lefet ki koman en Digwaz, i fer mon ase fyer ki, mon pa rapel in annan okenn zanfan La Digue ki'n al reste dan okenn *Home*.

And kekfwa mon kapab dir, poudir nou, kekfwa nou kapab zer nou problem en pe pli byen, i pa vedir selman ki napa problem zanfan. Me selman pou zot sorti, pou ganny tire pou al dan *Home*, mon pa rapel i annan.

Me selman mon konsern i annan pou fer avek '*wages and salaries*.' Mon vwar i annan en gran koupman, preski dir R1 milyon, sorti R2.374milyon, pou ariv, R1.484milyon. Mon pe regarde, anba '*wages and*

salaries' kot governance management and administration.

Mon pe re-adres sa koupir, i akoz si i annan dimoun ki pe perdi zot plas travay? Mon i a voudre konnen. E apre lo kot Vilaz, Vilaz Prezidan.

Mon rapel ti annan en serten letan kot bann zanfan dan Vilaz, menm si zot reste dan Vilaz, zot *still* resevwar sa larzan *as* en bann zanfan ki, zot *still* resevwar zot benefis bann zanfan orfelen.

Mon pe regarde si zot *still* ankor resevwar sa, sa? *And* si i vini lo la, si zot ankor pe resevwar sa, ki mannyer sa bann larzan i kontinyelman ganny zere?

And pou redvelopman ouswa pou fer sir ki sa bann zanfan vreman zot pa zis ganny manze ouswa en landrwa reste, me selman zot annan keksoz ki ganny fer avek zot larzan. Menm si zot pa tous sa larzan fransman dan zot lanmen.

Akoz zot pa tous dan zot lanmen, me selman se sa *Home* vreman ki gannyen, ouswa sa fondasyon ki ti zer sa ban *Home*, ki ti gannyen. Mersi.

MR SPEAKER

Mersi. CEO.

CEO YASMIN UMARJI

Mersi Onorab. Mon ava eksplik ‘wages and salaries.’ Rezon in redwir se akoz dan 2020 ti annan *compensation* pou fer, ti annan en *retiring CEO*, e sa ti annan bokou, nou ti bezwen pey bokou konpansasyon.

E mon ler mon’n vini, sorry mon pe dir ou. Mon saler i pli mwens ki sa *previous CEO*, alors sa en *saving* ki nou’n fer. Epi nou ti, *also* dan 2020, nou ti annan kontra, nou ti pe renouvle 2 kontra.

Epi nou ti’n reget bokou *salary*. Mon menm mwan ler mon’n vini, ler mon’n vini mon’n kestyion en kantite. Akfer nou fer sa koumsa? Konbyen sa i koute. Eski i vre, apre ti napa bokou *Scheme of Service National Council*.

Prezan la i anba *family* ki nou pe get byen, ki mannyer i Gouvernman i travay. Mon pe seye koman *the new CEO*, mon pe sey *align* bokou keksoz avek *DPA* ek zot sistenm ki mon war ti manke.

E ler nou’n fer sa, nou’n bezwen ogmant bokou saler, sirtou bann dimoun ki pe travay lo Vilaz. Akoz zot pa ti pe ganny pey byen, *sorry to say*. Me selman la depi Oktob, nou’n fer laranzman, nou’n ogmante e se sa ki’n fer sa.

Be la prezan nou’n stab, nou stab prezan. Alor pou 2021 i redwir. Napa personn ki’n perdi son *job*, o kontrer nou’n ogmant saler. E, mersi. Alor, e lot zafer La Digue, wi sa i en *very good news*, i *nice* pou antann ki napa zanfan ki dan *Home*.

E fotespere i reste koumsa pou NCC, sa ti en plezir pou antann sa. E fotespere i kontinyen, mersi. E Vilaz son larzan, wi i annan.

Be sa osi mon pe kestyionnen Onorab. Mwan menm mon, mon pe demande, si i annan larzan, i annan en *account* la ki zot annan, *President’s Account*, ki mon pa ti kapab touse avan.

Sa osi akoz bann *signatories*, tousala. E la depi ler mon’n vini, mon’n ale, mon’n fer demars. Mon fek ganny laranzman la. Mon bezwen travay ek *Minister of Finance* osi. E la mon’n nobou *unblock* sa kont.

E la nou’n komans servi, i pa ti pe servi. Letan mon’n vini mon’n demann kestyion, be sa larzan zanfan, akoz pe asize dan Labank, i depresye pa vre? Me selman la nou’n komans servi.

E mon kapab donn ou legzanp. Parey ti annan en zanfan, i ti pe komans travay

17an, i ti bezwen larzan, nou'n pran en larzan nou'n donn li pou al aste son lenz, nou servi pou nou donn *pocket money* bann zanfan osi lo Vilaz.

Sa osi mon'n fer ogmante. *Sorry*, mon konnen kekfwa mon'n vin ek en lot kalite, mon pe gete ek *fresh pair of eyes*. Alor sa osi manrmay pa ti pe ganny ase larzan *pocket money*. Mon'n dir, be nou bezwen realistik.

Keksoz in monte dan magazen, si zot oule en pti goute, zot oule en keksoz. E sa osi in ogmante, alor nou al donn manrmay en pe plis *pocket money* la. Mersi.

MR SPEAKER

Mersi. Onorab Hoareau.

HON JOHN HOAREAU

Mersi Mr Chair. Mr Chair mon kestyon i base lo programm 3 pou '*residential support services*' a en valer 8.079 milyon. Mon oule ki *panel* i donn mon en garanti ki sa larzan i kapab *cater* pou tou bann bezwen, bann bezwen bann zanfan ki annan led pou rezidansyel i ganny *capture* anba la.

Akoz mon konnen poudir dan lepase nou'n ganny ka, par egzanp Dylan Rose, ki ti en ka tre tris. Kot zanfan i pa ganny

capture anba bann led ki zot bezwen pou rezidansyel.

Alor mon oule demann li si sa Bidze i kapab *capture* tou sa bann zanfan ki bezwen sa led rezidansyel? Dezyenm kestyon, mon ti a kontan ki, konnen ki i arive avek bann zanfan ler zot ganny zot laz mazorite, zot bezwen sorti kot *Homes*?

Eski i annan en programm tranzisyon pou zot? Eski osi, ki zot fer pou sa bann zanfan, sa bann, *well* bann zenn adilt ki napa landrwa pou zot ale? Mersi.

MR SPEAKER

Mersi. CEO.

CEO YASMIN UMARJI

Mersi Onorab. Bann bon kestyon e sa bann keksoz ki mon menm mwan mon pe demann en kantite. Bann, mon pe rod larepons pou sa bann kestyon mon menm. Me selman mon kapab reponn ou.

Sa Bidze ki nou'n fer, bokou pou *salary* e bokou pou donn zot manze. Ou parey ou'n eksplike, bann zanfan i bezwen plis ki manze ek landrwa dormi.

E nou, nou pe sey rode, nou pe sey rod plis sa. Be dan sa Bidze nou pou bezwen servi donasyon. Ki mannyer nou'n marse, nou dir si nou napa dan sa Bidze, bokou dimoun i

kontan *donate towards President's Village.*

Bokou dimoun i vin devan, akoz zanfan ki bezwen sa. E la prezan mannyer mon as en *new CEO*, mon pe dir, be annou gete ki sa bann *gaps*, ki sa bann *areas for improvement*, ki sa bann *weaknesses*.

E sa i en keksoz, si dimoun i vin devan, i dir nou pou bezwen ed zot, mon *very clear* ki sa ki nou pou bezwen. Alor ler bann dimoun i vin devan, bann prive, mon dir ek zot, be *donate* pou nou fer sa.

Selman in terms of bann zanfan, bann nou, nou depan lo *Social Services*, *Social Affairs*, i a zistifye lekel bann zanfan ki bezwen vwar bann psikolog. sa nou bezwen depan lo *Social Services* pou dir nou.

Zot ki fer sa bann *assessment* avan zot anvoy manrmay lo Vilaz. Zot dir nou poudir sa i bezwen psikolog, oubyen sa i bezwen *counseling*, zot, zot refer, apre nou, nou travay ek sa bann dimoun.

Apre nou annan dan nou Bidze ladan en *village counsellor*. Sa nou annan, ki al pou bann zanfan *full time*, i la sa *village counsellor*.

E li i zwenn bann zanfan, i ed zot koze, apre li menm li si i bezwen ankor led i ava al serse, i ava al dir pli devan, i ava al

gete. Epi nou terapis osi tou kot NCC i offer.

La nou annan 2 zanfan *Social Services* in *signpost* zot pou nou, in refer zot. Alor nou pe travay, pli ki 2 zanfan, nou travay avek zot tou at NCC. Nou fer bann sesyon pou zot e nou pe sey ed zot.

Parske parey ou dir, zot bezwen plis ki manze avek landrwa dormi. Me selman sa i en keksoz ki nou bezwen *get into it as* ki mannyer, ki mannyer nou *move forward*, mon bezwen get sa.

En lot keksoz ki mon bezwen, *really*, ki mannyer mon ti kapab eksplike? *Cost it out*, gete konbyen i pou koute. Kekfwa dan 2022 mon pou vin ek en lot Bidze ki pou demann en pti pe plis kekfwa.

Apre bann zanfan ki sorti, nou annan 6 zanfan ki'n kit nou la an Desanm. E mon *please* pou dir, Sosyal in ed nou, zot ki ede pou fer bann tranzaksyon. E zot gete avan si sa fanmir i kapab repran zot, zot fer bann tranzisyon, zot fer bokou diskour avek lafanmir ki pou pran sa bann zanfan *back*.

Zot fer sir sa bann zanfan pou *safe*, zot pou annan zot bezwen. Mwan menm mon, mon ti ganny sans al vizit en fanmir ki'n pran sa 2 garson e

mon ti zwenn fas a fas ek sa fanmir.

In reasir mon poudir wi, tou keksoz pou byen, bann zanfan pou ganny zot, tou sa ki zot bezwen. Alor i annan sa tranzisyon, me nou fer sa avek *Social Services*. Mersi.

MR SPEAKER

Mersi CEO. Onorab Vidot.

HON AUDREY VIDOT

Mersi Mr Chair. Mr Chair mon oule asir *panel* zot pou ganny mon sipor pou sa Bidze. Akoz mon santi poudir zot annan en travay ekselan ki zot in komans fer, ki zot pe fer.

E mon, menm si sa Bidze, mon pa sire i pou, i ase pou zot travay avek. Me parkont ek sa sityasyon *COVID* mon swete zot ganny sipor avek bann lezot partner ankor pou amplifye sa bezwen ki zot, pou zot kapab adres sa bann *challenges*.

Me parkont mon konsern, mon pwen ki mon oule fer i pou tous pou Minis reponn lo la. Mon ti deza lev sa issue separasyon ant Departman Sosyal avek Lafanmir.

E petet la letan ou ti koz lo la Minis, petet ou kapab asir nou, ki sa lyezon ki ou dir i pou *still* annan avek Departman Sosyal, i adres bann konsern ki

mon vwar i sorti for avek NCC dan zot *challenges*.

Akoz mon konnen poudir Sosyal i annan en gran rol ki zot ti zwe an term parey nou bann Vilaz. E petet mon konnen i kapab annan serten mankman ki kapab soutenir avek sa ki NCC i anvi fer.

Petet dan ou diskisyon Minis avek ou koleg Minis. Vwar ki bann defi ki Departman Sosyal in rankontre avek NCC ansanm. Pou ki nou vwar nou bann diferan partner i vreman met sa sinerzi ansanm.

E parey madanm in fer resorti, pou anpeste ki i annan *duplication*, bann keksoz. E vwar vreman ki nou bann zanfan pe ganny byen okipe.

E ki bann paran osi i ganny sa sipor neseser pou pran zot responsabilite e asire ki nou bann zanfan, ki letan zot kapab sorti dan Fwaye, retourne swa kot zot bann lakour.

E oubyen menm ler zot sorti kot en Fwaye, zot annan en garanti ki zot fitir pa fini anven, en. So petet sa i mon pozisyon ki mon anvi fer resorti lo sa Bidze. Mersi.

MR SPEAKER

Mersi. Minis wi.

MINISTER MARIE-CELINE ZIALOR

Wi, mersi Mr Chair. Mersi pou ou kestyon avek bann propozisyon. Definitivman. E letan ou pe regarde, nou ti pe regarde avek *Attorney Zeneral*, regarde, *NCC* e sa separasyon Sosyal avek Lafanmir kote.

E ansam avek *Minister Francourt* nou ti pran desizyon pou kit *NCC* kot Lafanmir. Akoz i pa ti pou afekte li lo form lezislatif avek bann Konvansyon osi pou drwa zanfan ki nou'n sinyen.

Be parkont, akoz, mon krwar petet Mrs Umarji i ava kapab eksplik en pti gin sa *history*, i konn pli byen ki mwan, ki Vilaz Prezidan. Li ki i Antite Departman Sosyal.

E letan nou pe regarde prezan ki mannyer sa pou, akoz *NCC* li menm, Konsey Nasyonal bann Zanfan pou *advocacy* bann louvraz ki i pe fer. I tonm tre byen anba Departman Lafanmir.

E apre in annan sa, sa i ti en pe avan. In annan sa desizyon ki pran, ki Vilaz Prezidan i tonm anba *NCC*. E nou, nou pe revwar en pti gin ki mannyer sa pou marse e ki mannyer sa sinerzi parey ou pe koz avek, pou nou kapab vwar.

Nou'n fer detrwa *meeting* parti *meeting* pou nou regarde, regard tou. E mon pe al kot Vilaz demen apre midi, pou nou

kapab regarde ki mannyer ekout bann *staff*, regard en pti gin zot pwennvi.

Nou'n fini zwenn *management*, selman zwenn *staff*, regard en pti gin pwennvi pou rode ki mannyer ansanm avek Sosyal, nou'n nobou kapab regarde striktirelman sa Vilaz avek son bann fonksyon, ki mannyer, kwa ki pou marse pli byen.

E mon konpran, ou konsern i definitivman en konsern ki tre valab. Be, mon pa konnen si Mrs Umarji i pou annan keksoz pou azoute. Be selman nou pe travay vreman for pou nou kapab fer sir.

E si i pou reste parey i ete, pou nou kapab fer en pe sanzman lo kote sosyal. Pou nou kapab *improve* en pti gin son zeson.

E apre parey mon ti pe dir, bann servis spesyalize ki nou bezwen annan pou nou kapab anmennen. Mersi. Mon krwar Mrs Umarji i a kapab azout en keksoz. Mersi Mr Chair.

MR SPEAKER

Mersi. CEO, wi.

CEO YASMIN UMARJI

Mersi Onorab. *First of all*, mersi pou ou sipor, mon *really* apresye. Akoz mon nouvo, e ler

ou ganny bann sipor koumsa, i ed ou, i donn ou kouraz, mersi, mersi bokou.

Alor dan ka Prezidan, *Presidents Village*, ler mon'n vini an Out, mon fek komanse, zot dir mon depi 2018 ki in ganny transfer.

Alor i ankor nouveau, e mon konpran, dapre mon konpran i pran letan ler ou'n transfer en *entity* pou NCC. Ki kekfwa bann staff ou bezwen get byen, ki sa *needs of sa entity*, ki i bezwen.

E mon pa kunnen si sa ti ganny fer dan sa *depth* ki mwan mon ti a kontan gannyen. Akoz mon pe sey rod tou sa bann lenformasyon, poudir ki rezon i ti ganny transfer?

Ki bann *needs* ki ou ti'n *share*, avek ki ou'n partaze avek NCC? Eski zot in deside ki kalite direksyon travay zot pou fer? Ki bann zanfan i bezwen? Be mon pa'n vwar sa bann travay, eskize.

E alor la mwan mon'n al lo Vilaz ek mon leksperyans, mon'n travay *L' Angleterre*, 35an ek zanfan dan bann lekol, dan bann *care Homes*. E la sa ki mwan mon'n fer ek *President's Village*.

E mon'n vwar bokou, bokou *gaps*. Bokou *gaps* ki nou pou bezwen adrese. E mon pa

kapab dir dan lan la mon bezwen dir zot nou bezwen sa bann larzan. Mon bezwen fer li *in phases*, mon bezwen fer en pe.

Parske dimoun ler ou anmenn en keksoz nouveau, ou pa le perdi zot. Zot in travay la lontan e alor nou bezwen fer sa dousman, dousman, ou konpran? E alor en keksoz kot Vilaz, sa separasyon, nou pa kapab separe. Mon a eksplike.

I vre sa ki Minis i dir, si ou get NCC li menm li, i pou en *preventative* li.

Nou *prevent* nou, bann *safeguarding*, bann keksoz koumsa, *UNCRC*. Sa se nou bi, sa se nou *mandate*. Me Vilaz i en *intervention* li, i entervansyon pou bann zanfan ki bezwen sa sipor.

E alor la ki i tonm anba Sosyal, ou konpran? Me nou pou bezwen travay vreman *closely* avek Sosyal. Akoz Sosyal ki paran sa bann zanfan ler in tir zot kot zot fanmir.

Nou, nou en *organization* NCC ki vedir *ok*, Vilaz i anba nou, nou fer sir nou kapab donn zot en pli bon meyer *home*. En landrwa kot zot kapab reste, zot *safe*, zot pa pou ganny abize, zot pou ganny tou zot bezwen.

Me parey ou'n eksplike, pa zis zot bezwen manze, dormi,

me osi zot *mental state*. Be sa pou fer sa nou pou bezwen plis *resource*, nou bezwen ankor en pe resours pou fer sa. E ou pa kapab fer li *overnight*.

Dousman, dousman nou pe sey *tap into* bann lezot dimoun ki anvi ed nou. Me definitivman nou bezwen travay ek Sosyal. Akoz si par egzanp i arriv en aksidan ek en zanfan, Sosyal ki pou pran responsabilite.

E nou bezwen toulstan pran konsey, konmsi nou bezwen pran *consentment*, nou bezwen Sosyal i *monitor* nou li. I bezwen fer sir sa bann zanfan pe ganny zot bezwen. E nou pe *take good care of* zot.

Me selman parey Minis i dir, nou pou bezwen annan bokou konversasyon, bokou dyalog, pou nou travay byen pou *benefit* sa bann zanfan. Pou bann zanfan benefisyé, pa nou, me bann zanfan ki enportan la, nou la pou zanfan. Mersi.

MR SPEAKER

Mersi. Onorab Samynadin.

HON KELLY SAMYNADIN

Mersi Mr Chair. Bonn apre midi *CEO*. Premyerman dan zot bann' *current challenges*' i annan en mank dan bann *child support officers*

kalifye, pou kapab zwenn bann demann dezavantaze ki pe ganny demonstre par bann zanfan vilnerab dan Vilaz Prezidan.

Anvi sa sityasyon, mon ti a kontan konnen ki bann kontrent spesifik ki sa lenstitisyon pe rankontre, ki zot in rikorde an sa ki konsern *child support?*

E ki bann provizyon ki pe ganny fer dan sa Bidze pou kapab remedye sa bann tel kontrent? Dezyenmman, anvi problemm *maintenance* kot akomodasyon pou bann zanfan dan sa Vilaz i konsernen.

Sa i osi dan zot bann '*current challenges*.' Mon ti a voudre ganny en lesplikasyon lo leta sa bann lenfrastruktir e si sa Bidze pe *cater* pou travay renovasyon?

E dernyerman mon kestyon i ganny trouve anba '*other uses of goods and services*.' An akordans avek zot priyorite stratezik 2021, 2023, anliny avek bann regilasyon Lasante aktyel, zot pe ganny difikilte pou met an aksyon zot programm *training*.

Me parkont anba *training fees* i annan en alokasyon 118 mil an konparezon avek 2020, kot napa larzan ki ti ganny *allocate*.

Mon ti a kontan konnen ki bann *form training* ki zot pe anvizaze ofer, lekel ki pou benefisyé? E ki mannyer sa bann prosedir pou ganny met an mars? Mersi.

MR SPEAKER

Mersi Onorab. CEO wi.

CEO YASMIN UMARJI

Mersi Onorab. Bann CSO ki nou'n gete, nou *feel* ki zot bezwen plis *training* pou dil avek zanfan ki annandler difikilte eksprim zot lekor, kekfwa annandler nou bezwen fer bokou *training* ek bann *child's support officers*.

Akoz zot, zot travay direkteman ek bann zanfan. E annandler ou konnen, bann zanfan zot in vin la, kekfwa annandler zot *behavior*, annandler kekfwa si zot in servi en langaz ki pa zoli.

Be nou pe dir ek bann adilt konmsi, nou bezwen konnen ki mannyer, mon pa konnen ki mannyer ou dir an Kreol, eskiz mwan. Mon konn *the escalation techniques* nou apel sa. E nou anvi fer bokou *training* lo la.

Ki mannyer nou bann *adults*, nou servi bann *strategies* ki pou ed bann zanfan *calm down* ler bann

zanfan i annan *anger*, ler bann zanfan i ankoler.

Nou bezwen anmenn bann bon, bon stratezi. Ki nou konnen i annan en *proven track record*, in marse dan bokou etablisman. E nou anmenn sa lo Vilaz ek nou bann adilt. Be sa, sa *training* ki nou anvi fer ek tou nou bann *child support officers*.

Epi *maintenance* i vre ou'n dir poudir wi napa ase larzan dan *Budget*. Be mon *really please* pou rapport ek zot, ki nou annan sipor bokou dimoun. E ozordi mon ti a kontan dir mersi *Round Table* avek *Soroptimist* ek *MCB*, in anmas R850 mil pou nou konmans travay lo en lakaz ki i frenmen *at the moment*, i *dilapidated*.

Alor nou pe tap laport nou. Mon pe tap laport menm. Partou kot mon ale, mon fer zot vin vizit Vilaz, mon annan en plan la in fini met an plas. Zis prezan mon bezwen fer *procurement exercise* pou gete si mon kapab ganny en dimoun pou vin *construct*, pou vin *renovate*.

Alor mon pe travay lo la, *don't worry*. Selman nou pou bezwen dan fitir kekfwa, tou keksoz nou bezwen fer an faz, nou pa kapab fer tou keksoz in 1 day.

Me selman nou pe travay lo la e fotespere kekfwa mon a bezwen demann larzan *next year*. Me sa lannen mon pe sey rod donasyon, bokou, bokou nou travay nou remersi tou bann dimoun prive pou zot donasyon, i ed nou en kantite lo Vilaz.

Epi pou sa *Training Budget*, i vre, i byen ou'n pick sa up. Mon byen kontan, parske, wi letan mwan mon'n vini, i annan, *first of all* lo Vilaz ti napa ase *training* ki pe fer. Sa nou'n mete ki ti napa ditou, la nou'n mete.

Nou anvi plis zafer *child development* epi bann *anger management*. E sa nou bezwen travay ek bann dimoun pou ed nou fer sa.

Epi kot NCC *itself* i annan bann dimoun ki nou vir zot aprann plis dan bann administrasyon, dan *procurement*. *Unfortunately* sa gran Bidze osi ti annan en *bachelor*, nou annan en *bachelor of arts*, be mon'n ganny dir sa nou bezwen al kot ANHRD.

Me selman sa, koz mon novo, mon pa konnen. Selman nou pe, mon pe address it. E *that's* bann *training* ki nou pe fer. Mersi.

MR SPEAKER

Wi Minis.

MINISTER MARIE-CELINE ZIALOR

Wi, mersi Mr Chair. Zis pou azoute, mon krwar en kestyon ki pa'n reponn. Provizyon in ganny fer dan Bidze pou anploy 5 novo *child supports officers*.

Mon ti a kontan remersye Minister Finans, nou'n lager bokou pou gannyen. Zot in akord nou sa, akoz lenportans sa bann louvraz. Mersi Mr Chair.

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Bonn apre midi delegasyon. Premye kestyon, petet, vi ki sa Vilaz i ganny vwar dan mon distrik Port Glaud e a diferan repriz i annan bann donater ki *call* mon volonterman pou sey asiste. Parey fermye, peser.

E nou pa fer sa lo en baz piblisite, me selman nou pou fer fason. Eski petet sa ki mon ti a kontan demann NCC premyerman, petet, ki bann laranzman petet zot kapab met an plas, sirtou bann lezot dimoun ki anvi kontribye *in-kind*, sirtou pou asiste Vilaz premyerman?

Dezyenm, lo kot i konsern *psychological support, ok.* In annan pa mal konsern dan lepase, sirtou ler bann zanfan fek rantre. Petet lekel, ouswa lekel, si zot annan en psikolog ki atase avek Vilaz pou fer bann travay pou evalyasyon kan zot antre?

Pou fer ki zanfan i santi zot en pti pe pli konformite, san ki zot bezwen antre dan bann latitud en pti pe rebel avek bann *caretakers* laba. E lo kote zeran sa Vilaz li menm li, dan lepase in annan en pti pe bann kontrayete mon kapab dir.

Akoz Sosyal i pran serten desizyon, NCC i dir pou li, *ok.* Eski la nou pou vvar, vi ki i tonm anba departman, sa departman ou Minister Minis. Nou pou vvar sa relasyon travay ki pou pli sinerzi e efektiv osi?

E dernyen mon ti a kontan demann ou. Anvi ki i annan labolisyon pou *Children's Funds* Minis, si ou kapab petet dir nou si sa pou annan en lefe lo zeran Vilaz ouswa kontribisyon ki sa larzan petet ti'n ganny mete dan sa fon.

E petet PS Finans i la osi. Si mon ti a kontan konnen, kote sa larzan, si i pou al dan en *Consolidated Fund* i pou

retourn *back*, vi ki sa fon pe al ganny aboli? Mersi.

MR SPEAKER

Mersi. *CEO* premye wi.

CEO YASMIN UMARJI

Mersi Mr Chair. Mersi Onorab. Premye, zafer bann laranzman pou lezot dimoun vin ede, bokou dimoun in vin ede. Selman avan zot vini, nou bezwen fer sa *suitability check*, akoz zanfan ki vilnerab sa.

Alor annan de ler sa i pran letan. Nou annan, parey en *play therapist* in vini, in donn nou detrwa nide, nou'n sanz en ta keksoz. I annan dimoun dan kominate ki vini, be nou bezwen fer sa *check* avan.

Selman nou pa anpeste, ler nou ganny demande, bann dimoun i vini, nou pran, nou annan detrwa. Alor sa nou fer sa soustenabilite, apre nou les zot vin fer bann programm lo Vilaz. E nou ti a kontan plis dimoun i vini.

Be selman zot bezwen konpran, nou bezwen fer sa *check*. Zafer psikolog, mon a eksplik ou, ler en zanfan i ganny admit, Sosyal ki bezwen fer sa *assessment*.

Zot ki bezwen dir nou si zot bezwen en psikolog, oubyen en *counselor*, oubyen nanryen,

okenn sipor. Nou, nou, mannyer mon'n konpran, eskiz mwan, mon nouvo.

Mannyer mon'n konpran, que ler Sosyal i deside, prezanzot, zot dir sa zanfan i bezwen en psikolog, alor zot, zot refer. Zot ki dir poudir i ava al kot sa psikolog oubyen en lot psikolog, zot ki deside, epi nou, nou fer sir sa bann zanfan i gannyen.

Me selman lo Vilaz dan son Bidze la ki nou annan, nou annan en *village counselor*. Alor sa dimoun li i lo Vilaz, i war bann zanfan li.

Li i donn bann zanfan letan, i koz avek zot, i gete ki zot *needs*, ki zot konsern, apre li i raport sa. Apre *Social Worker* osi i vini, i koz ek bann zanfan, zot *find out* ki bann zanfan i bezwen, ki sa ki pe fatig zot, ki sa ki zot pa *happy about*, ki sa ki zot *happy about*.

E sa osi i ganny fer. *In terms of duration*, parey ou dir, wi. Nou bezwen travay avek Sosyal, *very*. Nou bezwen travay byen pros, nou pa kapab travay *against each other*. Akoz Sosyal ki anmenn sa bann zanfan, zot ki dir nou ki bann *needs*.

Selman ki nou pe sey travay lo la depi ler mon'n vini, mwan mon anvi vwar plis, konmsi bann *needs assessment of zanfan*. Ki ler mwan mon'n

tyeke dan bann *file*, mon pa war ase sa lenformasyon.

So mon pe sey travay avek Sosyal, poudir sa ki mwan mon anvi vwar. Alor i pli fasil pou nou dir, be sa zanfan, par egzanz si ou anmenn en zanfan i annan *autism*, nou ti a kontan dir, be nou pa pe zis donn li, nou pe sey gete ki nou kapab ofer li, *in terms of sa challenge* ki i pou *face as an autistic zanfan*. E sa i en keksoz ki mon pe travay lo la pou mon ganny plis lenformasyon.

Children's Fund pa afekte nou, dapre mon konpran, zanmen zot in demann larzan.

Selman mwan mon'n *apply* depi mon'n vini. Mon'n dir mersi *Children's Fund*, mon'n *apply* pou bann zanfan al Praslin an Desanm. Me selman *COVID* in kas nou koul, *sorry*.

Me selman mon'n, sa larzan i la e nou pou anmenn zot Praslin bann zanfan Vilaz. E zot pou reste dan en zoli lotel, nou pou fer sir zot ganny trete byen, zot osi zot eksperyanse ki mannyer pou *swim* dan en *swimming pool to put it, ok?*

Alor nou'n tap ladan, nou'n gannyen. Nou remersi zot, selman *in the past* mon krwar pa. Mersi Onorab.

MR SPEAKER

Esper en kou. Minis, apre mon pa konnen si *PS* osi i oule eksplike.

MINISTER MARIE-CELINE ZIALOR

Wi, wi. Mon ti pou al pas laparol avek. Mersi Mr Chair, laparol avek *PS* Thesee pou eksplike *Children's Fund* pa'n aboli. I ava eksplike kote in ale anba Bidze.

Mon ti zis anvi fer komanter lo sa zesyon e sa bann travay ki bezwen pe ganny fer, ki ankor pe ganny fer. Pou nou kapab tir sa bann konfizyon ki i annan, pou nou kapab anmenn sa sinerzi ki nou a pe demande.

E sa i pa zis lo kote Vilaz, i annan lezot landrwa osi ki nou anvi anmenn sinerzi avek bann spesyalis, avek bann dimoun ki'n fer sa travay, ki konnen bann kriter avek bann standar ki nou bezwen.

E mon krwar en landrwa ki mon ti a kontan mansyonnen ozordi, to ki *NCC* i a travay pre avek se Tribunal Lafanmir. Kot nou bezwen anmenn en modernite diferan fason vwar keksoz.

Akoz ou konnen, souvandfwa mon ti avek permisyon Mr Chair, zis eksplik en pti keksoz. Letan nou vwar parey zanfan i annan en

problenm sosyal kot i pe reste e Sosyal, Departman Sosyal i determinen, i nepli kapab reste kot sa lakour.

Koman en adilt nou, nou vwar rezourd sa problenm, tir sa zanfan, met li kot Vilaz Prezidan ouswa lezot landrwa, en kantite sa bann *Home* i napa bann dimoun ki bann zanfan orfelen biolozik, i bann orfelen sosyal.

Bann *social orphans* parey nou dir. E sa i pou nou. Lo kote sa zanfan, sa troma separasyon avek son paran, grandi dan en *Home*, i sa nou bezwen regarde sa ki mannyer nou fer sa.

E bann resers ki mwan mon apel li bann resers ki mon pe fer, i montre, annandler i pli tromatik fer sa ki travay avek sa fanmir, fer sa fanmir ek sa lakour pli bon pou sa zanfan reste.

E en kantite fwa, mon krwar Mrs Umarji la i ava koriz sa si mon mal, zot pe demande, zot pe vreman annan en troma pou zot vwar zot paran, zot paran ki ankor vivan. E nou, pwennvi adilt, nou vwar sa ki pli bon pou zanfan.

Be selman nou bezwen apre osi aprann ekout sa bann zanfan plis, regarde dan lizye en zanfan son paran, napa fot.

E nou bezwen regarde osi pou nou revwar sa bann fason zere ki ou a pe koz lo la. Mon ti ava kontan Mr Chair, envit Minis Finans pou koz lo *Children's Fund*. Mersi.

MR SPEAKER

Wi PS.

PS DAMIEN THESEE

Mersi Mr Chair. Larzan *Children's Fund* i ankor la li. I 7 milyon, i trouve anba *Central Program of the Government*.

Sel diferans se ki dan plas annan en *Board*, se Departman Sosyal ki pou responsab pou zer sa vot. E i annan laranzman ki pe ganny fer la, pou *handover from* sa *Board* avek Departman Sosyal. Mersi.

MR SPEAKER

Wi Onorab.

HON EGBERT AGLAE

Mersi, pou zot larepons. Minis ou'n dir pou dir sa semenn ou pe al vizit vilaz si mon pa'n tronpe. Wi ok.

Minis mon ti a demann ou petet dan en fason fran. Koz ek bann *staff* akoz zot osi zot annan serten konsern. *Ok, lo, lo* mannyer *management* Vilaz pe ganny fer.

Ekout zot en mannyer ki zot kapab rann lavi sa bann zanfan en pti pe pli ere. Akoz se zot ki paran sa bann zanfan la lo Vilaz. Mersi.

MR SPEAKER

Mersi. Minis note. Napa nanryen pou azoute. Mersi *ok*.

MINISTER MARIE-CELINE ZIALOR

Non Mr Chair, mersi. Sa i egzakteman akoz rezon nou pe ale. Akoz nou'n tann zot konsern e nou pe al ekout zot. Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Mr Chairman en *head* tre enteresan. E enn ki mon krwar si nou en paran dan sa Lasamble. I pou, i tre pre ek nou leker.

Mr Chairman mwan mon ti a kontan demann Minis. Mon'n regard byen sa Bidze NCC, e mon konnen ki NCC pou depan en kantite lo benevol la e bann lezot donasyon, akoz *manage* sa *Home* ki parey en lorfelina Nasyonal i ou *main*, i nou *main* konsern pou le moman.

I annan lezot travay me sa i nou *main* konsern. Me selman dan sa konteks Minis en keksoz ki mon vwar, ki mon konsernen avek, se lefe ki mwan mon santi se *NCC* ki devret reste *manager* sa lenstitisyon.

Mwan mon krwar se sa ki devret ete. E Servis Sosyal li akoz son Lalwa i dir ki Direkter Servis Sosyal ki efektivman legalman responsab pou sa zanfan. I a retenir sa *oversight*, lo sa kalite *care which is been given*.

E prezan nou tou, Seselwa ki anvi, nou ralye deryer *NCC* e si nou annan en sou, de sou, trwa sou, nou met dan *NCC* pou li kapab donn sa bann zanfan en meyer lavi. *I think this is what*, e prezan sa i ava ed par egzanp bann lezot lofis. Parey Lofis *First Lady*, ki ou, ki si osi i annan lentere i kapab prezan annan sa *interface*. Me Sosyal li i a reste an deor pour li regard sa. Sa ti en lobzervasyon.

Me selman enn mon bann, enn mon bann *query* enportan. Se ki stratezi *monitoring* ou Minister in met an plas, pou fer ki ou kapab *monitor* travay *NCC*, regard dan son efikasite?

Menm lefikasite *management* sa bann *homes*. Pou asire ki larzan ki ou gannyen, i anmenn ou en *value for money in terms of output*

quality of care, ki bann zanfan i gannyen lo vilaz.

E osi an relasyon avek, relasyon travay ki *NCC* lorganizasyon parantal, i annan avek bann dimoun ki dan *homes*. Savedir son bann satelit kot i sipoze pe *interface* avek. Mersi Mr Chairman.

MR SPEAKER

Mersi Onorab. Wi Minis.

MINISTER MARIE-CELINE ZIALOR

Wi, mersi Mr Chair. Mersi Onorab. Mon pou les *CEO* reponn sa kestyon premye. Selman sa enn dezyenm. I annan Komite Nasyonal ki la deza, ki'n regroup diferan lazans, diferan departman ki pe regard dan zentere bann zanfan.

E mon konnen ki degre aktiv. Nou ansanm avek *Minister Francourt*, nou'n koze pou nou kapab *reactivate* sa pou regarde ki i ava annan.

E mon krwar i annan ankor bann lezot *advisory body* ouswa Komite ki pou kapab regarde, sofgarde sa zesyon, sa *sorry pa zesyon*.

Lo kote gouvernans, lo kote gouvernans, pou regarde ki *NCC* i pe fer son louvraz. Apre osi, i annan rapor ki nou bezwen tou le lannen soumet

akoz Konvansyon Drwa bann Zanfan lo kote lenpak, ki NCC in annan.

E son bann aktivite, sa osi i bann diferan laform ki mannyer travay NCC pou mwan i kapab, i kapab ganny *monitor*.

E osi lo kote sekretarya, lo kote sekretarya kot Minis nou pe fer en novo, en novo fason fer pour nou regard stratezi e regard lenpak bann stratezi.

Sa i pou tou sa. E NCC i pou ladan ou pou tou sa bann antite pou regarde, met en lanfaz, lo pa zis bann aktivite bann keksoz ki'n ganny fer me osi lo kote lenpak.

E avek sa mon ti a kontan envit CEO pour li koz lo sa premye pwen. Mersi.

CEO YASMIN UMARJI

Mersi Mr Chair. Mersi Onorab. Zafer *care senders* parey ou'n eksplike. Wi, Sosyal i bezwen *monitor* nou. I bezwen tyeke parey ou'n eksplike.

Selman ki nou bezwen fer. Nou bezwen annan plis klarifikasiyon. Mwan mon'n dekouver, poudir menm *management* Vilaz e pi bann dimoun ki travay lo vilaz ek Sosyal konmsi napa byen kler ki Sosyal son *role* i ete? Ki Vilaz son *role* i ete? E sa en travay mon pe, mon'n komans fer.

Mon anvi klarifikasiyon ki sa? An *black and white*. I annan bokou *grey areas* mon apel sa. E sa ki nou bezwen *really*, nou bezwen *entangle* li, nou bezwen gete ki sa ki nou pou fer.

Akoz definitivman, si NCC pou pran Vilaz anba li. *NCC first of all*, nou bezwen fer sir sa bann *care standards* i an plas. E nou bezwen *monitor*, nou bezwen get byen ki mannyer. E parey ou pe dir *value for money*.

Ler mon'n get Bidze, en kestyon mon pe demande be nou pe depans tan lo la. Eski nou annan ki *impact*, i pe annan?

Pa zis dir mwan i en aktivite, *tick, tick, tick*. Non, non, non, ki lenpak i annan lo sa bann zanfan e NCC i pa zis zanfan lo Vilaz. Ki lenpak i annan lo zanfan Sesel.

Konbyen zanfan i annan Sesel? Konbyen fanmir nou'n kapab touse? Konbyen fanmir i son zanfan in, son bann ka in ganny *resolve*? Tousala bann kestyon mon pe demande.

E mon pou kapab anmenn zot larepons, kekfwia ankor dan sis mwan. Les mwan ganny byen mon bann *facts* ek *figures* e mon ti a kontan *share* sa avek zot. Mersi.

MR SPEAKER

Wi, Onorab Pillay.

HON SEBASTIEN PILLAY

Mersi Mr Chairman. Mersi pou sa larepons CEO. Mersi pou larepons Minis.

Minister *given* sa ki, sa ki mon pe tandé la en. *Legally* nou konnen poudir *Children's Act* in *set out framework* legal an sa ki konsern en *ward of the state*. Par egzanp en zanfan ki *end up* dan en *home*, en lorfelina Nasyonal.

E li i anba responsabilite direkter anba sa Lalwa. I kler sa, i tou dan lemonn antye i menm konsep.

E zot servi sa *removal* sa zanfan *from* sa *hostile surrounding as a means to* protez en zanfan akoz i annan bann lezot kriminalite.

Bann pwen kriminalite ki'n ganny asosye ant, ant, ant Kod Penal e Lalwa Zanfan ki nou ti fer bann lamannman lepase.

Prezan i annan *Homes*, apre i annan tou zanfan an zeneral. So, kestyon ki mon pe demann ou. *Given* Bidze ki nou pe donn *NCC*, e sa Bidze ti kapab osi al kot ou Minister.

E ou, ou annan ou rol prezan pou ou regard tou lezot zanfan, akoz ou napa zis zanfan ki al dan *Homes*, ou annan tou zanfan Sesel.

Ki kalite sipor Minister Finans pe propoze anmennen dan en fason *sight financing*, pou fer ki ou Minister i kapab delivre lo sa ki paret pou mwan en manda ase konsiderab.

Par lefe ki ou'n, ou'n, nou i byen ki zot in, mon krwar zot in retir sa konponan sosyal, pou anmenn li en lot landrwa pou annan en *over*, petet en *monitoring capacity*.

Be kalite sipor finansyel ou pou annan akoz ler mon get sa Bidze, *NCC* lo li tousel. I pou en pe difisil pou li kapab achieve sa ki nou oule achieve. Si nou napa lezot sipor adisyonnell. So petet sey eksplik nou kote ou Minister pou ganny sa bann lezot sipor. Mersi Mr Speaker.

MR SPEAKER

Mersi. Minis wi.

MINISTER MARIE-CELINE ZIALOR

Mersi Mr Chair. Definitivman nou konnen nou annan bann kontrent bidzeter sa lannen.

E mon krwar *CEO* in eksplike nou bezwen prioritize, rode kwa ki priyorite ki nou pou fer avan avek resours ki la, ki *available*.

E sanmenm sa ki ou vwar nou a pe rod lot fason pou zer, pou rod bann lezot finansman.

E parey CEO in dir, Vilaz Prezidan dek koman ou'n nonm zanfan, en kantite dimoun i vin devan. Pou zot kapab donn en sipor, pou zot kapab ede, avek, avek ki mannyer nou zere.

Be selman osi, selman osi. Nou bezwen apre regarde ki mannyer nou kapab fer keksoz. Mon kontan servi sa toultan sa lapros ‘smart. ‘Rod en fason ki mannyer nou kapab fer bann parey, *training* ouswa bann larestan keksoz *advocacy* ki nou bezwen fer.

San bezwen fer li dan en fason tradisyonnel parey nou'n toultan fer. Parey la si pou fer keksoz mon krwar *COVID* in montre nou fer keksoz plis *online*. Servi bann resours ki *available*. Mon krwar nou merit kapab, sorti dan bwat debout en kou an deor. Regarde ki mannyer letan ou an deor sa bwat.

Annandler ou realize, napa bwat ditou. E pou nou kapab vvar bann resours ki la, ki *available* pou nou kapab fer en pe plis.

E defwa kantmenm nou pou ganny plis larzan. I pa zis larzan ki en resours, i *mindset*.

I kapasite entelektyel, kapasite spirityel *even*. Pou nou kapab fer sa bann louvraz. Si ou napa kapasite spirityel sa

bann louvraz ek bann zanfan parfwa ou pa pou fer.

E i sa bann Fondasyon, ki nou pe mete la, e apre pou nou kapab. Mon asire madanm Umarji, *CEO* lannen prosenn pou vin demann plis larzan.

Letan resours i *available* pou nou kapab, pou nou kapab mete. Be selman nou santi avek sa Bidze ki la, nou kapab.

Me selman nou a dir poudir Minister Finans par egzanp, letan nou ale pou demann plis, pou sa senk *post*. Zot in lizye frenmen, zot in dir ek nou wi definitivman nou bezwen rod en fason pou nou kapab ed *NCC*.

E nou ganny bokou sipor. Mon kapab dir nou ganny bokou sipor, nou'n ganny bokou sipor avek Minis Finans, pou nobou kapab annan bann sipor adisyonnal.

E mazinen i annan, i annan, i annan *budget review* ki i ava vini. *Mid-Year Review* kot nou kapab regarde si i annan. Si lekonomi i amelyore.

Mon pa pou dir si, mon a dir letan i amelyore. Pou nou kapab si nou bezwen ankor sipor ek led, pou nou kapab vin demann Gouvernman sipor avek led. Mersi Mr Chair.

MR SPEAKER

Mersi Minis. Onorab Georges.

HON BERNARD GEORGES

Mersi Mr Chair. Mr Chair mwan mon napa en kestyon. Mon ti anvi zis profit sa lokazyon apre en long lazournen, pou mwan dir ki mannyer mon annan en gran ladmirasyon pou sa Minister ki sa Minis i pe *manage*.

E la apre midi ankor mon krwar sa in vin, in vin devan. Bokou Minister zot annan bann rezulta ki tanzib.

Ou pe ogmant kapasite lapes, oubyen ou pe aste bato, oubyen ou pe ogmant kantite touris ki pe vin dan pei, oubyen prodksyon agrikol eksatera.

Zot, zot pe *deal* avek bann keksoz ki entanzib. Me ki tre, tre enportan akoz se zot, a la baz fondasyon en sosyete li menm. Si sa sosyete pou rezilyan, se i pou rezilyan akoz son striktir sosyal e familyal i for.

Alor mon ti a kontan zis profit sa lokazyon Mr Speaker. Atraver ou, Mr Chair atraver ou poudir ki mannyer mon'n empresyonnen par loptimizm ek dinamizm sa, sa *panel* ki la devan nou. Be bann *panel* ki'n la osi o kouran, o kouran lazournen ozordi.

Ki mannyer zot in demontre sa lafors ek sa *clarté* lespri ki zot annan, parey Minis

i dir – ‘*smart thinking*’, e mon krwar ki, i ti ava, mon ti a mank en loportinite, si lo lapar Lasanble an antye nou pa ti, dir nou remersiman pou sa nouveau lespri ki zot pe anmennen.

E sa kouraz e determinasyon ki sa Minister ek tou bann dimoun ki'n lo *panel* ozordi. Sirtou sa enn la ozordi lo NCC, in anmenn devan sa Lasanble, in donn nou en gran lespwar pou nou Nasyon. Mersi Mr Chair.

MR SPEAKER

Minis.

(APPLAUSE)

MR SPEAKER

Minis ou annan en dernyen mo lo la.

MINISTER MARIE-CELINE ZIALOR

Mersi Mr Chair. Mon ti a zis remersye, donn nou bokou kouraz Onorab Georges. Pour mon asire mon koz lo lapar *CEO as well*. Ki nou, ki nou, ki nou vin la devan e mon kapab dir ozordi zournen enternasyonal bann Madanm.

Zis bann madanm for. Wi, ki la ki nou pe, nou pe anmenn sa, sa. Anmenn sa bann Bidze ki vreman enportan e parfwa

mon krwar mon ti dir semenn pase.

I pas *par dessus* lenportans. Mon kontan ki Onorab Georges in mansyonn lenportans, bann Bidze ki koz lo sosyal. E ki annan bann rezulta ki entanzib.

Akoz nou toulstan mazin ekonomik e nou, nou kapab garanti Lasanble, sa bann, sa bann laspe sosyal for pei. Nou, nou pou toulstan anmennen e nou pou toulstan avek, swa *on camera, off camera*. Nou pou toulstan fer sir ki nou annan par dan tou sa bann diskisyon.

Swa ekonomik, ouswa enfrastriktir nenport pou fer sir ki sa baz fondasyon, i reste akoz parey Onorab Georges in dir.

San sa, nou pou aranz lekonomi pou lekel, pour kwa. Parfwa nou blyie e nou, nou la pou nou fer sir ki sa bann lobzektif i ganny, i ganny, i ganny met laklerte. Nou toulstan pa mank lokazyon pou nou fer sa. Mersi Mr Chair.

MR SPEAKER

Mersi Minis. Avek sa nou a pas lo vot. Pour *National Council for Children* ki lo paz 244 ziska 249. Pou en total R13milyon 677mil.

Manm ki an faver, lev lanmen silvouple? Mersi okenn.

Ou'n gannyen Madanm Clerk okenn Manm ki kont?

Vot lo Bidze *National Council for Children* paz 244 ziska 249, pour en Bidze R13milyon 677mil, i ganny 33 vot pour, 0 vot kont e 0 abstansyon. Mon deklare ki Bidze in aprouve an inanimite.

Mon a dir zot mersi pou en long lazournen. E sirtou bann zofisyen ki'n avek nou. E la dernyerman la, nou a remersi madanm Umarji ek madanm Payet sorti kot NCC.

Me apre Minis Zialor ek PS Theseek zot zofisyen ki'n avek nou. Nou a pran poz la, e avan nou ale nou a pas dan Staz Lasanble, pou nou terminen.

E nou a repran travay demen bomaten 9er. Mersi.

(ADJOURNMENT)

